



8

4-C

43



M


~~8-4-C-43~~

10189 f3a

FROSSARDI,

NOBILISSIMI

SCRIPTORIS GALlici,
*Historiarum opus omne, iamprimum &
breuiter collectū, & Latino sermone red-
ditum*



PARISIIS,

Ex officina Iacobi Dupuys.

1562.



1815 A. 245-52.1

1815 A. 245-52.1

1815 A. 245-52.1

1815 A. 245-52.1

1815 A. 245-52.1



1815 A. 245-52.1

EX PRIMO

FROSSARDI VO-

LVMINE, HISTORIAE

omnes memorabiles, &

lectu non in-

dignæ.



HILIPPVS, cognomento Pulcher, Gallia Rex, tres habuit filios, Ludonicum, Philippum, Carolum, & filiam vnā. Et illi quidem, per successionem, cū nullam haberent sobolem, administrationem regni transmiserunt ordine ad Carolum fratrem. Qui filium quidem sustulit, sed orbatu eo fuit multū adhuc adolescente.

Filiam Philippi Regis, & sororem Caroli, vxorē duxit Eduardus eius nominis secundus, Angliæ Rex, e qua procreauit Eduardum filium, cuius in hoc opere, plurimis locis, honorificentissima fit mentio, propter honestissimam indolem, pectus animosum, & virtutes principe dignas.



HISTORIAE I. LIB.

Extat Homeri sententia, plerisque omnes filios, parentibus esse deteriores: vix ullos meliores. Verum in hoc Rege secus euenit. Fuit enim illius pater ingenio minus honesto, propensus ad omnem luxum, & nimium auscultans delatoribus, e quorum grege precipui erant nobiles quidam duo ex familia eoru, qui in Anglia vocantur, Spenfij. Hi mentem omnem Regi excantauerant, adeo quidem, vt illorum consilio Rex inducitur, ad supplicium raperet circiter viginti duos nobilissimos Angliae Barones: nec isto contentus, coniugem quoque suam vnâ cum filio, omni Anglia eiiceret. Sed Regina tandem amicorum fide & opera, in Angliam reducta cum filio, & delatores illos patrem ac filium, atrocissimis puniuit suppliciis, & Regem maritum suum, inutilem regno, variis grauibuscque de causis, ex populi et senatus autoritate, custodia continuit. Quo facto, Eduardus nobilissimus heros, filius optimus pessimi parentis, qui cum matre, vt diximus, exulauerat, Londini coronatus est Angliae Rex, illius nominis tertius, ætatis suæ anno 16. Vxorē duxit Philippam, Gulielmi Hannoniae Comitis & Hollandiae, filiam. Hanc enim inter ceteras sorores amare cepit, quo tempore vnâ cum matre profugus ex Anglia, in Hannoniam deuenerat.

Ceterum,

Anno
domini
1326.

Ceterum, à morte Caroli Regis, Galliae proceres ad successionem regni capeffendam, minimè admitterebāt illius sororem Anglo nuptam: quòd ad fœminas tanti regni molem, minimè deuolui, iam olim iis locis receptissimū sit. Deinde etiam Eduardum tertium ipsius filium, & Philippi Regis nepotem repudiabant, tanquam à fœmina descendente: adeoque vno consensu sceptrū, & rerum summam detulerunt Philippo Valesio, defuncti Regis Philippi cognato.

Per hanc occasionē acerbissima secuta sunt bella, Eduardo tertio, regnū Galliae veriùs deberi sibi existimante, quàm Valesio.

Huc accessit quòd vir quidam summè nobilis, Robertus Artesiensis, qui apud Valesiū Regem in summo semper precio habitus fuerat: tandem in odium adductus, aula fuit exturbatus, & vndique studio Regis expulsus, quocunque se recepisset. Hic igitur post multos denique errores in Angliam accessit, ibique sedem quietam inuenit: & consiliarius Regis factus, non cessabat Eduardum hortari, vt bellū Galliae Regi moueret.

Eduardus Rex bellum illaturus Gallo, sollicitabat quoque Flandros, id temporis parum obsequentes principi suo. Gallus, intellexit, &

HISTORIAE I. LIB.

ope Comitum Flandri, tum apud se commorantibus, iussit maniri quadam loca Flandriae, quod necesse erat Anglis iter facere, venturis in Galliam. Anglus contra suas copias misit, & collatis signis caesi, fugatique sunt Flandri.

Anglus etiam ut negotia sua melius conficeret, & Germanicorum principum animos sibi adiungeret, Antuerpiam venit: ubi cum Ducibus Geldriae, Iuliaco, Archiepiscopo Coloniensi & multis aliis amicitiam firmavit. Et ne quid ea re Caesar offendi posset, placuit, Angli ceterorumque nomine, mitti Iuliacensem. Caesar adeo non improbavit causam, ut etiam Angliae Regem constitueret Imperii Romani vicarium.

Quod autem Caesar Ludovicus à Banaria tanto honore Anglum augebat, praecipua fuit causa, ut hac occasione, inter ceteros tumultus bellicos recuperari posset Cameracum, quae quidem ciuitas, cum sit Imperio coniuncta, tamen à Gallis fuit occupata bello.

Interim Galliae Rex cum Dauide Scotiae Rege foedus inuit, qui cum uxore Lutetiam eo nomine venit. Et à Gallo sunt missae copiae in Scotiam ad impugnandos Anglos, ut ita magis frangerentur ipsorum vires, & diminueretur Regis Angli potentia.

Anglus

Anglus igitur cum auxiliaribus copiis Cameracum obsedit, ut Imperio rursus eam vendicaret. Sed frustra laborem sumpsit, urbe & armis & comineatu munita. Quocirca copiae in Galliam traductae sunt.

Cum produceret exercitum Angelus in Galliam, Hannoniae Comes, qui nuper mortuo patri successit, & expeditioni Cameracensi interfuit, velut ex officio, & quod Imperij negotium ageretur, noluit deinceps inseruire Anglo, ne Galliae Regem offenderet, cum existimaret, iam non Imperij, sed priuatum Angli negotium in hoc bello agitari.

Adductis itaque in Galliam hostilibus copiis, & instructa utrinque acie, Gallus, etsi multo potentior Anglo, ut qui supra centena hominum millia haberet: ex consilio procerum, precipue vero deterritus literis Roberti Siciliae Regis, cognati sui, insignis astronomi, praelium declinauit. Et Angelus quidem una cum suis in Brabantiam, Gallus autem ad suos rediit, immoderate ferens, quod praelium non fecisset. Angelus deinde certior factus de fide confœderatorum in Angliam reuertit. Apud Gandauos, temporibus illis, homo quidam plebeius, Iacobus Artenillanus tantam sibi comparauit apud vulgus aestimationem, ut tandem illius au-

HISTORIAE I. LIB.

dacissimis incœptis nemo se opponeret, ne ipse quidem Flandriæ princeps. Ad conciliandos igitur Flandrorum animos, Anglus hunc sibi adiunxit, ut in futuro bello subsidium haberet. Huius autem Jacobi deinceps non vno loco fice mentio.

Anglus, priusquam in regnum suum rediret, ut paulò antè dictum est, transegerat cum Flandris, de subsidio præstando, quod & ipse maioribus in Gallum viribus pugnaret, & Flā dri, ciuitates amissas ita recuperarent (Gallus enim tenebat Insulas, Tornacum, & alia quædam.) Sed summam hîc difficultatem ostendebant Flandri, priusquam fœdus inirent cū Anglo. Nam antè sic conuenerat inter ipsos & Gallie Regem, ne vnquam aduersa arma ferrent. Quod ipsum si non seruarent, dependerēt vicies centena millia. & hæc quidem conditiones à Pontif. contestutæ fuerant. Hortabantur itaque Anglum, ut ipse insignia Gallie sibi usurparet, simul & titulum. quo factò, liberos se posse fieri à iuramento præstito. Rex à multa consultatione sic egit, atque ita confirmatum est inter cos fœdus.

Super ea re certior factus Gallie Rex, egit per quædam cum Flandris velut nomine Pontif. ut deserto Anglo suas partes deinceps sequeretur.

querentur, propositis magnificis præmiis. Quæ quidem omnia cum recusaret, illico subsecutum est fulmen Pontificium. Terruit quidem Flandros, sed ab Anglo per nuncios & literas confirmati, moderatiùs tulerunt. Feruebat deinde bellum inter Flandros & Gallos: & Gallia quidem Rex, filium suum natu grandiorẽ præfecit, qui cum ingenti hominum manu vel in Hannoniam usque penetrauit.

Gulielmo Hannonia Comite, ad confirmandas res suas, in Angliam, & post ad Ludouicum Cæs. profecto, Hannonia mirè affligebatur à Gallis, subinde incursiones faciētibus. Sed reuersus è Germania Comes, qui fœdere inito cum Anglo, cum Cæs. & plerisque inferioris Germaniæ principibus, ingentes copias collegit, adiutus & ab illo, qui captiuos tantum nõ habebat Flandorum animos, Iacobo Arteuilano, hostem repulit.

Instructis ita utrinque copiis, Hannonia Comes vehementer optare prælium. Sed aliter visum est Brabantia Duci, grauib. argumentis dehortanti, ne manus cum hoste, priusquam Anglus rediisset, quem habebant istius belli tanquam auspici, conferret.

Vt Gallus accepit, Anglum ad suos rediisse, quibusdam negotium dedit, vt collectis

HISTORIAE I. LIB.

navibus, ingressi mare, expectarent illius reditum, & applicare volentē, magnis viribus adorirentur. Sed *Anglus* obuiam factum hostem strenuē repellens, fortunæque præsidio adiutus, in *Flandriam* appulit.

Robertus Siciliae Rex, cuius antè facta mentio, quod ex astrorum scientia futurum videret, ut *Gallia* ab *Anglis* durè admodum tractiretur, pro suo in hoc regnum amore, *Auenionem* appulit, obtestans ibi Pontificem, & Cardinalium cœtum, ut pacem inter duos potentissimos monarchas firmarent. Illi quidem operam & studium suum polliceri, modò Regum animi huc inclinarent.

Sub idem tempus arctissimum fœdus iniierunt simul *Brabanti*, *Flandri*, & *Hannonienses*: ita quidem, ut si contingeret vnā aliquā regionem vastari bello, vel aliquo modo affligi, tum ceteri in subsidium venirent. Et, ut orta inter se dissidia ipsi componerent: sin minus, ut tum *Angliæ Regis* arbitrio, res mitigaretur. in cuius dexteram iurarunt omnes, pactum istud, ratum se habituros.

Coniunctis itaque sibi copiis auxiliariis, *Anglus* obsidione cinxit *Tornacum* ingenti exercitu. Oppugnatum est aliquoties, sed frustra, oppidanis fortiter sese defendētibz, ut qui

&

Et milite, Et rebus omnibus necessariis aduersus hostem essent muniti, ex mandato Galli, qui bonam consiliorum partem, quæ fuerant inter hostes agitata, compertam habebat.

Durante obsidione Tornacensi, Gallus aliquot copiis in Scotiam missis, obestabatur duces in præsidio ad defensionem patriæ à Dauide Rege ibi relictos, vt Anglos bello turbaret, quò hostis cogeretur, ommissa obsidione, ad suos redire. Se missurum illis præterea magnâ vim hominum, quorum subsidio aduersus hostem vterentur. Scoti rem strenuè egerunt, occupatis aliquot arcibus valde munitis, Et vehementer afflictò hoste.

Interim Gallia Rex magnum exercitum collegit vt Tornacenses obsidione liberaret. Et suppetias Gallo ferebant Carolus Bohemiae Rex, Dux Burgundia, Britonia, Borbonia, Lotharingia, Comes à Bar, Geneuensis, Sabaudia, Alenconius, Flander: Et præter istos, Reges Nasuarræ Et Scotia, hic vt confœderatus, ille feudi ratione Gallia subiectus.

Quòd Flandria Comes narratur Gallia Regi tulisse opem, ne cui mirum videatur, reputanti Flandros Anglo fuisse adiunctos. Res ita habet. Iste, cuius antè meminimus, Iacobus Ardenillanus, tam erat popularis, vt ipsi Co-

miti periculosum esset in Flandria versari. hac igitur ratione coactus est in Galliae Regis patrocinium sese dare.

Obsidio Tornacensis durabat plus minus tres menses, quo tempore plurimum laborabat Iohanna Valesia Galli soror, eadēque Comitissae Hannoniae mater, ut ad pacis conditiones veniretur. hoc tandem effecit, ut praescriberetur dies, quo convenirent & Galli, & Anglici procures: qui deinde pacti sunt de induciis, ad anni spatium, ita ut quisque ea, quae bello occupasset interim teneret. Sic igitur dimissus fuit exercitus. Hoc praeterea statutum fuit, ut certo anni tempore venirent Atrebatum utriusque Regis, & Pontificis. Clementis legati conuentum est: Angli plurima postulare: Galliae Rex nihil offerre, praeter Comitatum Pontichieu, qui Regis Eduardi matri, cum in Anglia nuberet, datus fuit in dotem. Praeterea nihil actum, nisi quod induciis alter est adiectus annus, & Anglus in regnum suum rediit.

De bello

De bello Britonico.



Constitutis ita rebus, cum
dux Britoniæ, reditum in
suam ditionem pararet:
corruptus in via graui quo
dam morbo, vitam finiit,
non relicta prole mascula,
à se legitimè procreata.

Erant illi duo fratres, quorum alter Comes à
Monteforti communem solum habebat cum eo
patrem. Alter erat frater germanus, sed vitæ
antè finiit, relicta vnica filia, quam quidē Bri
toniæ dux, cum esset in viuis, nuptui dedit Ca
rolo à Blois, Philippi Galliarum regis, è sord
re, nepoti.

Etenim Brito, metuens futurum, vt à morte
sua, Comes Montfortius, frater, Britoniam oc
cuparet, exclusa interim, ac velut exheredata
fratris sui germani filia legitima, per matrimo
nium puellæ consulendum putauit. Itaque vo
luit eam nubere nepoti Regis, ea spe, consiliò
que, vt si quid alter moliretur, facile posset illi
obstare. Et ita quidem euenit.

Montfortius enim, statim vt de fratris mor
te cognouit, bonam Britoniæ partē, & armis,

HISTORIAE I. LIB.

Et in deditiōem receptis populis, occupavit. Deinde, pro confirmandis, atque tuendis rebus suis, in Angliam profectus, re omni exposita, Ducatus inaugurationem ab Anglo suscepit.

Et Rex quidem Anglus, quod per Britoniam videret accessum longè facillimū in Galliam sibi patere: studium et opem novo duci pollicitus est aduersus hostem, siue Gallum illum, siue quemuis alium. Cœpit enim illi iam pridem displicere, quod in societatem belli Germanos admisisset, in quos tãtam vim auri profudisset, nulla re magna perfecta. Hac adeo est huius belli caussa, et vera origo.

Carolus à Blois, certior factus de cœptis et ausibus Montfortij, grauiter apud Gallie Regem questus est. Facta consultatione, Rex iussit citari Comitem in senatum Parisiensem. Venit ille, Habitis vltro, citroque verbis, iniunctum illi fuit à Rege, vt ne intra certum tempus vrbe discederet. Abiit tamen clanculum. Itaque iudicatum est pro Carolo. Vehementer autè grauabat illius caussam, quod ab Anglo Ducatus inuestituram cepisset: adeoque Gallus, Carolū declaratum heredem, sua voce hortatus est, vt armis ditionem sibi iure debitam recuperaret, promittens illi operam suam, et simul alios procures

procures inuitans, vt Carolo æquissimam sustinenti caussam, non deessent.

Itum est ad bellum copiis auxiliaribus procerum Galliae. Præter cætera, tandem fuit etiã expugnata vrbs Nantensis, iis locis maxima. Captus ibi Montfortius, Lutetiam deinde missus ad Regem: & ex huius mandato in custodiam abductus, tandem vitam finiit. Interim illius vxor, planè virilem animum repræsentans, confirmabat suorum animos, & reliqua loca nondum ab hoste capta, præsidis muniuit, & annona.

Constituta pace inter Anglum & Gallũ, post solutam obsidionem Tornacensem, Anglus ad suos reuersus, comperit quanta calamitate Scoti interea regnum vexassent. Collegit exercitum. Scoti, absente Rege suo, necessitate summa coacti, inducias impetrarunt ab Anglo, vt si intra menses quatuor non subueniretur à Rege dederent se. Significatum est illud Scoto. Rediit, & copiis auxiliaribus adiutus, expugnauit quasdam Anglorum munitiones, & inter cæteras, urbem Durenũ, vbi prorsus nulli ordini, sexui, nec ætati parcitum est, quin etiam exusta templa. Scotus deinde, cùm persequendo bello tempus tereret, certior quoque factus Anglum ingenti manu aduentare, ex

HISTORIAE I. LIB.

consilio suorum retrocessit, pactione interim facta super induciis, quas tamen Scotus noluit suscipere, nisi prius rem ad Gallum, qui cum foedus inierat, retulisset.

1 3 4 2. Galliae nobiles, non alia ratione discesserant è Britonia, quam quòd hybernium tempus vrgeret. Sub æstatem rursus suas copias adduxerunt, occupaturi reliquam illius Ducatus partem. Qua de re certior facta Domina à Monteforti, missis ad Anglum legatis, auxilium implorabat, tali pacto, vt filius, quem è marito suo vita defuncto sustulit, vxorem duceret aliquam filiarum Angli. Placuit regi conditio, & missa fuerunt aliquot millia. Sed per duos ferè menses iactati procellis & fluctibus non potuerunt in optatum portum inuehi, atque interea Galli quædam loca recuperarunt. Sed dictum mirum, quam strenuè sese deditit ipsa Domina. Nec enim solùm munire arces, & animum addere suis, verumetiam armari, & comitata equitum turba, prouolare in campum, & hostem laceßere. Quinetiam in arce quadam, obsidione pressa, cum plerique omnes deditiõnem suaderent, ipsa adeò sola inter viros resistendum putauit, & rem extraxit, donec aduenirent Angli, qui longo tempore mari errauerant, vt narratum est.

Quidam

Quidam Gallorum dux Ludouicus Hispaniensis in deditionem accepit Britoniæ ciuitatem Dynantum. Et ciues quidem suum præsidem, quod ad deditionem consentire nollet, interemerunt in foro. Huic vicina quædam alia ciuitas Geranda ab eodem belli duce vi capta est, & ne paruulis quidem atque infantibus parcitum: exusta quoque fana deorum. sed Duci vehementer displicuit illa impia crudelitas, & strangulari iussit auctores scelerum. In deditionem etiam accepit ciuitatem Veneratorum, repugnante præside: & multa præterea alia loca. Summa, variè pugnatum est ab utraque parte & mari & terra. premebatur oppidum & arx illis locis, dicta Hamibout, summis viribus: & defendebatur maioribus. Nam ibi tum agebat Domina Britoniæ, cuius antè meminimus. Galli cum tempus tererèt & impenderet hyems, auctores fuerunt Carolo à Blois, vt copias dimitteret, & simul de induciis pacisceretur, relictis in præsidio militibus. Id adeo factum est, & Domina nauigauit ad Anglum. Qui exercitum misit in Britoniam contra Gallos.

Sub idem tempus Angliæ procères Regi suo fuerunt auctores, vt inducias cum Scoto pacisceretur stabiles ad triennium, si fieri posset.

HISTORIAE I. LIB.

Grauiſſimum enim fore, vt vndique ſuſtineret illam bellorum molem, hinc in Scotia, hinc in Gallia. Miſſus ad Scotum legatus nihil impetrauit, quòd Scotus Gallum prius conſulendũ putaret. Conſcripſit Anglus exercitum, vt Scotum euerteret: ſed interea bonorum virorum interceſſione ſunt impetratæ & ſtabilitæ induciæ. Anglicus exercitus, de quo cœptum eſt narrari, in finibus Britoniæ obuiã habuit Gallorum claſſem bene inſtructam. Commiſſum eſt prælium nauale. pugnatum in noctem vſque. Sub intempeſtam noctem orta tempeſtas longè periculoſiſſima, diſiecit eos, ſic vt plus cẽtum milliaribus inuicem eſſet dirempti. In hoc etiam prælio virilem operam nauauit Domina à Monteforti. Angli tandem occuparunt portum non procul ab vrbe Venetorum, quam tum Galli tenebant: & oppugnarunt eam ſtrenuè. Tandem exercitu in tres partes diuiſo, duobus locis eam noctu acriter oppugnabant: & reliquum exercitum, dum eſſent omnes ad deſenſionem intenti, loco minimè aduerſus hoſtem munito, admouentes, urbem ingreſſi ſunt, caſis & fugatis omnibus.

Erant duo quidam Galli nobiles relicti ad tuendam urbem Venetorum. Illos vehementer angebat urbem ita captam eſſe. Collegerũt itaque

itaque militem, & facta oppugnatione denuò illam ab hostibus extorserunt. Et in his turbis vulneratus est Robertus Artesius Anglicæ classis præfectus & belli dux. Auctus Londinum curandi sua caussa, statim obiit. Quæ re permotus Anglus, ut mortem tanti viri ac sibi tam chari vlcisceretur, ipse magna vi nauium in Britoniam appulit.

Tantus erat Anglorum numerus, ut eodem tempore obsiderent potentissimas ibi vrbes Renensem, Venetos, Nantensem, ubi tum erat Carolus à Blois cum vxore: & oppidum Dynantum, quod etiam per vim expugnarunt.

Carolus à Blois ad Regem Gallie scripsit de statu rerum omnium, de Angli aduentu & oppugnatione oppidorum, petens ut sibi in his malis posito subueniret. Gallus misit Ducem Normandiæ filium suum. Is secum adduxit plus minus. 40. millia, & rectà contendit ad urbem Venetorum; tum arctissimè obsessam ab Anglis. Et nisi hybernū tempus plurimū attulisset difficultatis, prælio fuisset dimicatum. Præterea duo quidam Cardinales à Clemente Pontifice missi, pacti sunt inter eos de induciis ad annos tres, iuramento interim à principibus præstito, se ratum istud habituros. Et Anglus quidem in regnum suum rediit.

Durante adhuc bello Anglus obsederat urbem Venetorum recuperatam à Gallis: & defendebant eam nauiter duo quidam Galli nobiles, dominus à Clisson & Henricus dictus à Lyon. Hos contigit in leui quodam praelio ab Anglis capi, & quoniam vicissim captus erat quidam ex primoribus Anglicis, constitutis induciis, coeptum est agitari de permutandis captiuis. & Anglus quidem vt suum recuperaret, Gallis restituit dominum à Clisson, detento in custodia Henrico. Hinc, vt verisimile est, amuli conceperunt suspicionem de Clissonio, tamquam Angli partibus addicto, ideoque potius ipsum dimissum, quam alterum. Summa, sic creuit suspicio, vt capitis de eo supplicium sumeretur Parisiis. Et ob similem causam plerique alij nobiles viri affecti sunt capitali poena. Miserandum profecto spectaculum, praesertim cum Clissonius in recuperanda urbe Venetoria ab Anglis, functus fuisset optimi ducis & strenui militis officio.

Hoc adeo factum Galli malè habuit Anglum, reputantem in contumeliam sui viros istos occisos. Liberari iussit Henricum: & manumisso iniunxit, vt ad suos rediens, nunciaret Gallo, se ita interpretari factum hoc, & existimare idcirco inducias nuper constitutas, à Gal-

lo violatas : ideòque expectaret à se omnia hostilia. Nuncius ad Gallum delatus est, & Anglus exercitum misit in Aquitaniam, & alios præterea quosdam ad subsidium Dominae à Monteforti.

Baionæ & Burdegala summo applausu accepti fuerunt Angli : Oppugnatione deinde facta ad urbem Bergeratum adiacentem Garumnæ fluvio, ciues in deditionem acceperunt, iuramentum fidelitatis Anglico duci præstantes, nomine Regis. Ceperunt & plurima alia loca, partim deditione, partim vi & armis. Inter cætera occuparunt arcem egregie munitam, Auberocham: & ibi relicto præsidio Anglicus dux cum bona exercitus parte rediit Burdegalam. Interea Galli ad xij. millia numero vehementer obsidebant arcem istam, Anglis interim ibi stantibus in præsidio, multum afflictis. Verum Anglicus dux Burdegala certior factus, collectis plus minus nongentis hominibus, sub vesperam Gallos iamiam cœnatuos repente adortus, & præsiliens è sylva quadam viciniore fudit, fugavit, & cepit plerosque omnes, capto & graviter vulnerato ipsorum duce, quem iis locis, ut regulum aliquem habebat. Obsidentibus arcem quandam Anglis, cuius præsidem suum recusantem facere deditio-

nem loci, in vinctula coniecterunt, non liberaturi eum, nisi consentiret. Consensit: & postea cum Tolosam venisset, accusatus traditionis suspensus est. In deditionem quoque acceperunt oppidum Riolam. sed praefectus arcem dedere necdum voluit. Angli cuniculos agere: Subruta bona parte, praefectus periculi praesentiam considerans loco cessit, & Anglis arcem reliquit. Præterea Angolismam, euoluto mense; quem optarāt sibi dari ciues, ea spe, futurum, ut interrim à Gallo solueretur obsidio.

1346.

Suprà narratum est de Iacobo. Arneuillano, qui tantus erat apud Flandros, ut etiam ipsi Comiti, non esset tutus accessus in ditionem suam. Sed tulit tandem præmium homine seditioso dignum. Iniecerat Anglo spem maximam, id se facturum, ut communi Flandriae consensu, omnis illa regio in ipsius Angli potestatem veniret. Pro qua re conficienda, Anglus instructissima classe in portum Flandriae appulit. Res populo fuit proposita: plerique omnes erant non malè in Anglum affecti. Gādauenses verò pessimè habuit inceptum hoc. Redeuntem in urbem, Iacobum minus benignè acceperunt, ædes obsederunt ac perfregerunt, ipsumque dominum per posticum conantem euadere, occiderunt. Et inter cætera fuit ista quoque

quoque potissima accusationis pars, quod pecuniam omnem publicam, ad Anglum secretò misisset. Habebat autem Flandriæ Comes filiū vnicum. Sub idem tempus Gulielmus Hannoniæ Comes, cum auxiliaribus copiis in Phrisiā, cuius se verum esse dominum asseuerabat, nauigans, occubuit ipse in prælio cum multis aliis nobilibus. Ab illius morte Margarita Hannoniæ princeps, Ludouici à Bauaria Caesaris vxor possessionem accepit huius comitatus. Gallus maximè cupiebat, Ioannem Hannoniæ, virum nobilissimum & strenuum bellatorē, qui egregiam semper operam præstitit Anglo, sibi adiungere. Variis modis negotium fuit tentatum. Et cum aliter fieri non posset, inuenta est hæc vna ratio, vt persuaderetur Regem Angliæ nolle suas illi pensiones & annua salaria persolvere. Credidit: & protinus ab Anglo fuit alienatus, Gallo suam operam addicens. Gallus postq̃ intellexit Anglos depopulari Aquitaniā & occupatas iam ab illis plurimas tam vrbes quā munitiones, collegit militem, & excreuit numerus ad centena millia. Ducem belli constituit filium Ioannem Normanniæ principem. Opem tulit Gallo Odetus Burgundiæ dux, & illius filius Philippus Artesiæ & Bolonia Comes, vterque instructissimus. Recuperarunt urbem

Angolismensem. Obsidebant arcem, qua non alia munitior, Aguilonum, per deditionē antē receptam in Anglorum potestatē. Variis modis oppugnatum est ibi. Sed nemo credat quantis, & animis & viribus defenderint se Angli, stantes ibi in praesidio. Cōsultus Galliae Rex, quid faciendum existimaret, nunciauit filio, vrgeret obsidionem, donec inedia coacti sese dederent.

Anglus certior factus, in quanto essent discrimine sui, exercitum illico coëgit numero ad millia quatuordecim. Comitatus inter ceteros filio suo Eduardo principe Vuallensi, & Gallo quodam nobili Godefrido ab Haricurto, qui regno pulsus à Gallo ad Anglum se contulit ad tuendum se ad vlciscendum iniuriam. Gallus enim omnia illius occupauerat. Hic adeo auctor fuit Anglo, vt in Normanniam cursum dirigeret, cum alioqui Rex nauigationē in Aquitaniam instituisset. Exercitum in tres diuisit partes: quarum duae iuxta maritima loca depredabantur agros, expugnatis aliquot oppidis & abductis captiuis, ne quid postea molirentur, collectis viribus. Tertia, mediam regionem tenebant, in qua Rex. deuastantes omnia, sub noctem reuertebantur omnes ad castra Regis.

Gallus interim conscribi iussit exercitum,
quo non

quo non fuit alius in Gallia multis annis visus potentior. Scriptum est pro auxiliis, ad Regem quoque Bohemiae valde tum studiosum Galli. Occuparunt. Angli oppidum Normanniae opulentissimum S. Lupi. post ad oppugnationem properarunt longè opulentioris, Caen vocant, à fluuio præterlabēte. Ciues, acie instructa volebant configere cum hoste: quem ubi vidissent, homines insueti bello, fugerunt ad urbem. Gallici duces in munimenta se receperant: sed vastam stragem in vrbe videntes (nam occuparāt Angli) dediderunt se. Inter captiuos erat Connestablius: quem ipsum Rex Anglus postea vnā cum sociis, ab eo qui ceperat, redemit viginti millibus aureorum. Progressi sunt etiam Angli vltra Sequanam versus Rotomagum. Velites excursionem fecerunt ad vicina loca Parisiis. Et cū obuiam haberent ciues Ambianos Lutetiam ex mandato Regis properantes bene instructos, quòd dudum nihil militare subiissent, facto in eos impetū, diripuerunt illorum impedimenta.

Interim Gallus Lutetia cum suis copiis discessit ad S. Dionysium (quamuis deprecantibus Parisiis) quò reliqui principes conuenerant. Anglum miro quodā ardore persequēs, venit. Ambianum. Exercitum suum conatus

est hostis per Sommiā traducere, sed neque vadum nouerant ullum, neque pontes à Gallis, valido præsidio obsessos occupare poterant. Ab adolescente tandem fortè comprehenso (cùm esset propositum captiuis Gallis præmium & promissa liberatio) vadum fuit demonstratum. Id cùm suspicarentur etiam Galli, futurum, ut ea parte traicerent, magnis viribus ibi se obiecerunt, & in fluuio acriter pugnatum. Sed tamen peruehebant Angli in fugam conuersis hostibus. Gallus interim accessit in urbem Abbeuillam: & Anglus quidem illum in planicie expectabat, collaturus signa.

Sub prælii tempus Deum orabat, ut felicem victoriam donaret, exercitum omnem in tres partes diuisit. erat in prima filius illius, ultimam ipse tenebat. Summis viribus utrinque certatum, sed tandem Angli victores extiterunt: quod mirum videri posset, præsertim aduersus tantam hostium multitudinem. Succubuit in hoc prælio Henricus à Lutsemburgo pater Caroli Bohemiae Regis. nam etsi captus erat oculis, in hostem tamen voluit pugnare. Inter pugnandum rex Anglus, qui necdum ingesserat se turbæ dimicantium, expectans occasionem, certior factus, filium suum, versantem in prima acie grauius urgeri ab hoste, nunciis respondens ne subsidium,

fidium, inquit, hodie postuletis à me, quandiu filius meus adhuc superstes est. Volo enim ut hodie suæ virtutis specimen edat, utque victoriæ laus penes eum sit omnis, & eos, qui in custodiam ei sunt adhibiti. Gallus sub noctem paucissimis comitatus è prælio discessit. Iussu Regis Angli censa sunt capita Gallorum qui succubuerant in prælio. Inuenti undecim Principes, octoginta Barones, mille Ducenti equites, & plus minus triginta millia. Ex mandato Regis nobiliores omnes sepulti in vicinis oppidis, & data tridui induciæ ad sepelienda cadauera.

Parta contra Gallos victoriæ, Anglus relictà contendit Caletum, & obsidione oppido circumdato quiescebat, expectans ut inedia tandem ad deditionem compellerentur. Interim Gallus duci Normandiæ filio, oppugnanti arcem Aguillonum nunciauit, ut relictà obsidione, copias suas in Galliam adduceret, quò Anglis omnia passim occupantibus, resisti posset. Priusquam hæc ad exercitum essent delata, prælium fuit inter Gallos & Anglos. huic interfuit Philippus Burgundionum Ducis filius, qui collapsus cum equo, non ita multò post vita functus est. Cùm obsideretur Aguillonum, cui præerat Baro quidam Anglicus, apud Burdegalam erat Comes Derbÿ, quem Anglus in

Aquitaniā prēmiserat. hic ad eū cum intellexisset arcem obsidione liberatam, & abiisse Normandiæ Ducem, collectis plus minus sex millibus, bonam Galliæ partem iis locis peruagatus, tandem Pictuuium vi cepit: ac deinde Burdegalam reuersus exercitum dimisit, sed nullum, ob vastitatem vrbis, Pictauij reliquit præsidium.

In obsidione apud Caletum occupato Anglo, Scotiæ Rex David, & sua sponte, & Galli precibus incitatus, quod militē omnem Anglicum in expeditione crederet esse cum Rege, vel maximam saltem partem, collectis plus minus quadraginta millibus, in Angliam properauit. Interim Angliæ Regina viriliter sese dedit, consilium captans cum Angliæ proceribus & Episcopis. Conscriptus est subito exercitus, pugnatum acriter: & interfuerunt prælio aliquot Archiepiscopi & Episcopi Angli. Obtinuerunt autem victoriam, tamen si numero multo inferiores Scotis. In pugna captus est Rex Scotus cum plurimis aliis. Occisorum numerus surgebat ad quindecim millia, reliquis in fugam versis. Facto prælio, Angliæ Regina, traiecto mari, Regem maritimum inuasisit.

In pugna, cuius antè facta mentio, periit etiam inter cæteros, Flandriæ Comes, qui propter

pter factionem Iacobi Arteuillani coactus erat Gallo sese in clientelam dicare. Reliquit filium Ludouicum id temporis quindecim annorum. Anglus industria, & ope Iacobi Arteuillani sperabat se posse efficere apud Flandros, ut rerum ibi potiretur, utque filius suus princeps Vuallensis omnem Flandriam illorum consensu teneret: sed interfectus est author tam impij consilij, ut narratum. Nolebant enim exhæredaret sui principis filium. Itaque Anglus cœpit tractare de matrimonio inter iuniorem Flandriæ Comitem, qui tum erat in aula Galli, (nam cō cum patre profugerat, rebus malè constitutis in Flandria,) & filiam suam Isabellam. Hic sese opposuit Brabantia Dux. nam & is filiam tunc habebat. Excogitatus est modus à Flandris ut Comitem suum abducerent à Gallo. venit in Flandriam iniecta spe recuperandæ possessionis paternæ. Interim Anglus rem suā diligenter agere apud procures. Per illos de matrimonio propositum est Ludouico. recusauit modis omnibus, quod illius filiam ducere nollet, qui parentem suum interemisset. Cū ita perstaret in sententia, nec aliud responderet, Flandriæ consiliarij in custodiam abduxerunt, non futurum liberum, nisi consilio seniorum pareret. Ita persuasus est, constitutus dies, conuentū

*ab Anglo, illius vxore, & Flandria primori-
 bus: tractatum negotium: consensit ille, & si-
 mul fidem dedit: rediit in Flandriam. nec tam
 arctè custodiebatur quàm antè. Sub tempus
 nuptiarum, comitatus quibusdam, ad venatio-
 nem abiit, ibi simulans se persequi suum falco-
 nem, quem in ardeam emiserat, paulatim ma-
 gis ac magis progressus euasit ex illorum con-
 spectu, & sic ad Gallum rediit. Quo tempore
 Anglus oppidum Caletum obsidebat, exactum
 erat tempus induciarum, quæ per Cardinales
 quosdam erant constitutæ inter Carolum à
 Blois, & Dominam à Monteforti, vt antè di-
 ctum est. Itaque rursus ad arma deuentum.
 Anglus mediocrem equitum numerum cuius
 exercitus qui Caletum obsidebat, subsidio misit
 Domina. Occupantes Anglos arcem quan-
 dam & urbem, Carolus à Blois arctissimè ob-
 sedit: sed Angli quidam alij à Domina repē-
 tē missi, prima luce, præter expectationem ir-
 ruentes in castra Gallorum, qui propter pridia-
 ni cuiusdam conflictus benigniorem fortunam
 negligentius excubias agebant, bonam illorum
 partem fuderūt, & ipsum adeò dominum Ca-
 rolum à Blois imparatum ceperunt. Anglus
 interim acriter obsidione premebat Caletum.
Gallus vt solueret obsidionem, copias ingentes
collegit,*

collegit. Qua de re certior factus *Anglus*, & loca maritima & campestria, quibus accessus erat *Gallis*, ita præmunivit, ut nusquam pateret illis iter. *Gallus* optabat ab *Anglo* sibi fieri potestatem pugnandi. videbat enim præclusum sibi omnem aditum. *Anglus* quod per anni ferè spatium oppidum obsedisset, magna vi auri profusa, compendium hoc retinendum sibi putavit. Et sub idem tempus à *Clemente* missi duo *Cardinales* pro conciliandis principibus, per triduum habita colloctione cum utriusque *Regis* delegatis proceribus, nihil egerunt. Itaque *Gallus* omnem exercitum statim dimisit. *Calenenses* omni se destitutos & spe & præsidio cum viderent, de deditone agebant. *Anglus* illam recusare, nisi de fortunis & illorum salute, pro suo arbitrio statuendi, libera sibi permissa potestate. Dissuadentibus hanc illius pertinacem iram consiliariis, quod pessimo fieret exemplo, tandem res deducta, ut ex omni civium numero, sex potentiores, nudi caput & pedes, laqueum collo, & claves oppidi manibus ferentes, libidini suæ, & arbitratui dederentur.

Hoc nuncio in civitatem illato, summus repente luctus ibi natus. In hac animorum consternatione, cum quidem minimè plebeius, pro salute patriæ inedia penè confectæ, mortem se

HISTORIAE I. LIB.

non reformidaturum palàm diceret, quinque deinde alios in similem rapuit affectum.

Hos ad eum modum productos, quò voluit is, qui tum vitæ necisque potestatem in eos habebat, & eiusdem mandato iam capitis pœnæ destinatos, cùm frustra nobiles viri omnes intercessissent, vix tandē ipsa Regina, consumptis in eam rē multis rationibus, morti eripuit. Missis deinde qui arcem & oppidum occuparent, iussu Regis coloni veteres migrare coacti, & ex Anglia familiæ eò traductæ. Postea super induciis, opera cuiusdam Cardinalis, ad biennium transactum est.

Caletum Anglus commisit Itali cuiusdam tutelæ & fidei. Porro nobilis quidam Gallus, ad sanctum Odomarum in præsidio relictus, quòd sciret nationem hanc, præ cæteris valde cupidam auri, tacitè cum hoc egit, ut arcem sibi uenderet. precium erant viginti aureorū millia.

Certior factus Anglus qua nescio ratione, & dissimulans omnia, vocato ad se Italo, percontari de facto. Ille, cùm aliud non liceret fateri & veniam orare. qua impetrata, discedenti Rex iniunxit, ut quod instituisset, non prætermitteret. Ad constitutum diem, pridie Rex bene instructus, quàm potuit occultissimè Caletum venit. Gallus, qui aurum dependit, rerum

omnium

omnium ignarus, præmisit equites, ad occupandam arcem. Intromissi, repente, cum nihil eiusmodi suspicarentur, à Gallis comprehensi. inde sub lucem Anglus extra urbem pronolans, & reliquos ibi Gallos, exitum rei manentes adortus, fugauit & cepit, cumque his cum, qui proditiōis causam dedit.

Valesius Rex, id temporis alteram duxit uxorem, Philippi Nauarræ principis filiam. Quin & ipsius natu grandior filius, Ioannes, matrimonio sibi adiunxit per idem ferè tempus, Iohānam Boloniæ dominam: uxorem quoddam Burgundionum Ducis filij, illius, qui ad oppugnationem Aguilioni, vitam finiit, anno 1346.

Philippo Regi vita functo successit Ioannes, 1350. qui non multò post coronationem, Lutetiæ capitis pœnam sumpsit de Connestablio, nuper ex Anglorum custodia liberato. Rex illum proditiōis reum agebat,

D ii.

HISTORIAE I. LIB.
DE IOANNE,
PHILIPPI VALE-
sij filio, Galliarum Rege.



Reato Rege Ioanne; Cle-
mens, Auenione desuit esse
apud superos. Ab hoc ele-
ctus est Cardinalis Ostia,
natione Gallus, antè quidē
vocatus Stephanus Alber-
tus, ab electione autem; In-
nocentius Sextus. Bohemia principem, &
Ducem à Lenclastre, ob conuicia mutua exa-
cerbatos, iāmque paratos *μωρωμαχῆν*; Gallus,
negotio composito diremit. Iussu Regis necato
Connestablio, vt diximus, Carolus ab Hispania,
cui Rex Angolismensem ditionem dederat, in
uxorem ducta filia Caroli à Blois, ad hanc di-
gnitatem euectus, à Carolo Nauarria Rege, cū
ad quietem se composuisset, necatus est. Eo fa-
cto multum, vt credibile est, fuit Gallia Regis
animus perturbatus, at certæ conditiones illum
reconciliarunt. Huic sic interempto successit
Iacobus Borbonius. Et induciæ, inter Gallum
& Anglum, ad mensem Aprilem constitutæ,
in solstitium æstiuum extractæ sunt. Vtriusque
enim

enim Regis legati, Auenione, apud Pötificem, cum pacis inter eos rationes coire non possent, inducias eousque protraxerunt.

Princeps Vuallensis exercitum in Aquitaniam adduxit. Anglus, bellum facturus in Gallia, Caletum venit huc misso nuncio, Gallus detulit *μωνομαχίαν*, Anglus recusare. Gallus ecclesiæ proceres, nobilitatem omnem, & ciuitatum primores, Lutetiam per literas euocauit, gerendi belli necessitatem exponens. Actum est ibi de conferendo tributo, nec in ea re quisquam immunitatem obtinere potuit.

In arce Rotomagensi, Rex Nauarræ, Ioannes Comes ab Haricurto, multique alij, inter prandendum à Gallia Rege, qui subitò illum nemine quicquam suspicante, venit, capti sunt. Rex Lutetiam abductus in custodiam, Haricurtus in cœtu nobilium, maledicta nescio quæ profuderat in Regem absentem: grauiter contendens, imperatum nuper tributum minimè pendendum esse, & simul inhortans reliquos, ut eam sententiam obstinatè sequerentur. Hinc accusationis initiū, hinc suppliciū. Nam capite truncatus ex mādato Regio, postea suspensus est.

Angli filius, qui nuper in Aquitaniam, ut diximus, aduenit, Burdegala discedens, vicinā regionem omnem, puta, Pictauiensem, Turo-

'HISTORIAE I. LIB.

nensem, Berriamque depopulatus est: & collectis ibi rebus necessariis, quod reliquum erat, perdidit, effusis vinis, exustis frugibus, ut ne in hostium usus transferri possent. Interim Gallus apud Carnutenses magnam vim militum habens collectam, summa festinatione, & hostili prorsus animo persequabatur Anglum. Et cum non procul abesset Pictavio, rescivit hostem prope posuisse castra. Illico habita consultatione, exercitum omnem in tres ordines partitus, in primo, Ducem Aurelianensem: in altero, filium Carolum natu maximum, collocavit: tertium ipse tenebat. Hostium numerus admodum erat exiguus. Ut per exploratores intellexit Gallus, qua ratione essent ad praelium instructi, & simul, versari eos in loco, natura, & ipsorum industria munito, praecepit, ut pedites pugnarent omnes, trecentis, aut eo amplius ex equis pugnaturis, qui sagittarios impetu facto dissiparent. Aderant quatuor ipsius filij, Carolus, Ludouicus, Ioannes, Philippus. Hi cum res male ageretur, & ad Anglos inclinaret victoria, in munitiones longinquiores abducti sunt. Innocentius, qui Clementi successit, duos in exercitum misit Cardinales, de pace acturos, sub ipsum tempus, quo stabant hinc & hinc suo ordine firmatae acies. Variis modis res agitata

tata fuit. Gallus videbatur aliquantò duriores proponere conditiones. Ab altero Cardinale multum fuit desudatum, sed accepto nuncio à Rege, vt nisi de vita periclitari vellet, omnem pacis mentionem abiiceret, discessit. Ventum est ad manus, pugnatum acerrimè, nunc huc, nunc illuc aliquandiu inclinante fortuna. Sed strenuam hic operam nauarunt sagittarij Anglici, tum, si quando aliàs, inuictis planè animis, & robore: ita quidem, vt ipsorum virtute solum fractis hostium viribus, à minimo exercitu parta sit eo die victoria insignis, qua, nescio, an vetustas vllam proferre possit clariore. Vt de numero caesorum nihil dicam, inter quos multi potentes viri, captus adeò Rex ipse fuit vnà cum Philippo, natu minimo filio, quem praelium commissurus apud se esse voluit. Et quoniam ea tum fuit Regis fortuna, quibus facile intelligat, quo in loco fuerint cetera turba. Princeps captiuū Regem, secū abduxit Burdegala. Dum hæc apud Pictones gererentur, Nauarij (quem in carcerem supra diximus abductum) frater, auxiliariis copiis multū auctus, Normāniam rapinis & incursionibus vexare.

Galliæ ordines, de tuendo regno consultaturi, Lutetiam conuenerunt, quandoquidem & Rex in hostium erat potestate, & filij per ata-

tem non satis prospicere poterant. Ex omni numero triginta sex constituti sunt, quibus rerum administratio, donec solutus esset custodia Rex, committebatur. Sub proximum ver Angli filius traiecto mari, Gallum & cum eo filium in Angliam abduxit, pactione interim super induciis facta per Cardinales, qui ipsi deinde, inter Anglum & Scotum, ut pax coiret, plurimum laborabant, adiuuante illos in hoc tam pio negotio, Episcopo sancti Andreae apud Scotos. Sunt autem hae conditiones initae susceptaeque pacis, primum, ut ne Scotus vnquam aduersus Anglum ineptaret bellum, imò ut suos in Angliam volentes facere excursiones, profita virili cohiberet. Deinde ut in regnum reuersus, id ageret apud populum, ut Scotia esset Angliae subiecta deinceps, ratione feudi, quod vocant, & inaugurationis. Quod etiamsi populus recusaret, Scotus ipse nihilominus perpetuam & firmam cum Anglo concordiam seruaret: postremò, dependeret Anglo intra decennium quingenta aureorū millia. Cuius quidem rei gratia daret obsides aliquot regni principes viros, in Angli potestate futuros, donec depenso auro fidem suam liberasset. His ita peractis & literis fide dignis in eam rem conscriptis, Rex Scotus, qui nonem annos, & cō
plus

plus captiuus in Anglia fuit, ad suos reuertit.

Plerique omnes Galliae nobiles, & cinitatum primores optabant. Nauarrum (qui Lutetia, in Picardiam abductus erat) custodia liberatum. Per ipsos adeo ordines ad Carolum Regis filium, relatum est. Ille, quod caussae esset ignarus, propter quam Rex eum voluit captiuum, nihil audebat statuere. Tandem quorundam auxilio, qui miris technis in arcem, ubi detinebatur, erant recepti, exemptus, Lutetiam venit: ubi coram omni populo, suum in Galliam amorem & voluntatem exposuit, ita ut magna pars, in eum, quam Normanniae Ducem essent propensiores. Imprimis autem illi fauebat, cuius apud Parisianos non leuis est auctoritas, urbis praefectus.

Gallo apud hostem capto, miri fuerunt motus, & magna scelerum impunitas, ut fieri solet, dum qui facinora cohibeat, & fontes plebet, vix ullus extare creditur. Collecti grassatores, vexare omnia rapinis, obsidere vias, depradari quosuis. Quin & inter ipsos proceres non satis conuenire, cepitque nobilitati displicere triginta sex virorum Imperium, qui regno praerant. Sed omnium maxime horrenda fuit illa seditio & colluies rusticorum, qui vndequaque collecti in Campania & circum, pau-

HISTORIAE I. LIB.

latim magis augeri, sic vt ad centum millia surgeret ipsorum turba. Putabant hi nobilitatē omnem regni interficiendam. Proinde, facto impetu, diripere nobilium aedes, religare dominos ad postes, & in illorum aspectū violare coniuges, atque filias, totam deinde familiam mactare crudeliter, & domos exurere. Cumque esset tanta illorum immanitas, vt fæminæ potentiores, ni vellent impurissimorum hominum libidini esse expositæ, cogerentur sese abdere: contracto exercitu, pugnatum in eos. Ad Meldam, oppidum oppressi omnes, aut in Matronam præcipitati.

Regis filius, inter Nauarriū & vrbis præfectum tacitam esse conspirationem videns, Lutetia cæssit, collectis copiis. & spectabat res ad tumultuosum exitum, obsidebat enim urbē. Sed Episcoporum quorundam intercessione, reconciliati sunt principes.

Ceteram præfectus vt misceret omnia, nocte quadam statutum habuit eos, qui sequerentur aduersas partes, opprimere: iamque transfugerat cum quibusdam, foris expectantibus prædam, qui certo noctis tempore urbem inuaderent. Sed patefacta traditione deprehensus ipse noctu, cum clamibus vrbis, oppressus est, & cum eo sceleris conscy. Præfectus hic, rebus ita turbatis,

batis, Lutetiam primus omnium cinxit muris, fossis, atque portis. Nauarrius de huius nece & oppressione certior factus, quod plurimum amasset, ob beneficiorum acceptorum magnitudinem, indignitate rei, tum quod & ipse facinoris auctor haberetur vulgo, & sua sponte, & instigante fratre Philippo (qui Normanniâ prius infestarat bello, & nihil optabat vehementius, quàm agrè facere Galliâ) bellum denunciavit, & acriter gerebat, multis ad Sequanam & Matronam factis incursionibus, apud Ambianum etiam & Atrebatum expugnat-
tis aliquot oppidis, & munitionibus. A præfecto, cuius facta mētio, magnam auri vim accepit, itaque commodum erat illi militem alere. Quinetiam plurimi fauere illius instituto & rebus omnibus. Hinc adeò factum, ut non paucas arces & oppida, citra magnam difficultatem, sæpe occuparit, adeò quidē, ut Ambiani aliquot ciues potentiores, certa noctis hora militi illius oppidum patefecerint, ubi tum præter arcem nihil restabat expugnandū. Sed bona quadam fortuna superirruentes equites Galli, ceptum interturbarunt, fugato hoste, & proditoris auctoribus ad supplicium raptis. His malis, ut fieri solet, adiunxit se rerum penè omnium maxima caritas, adeò ut tenuiores


HISTORIAE I. LIB.

ægrè vitam tueri possent. Et durauit hæc pestis, annos quatuor. dum enim fortunæ omniū ordinum militis rapacitati exposita sunt, dum agricolis tutum non est vacare labori, dū mercatores, nisi maximo facultatum suarum, & vitæ periculo, cōmeare non possunt, quid aliud inde, quàm commune malum, quòdque ad singulos redundet, oriri potest?

Nauarrū, certo tempore, tantum non intercepti, cū existimarent necessariò sibi cum hoste confligendum, occupato colle editiori, quandoquidem turba vincebantur, calcaria omnia in vnum aceruum deferentes, erigebant sursum rotulas, vt in adeundo hostem impedirent. Sed superueniens hesperus Gallos cohibuit à pugna. Noctu, magno silentio se receperunt in vicinum vicum, & extructis ignibus quasi pernoctaturi, præter Gallorum spem illico discesserunt, frustra eos per sequente hoste. Inter cætera tenebant Meludunum ad Sequanam. Ad obsidionem huius misit Normanniæ Dux quatuor millia equitum. Sed intercesserunt Cardinales quorum antè facta est mentio, qui pacem inter eos firmarunt. Philippus autem Nauarrū frater, noluit vnquam in conditiones pacis assentire, obiciens germano, quòd præstigeis & incantationibus deluderetur. Itaque
contu-

contulit se ad munitiones maritimas, Anglos
subiectas.

Firmata pace inter Gallos & Nauarros:
iam exactum erat tempus induciarum, quæ
Ioanne Rege in Anglia capto, per Cardinales
ad triennium erant constitutæ, inter Anglum
& Gallum. Itaque omnes qui sub Nauarra
militauerāt, ad Anglicos Duces se contulerūt,
sic malum vnum plurima alia ordine secum
traxit. Sed Angli tunc duriter à Gallis excepti
fuerunt, quanquam non sine magno detrimen-
to miserorum, qui vel ruri, vel in oppidis non
ita munitis habitabant. In hos enim quicquid
lubitum esset designabant Angli, externo mi-
lite comitati. Finito induciarū tempore vt dixi-
mus, Anglus, filius illius natu grādiior, Gallus,
& Iacobus Borbonius priuatim inter se Lon-
dini egerunt de pace, cuius formulas ad Ducē
Normanniæ miserunt. Ille retulit ad tres ordi-
nes. Habita consultatione vehementer displic-
uerunt, & nunciis responsum est, malle se
multò adhuc duriora sustinere, quàm illas ad-
mittere. Responsum hoc malè habuit & Gal-
lum captiuum & Anglum, aded, vt hic statim
iusserit conscribi exercitum, qualem nemo vn-
quam, ex Anglia prodeuntem vidit. appulit
Calctum. vnà cum quatuor filiis. Et priusquam



ex Anglia decederet, exponebat coram omni exercitu suas rationes atque consilia, nimirum, se expeditionem deinceps facere in Galliam, ea spe & animo: vt illos adigeret ad suscipiendas conditiones, quæ quidem sibi & honori, & v. sui, & dignitati esse possint. Nec prius finem facturum se neque reuersurum quàm ex voto rem gessisset.

Proinde si quis esset omnium, cui hæc ratio non placeret, vt is domi se contineret: sed conditionem libenter omnes acceperunt.

1359.

Caleto Anglus venit Remos, & cùm videret urbem pro sua magnitudine bene munitam, nunquam oppugnare voluit, ne temere facere iacturam sui exercitus, quem ad maiora seruabat. Postquam obsedisset ad menses duos & eò plus, contendit in Burgundiam. Ibi Dux missis legatis, orauit ne sineret deprædari militem, suam ditionem. Exoratus est Anglus, vt erat summa humanitate, sed ea lege, vt Burgundus dependeret centum aureorum millia. Interim Gallia miserè vastabatur partim ab Anglo, partim à reliquo illius exercitu, apud Picardos relicto, partim à Rege Nauarræ, qui denuò concitalus erat in Ducem Normanniæ.

Auenione, quidam Franciscanus, futurum prædixerat, vt & ecclesiasticus ordo multa pateretur,

teretur, propter ambitionem, auaritiam, atque superbiam, & Gallia durissimè affligeretur, exterorum incursionibus, adeò quidem, vt nulla illius pars ab hoc malo tuta esset futura.

Pontifex hunc in vincula coniecit, quòd minus grata denunciaret. Anglus Normanno prælium sese commissurum significarat. Sed iste fortunà experiri metuens, Lutetiā substitit.

Normannus considerans præsentem rerum statum non diu posse consistere sine maximo & exitiali damno Galliæ, legatos ad Anglum misit, ex consilio procerum, qui de pace agerēt. Actum est variè, & vix videbatur posse coire inter eos concordia. Nam Anglus hoc sibi planè propositum habebat, iure sibi deberi Galliã.

Dum ita consultaretur, prope Carnutenses subito coorta tempestas, quæ & homines & equos prostrauit, ita commouit Regem, vt votū faceret, se velle animum ad pacem adiacere: atque deinde Caleti expeditum est negotium, cuius hæc ferè est summa: Vt Rex Anglus & illius deinceps hæredes atque successores tenerent comitatus, vrbes, arces, munitiones, dominia, insulas, redditus atque prouentus Aquitania, itcm urbem, arcem, comitatum, & omnem ditionem Pictauiensem, urbem & arcem Rochellæ, Lemouicnm, vnà cum omni regione.

Ad hæc tam urbem Anglesmensem, quam arcem cum vniuersa ditionem: item Caletum, & multa præterea alia, quorum vt ingens est numerus, ita fastidiosum sit, illa recensere. Vt Gallus renunciaret his omnibus, & simul feudis atque iuri quod vel ipse vel illius hæredes atque successores, vlllo modo requirant, vtque hæc omnia Anglus teneret liberè, nec opus haberet Regem Gallie aut illius successores, vt superiores in hoc agnoscere. Item vt vicissim Anglus, pro se, suis hæredibus & successoribus renunciaret nomini, titulo, & iuri, quod vel ipse vel illius posteri prætendant in regnū Gallie. vt renunciaret etiam portioni, quam postulabat ex Ducatu Normannie, Andegauensi, & Turonensi. Item omni iuri Britoniæ. Hæc & alia multa, quæ copiosius apud auctorem, vterque Rex sanctè iurarunt, & eorū filij. Porro, ad maiorem confirmationem, dati sunt à Gallo obsides, Dux Aurelianensis, Andegauensis, Berriæ, Borbonius, plus minus duodecim Comites atque Barones: item potentissimæ Gallie ciuitates, aliquot maximè præstantes viros mittebant singulæ. Et his quidem omnibus Londinum adductis, Gallus Lutetiam rediit, magno suorum desiderio. Et statim ad omnes officarios, præsides urbium, munitio-

nūmque

nūmq̃ suarum, quas Anglo cesserat, scripsit, ut migrarent. Sed dictu mirum, quā hoc agrē fecerint plerique omnes. Nimis enim durum & insolens videri illis, ferre iugum & imperium Anglorum. Præcipuè verò Rochellenses impensè deprecari. Sed Gallus æqui & honesti studiosus, à pactis & iureiurando minime discedēdum existimavit. Idcōque iuxta formulas contractus agi per omnia mandabat. Vicissim ab Anglo missi sunt, qui certas arces & munitiones, bello partas, Gallicæ ditioni restituerent. Liberatis ad hunc modum oppidis atque munitionibus, milites iam olim assueti rapinis atque prædis, cū redditum ad suos, & inutilem sibi & minus etiam tutum esse iudicarent ob admissa facinora, fortunam deinceps experiendam putarunt. Itaque collecti grassabantur per Campaniam, & loca vicina, depopulantes omnia, aucto indies numero, ut fieri solet. Gallus certior factus de ipsorum improbitate & nequitia, Iacobum Borbonium misit cum exercitu. Invenit eos confidentes in altissimo monte, cuius ea fuit forma, ut numerum copiarum nemo posset omnem contemplari. Et cū essent ad sedecim millia, non videbantur exploratoribus excedere quinque. Conserto prælio, acriter pugnatum est, sed deteriore

partem fortuna iuuit. Multi perierunt in eo
 praelio clari viri. Vulneratus grauius ipse Bor-
 bonius una cum grandiori suo filio Petro. Ab-
 ducti Lugdunum, triduo post obierunt. Parta
 victoria, facinorosi isti recta tendebant Auenio-
 nem: qua re Pontifex & Cardinalium cœtus
 summo repente metu sunt perculsi. Nam tanta
 erat seuitia & improbitas, ut nemo se illis op-
 poneret. Cæterum in his angustiis positi, quod
 repellerent immanissimam gentem, quæ nullum
 non malefici genus perpetrabat, crucem prædi-
 cari iusserunt, concessa admissorum omnium
 remissione. Conuenere plurimi. Sed cum salarii
 nulla fieret mentio, subdlexerunt se omnes. Hoc
 ipso tempore Marchio Montferratensis in Du-
 ces Mediolanenses bellum gerebat. Egit igitur
 Pontifex cum isto, ut hanc colluiem omnem
 secum in Insubriam abduceret. Atque ita eue-
 nit. Acceptis enim à Pōtifice & Collegio Car-
 dinalium sexaginta millibus aureorum, propo-
 sitis etiam à Marchione salariis, illum secuti
 sunt, & strenuam ei operam nauarunt. Gallus
 3362. per Ducatum Burgundie (qui tum morte iu-
 nioris Ducis ad eum fuit deuolutus) venit A-
 uenionem, salutatum Pontificem, qui non mul-
 to post obiit. Et cum de electione non conueniret
 (duobus quibnsdam maximè ambientibus) ele-
 ctus est.

Etus est Abbas quidam sancti Victoris apud
Massiliam, vir doctus & pius, vocatus de-
inde Urbanus Papa. Rex Cypri Auenionem 1362.
appulit, vehementer obtestans & Pontificem
& Gallum, ut expeditionem facerent aduersus
Sarracenos & hostes fidei Christianæ. Ponti-
fex in concione rem proposuit. Suscepit crucem
Gallus cum bona suorum nobilium parte. Po-
stea Cyprius in Bohemiam abiit, ad Cæsarem
id temporis, inde per Germaniam, Brabantiam,
& Flandriam venit in Angliam, idem rogans
Eduardum Regem, sed is honestè se excusauit.
Ex Anglia rediit Ambianum, ubi tum Gallus
erat. Post in Aquitaniam accessit ad principem
Vuallensem. Et sub idem tempus principi na-
tus est filius, Eduardus nomine.

Obsides pro Gallo datos malè habuit, tam
diu detineri se custodia. Rex Eduardus, ut erat
facilis & humanus, permiserat illis adire Ca-
letum animi recreandi causa, tum etiam ut
Galliæ viciniore, negotium suum cò commo-
diùs tractarent. Subinde miserunt ad Regem
& Normanniæ Ducem. Gallus, quòd esset
occupatus in adornanda expeditione còtra Sar-
racenos, deinde etiam quòd bello vexaretur à
Rege Nauarræ, non commodè potuit illos ex-
pedire. Itaque factum est, ut Dux Andegauus

HISTORIAE I. LIB.

Regis filius, relictis sociis obsidibus, in Galliam reuenteretur.

Gallum incescit mira quædam cupiditas reuifendi Anglum, quodd benignè esset ibi tractatus. Dissuasum illi fuit, perstitit tamen in sententia, ut filium suum etiam propter abitionem excusaret. Abiit. receptus est honorificè. Non multò post aduersa valetudine correptus Londini, obiit. Relatus in Galliam, in sancti Dionysij oppido sepultus est, præsentè Rege Cypri.

Rex Nauarra, existimans sibi datam meliorem belligerandi occasionem, collegit militè vndecunque potuit, & commissum est prælium satis acre, in Normannia.

Ioanni Regi successit filius Carolus, antè dictus Normanniæ Dux, eodem anno coronatus Remis, vnà cum vxore filia Petri Borboniæ Ducis, Coronationi interfuerunt inter ceteros, Rex Cypri, Vuenceslaus à Bohemia, Dux Lutzemburgi & Brabantiae. Cùm Parisios reuertisset nuper coronatus Rex, fratrem suum Philippum natu minorem, qui cum patre Ioãne fuerat in Anglia captus, declarauit Ducem Burgundiæ. Rex Ioannes priusquam in Angliam nauigaret, erat hoc ipsum filio Philippo pollicitus.

DE CAROLO,

EIVS NOMINIS

Quinto.

*N*ondum erat Gallia prorsus purgata rapacibus istis quorū suprà meminimus, & in Normannia vicinē & que locis, plerique coniuncti Nauarris, mirè infestabant illam. belli dux erat, Ludouicus à Nauarra. Carolus Rex fratrem Philippum Burgundia Ducem, nuper factum, præfecit, vt in hostem confligeret. hic pleraque omnia recuperauit. Sub idem tempus, Comes à Montepeliardo, adiutus à quibusdam Germanis confœderatus, propè Vésontium irrupit, in Heduos. Huc Burgundus statim adduxit suas copias, sed migrarant hostes.

In conditionibus pacis, inter Anglum & Gallum, quorū capita breuiter retulimus, exceptum erat negocium Britonicum, & promiserant vterque Rex, daturus se id operam, vt dissidium aquabiliter componeretur. Sed parū diligenter tractatum fuit negocium, & contigit Regem Ioannem mori, vt diximus. Quo



magis incruduit bellum, Gallus subsidio misit Carolo à Blois, (qui datis filiis obsidibus è custodia fuit exemptus) mille equites. Ioannes Comes à Monteforti auxilia impetrauit, cum ab aliis, tum ab Anglis, id temporis Aquitaniã occupantibus. Paratis iam ad dimicandum exercitibus, nobilis quidam Britonicus, captiuus, cui armari non licebat, intercessit, suppliciter orans vt amicè transigerent, neque sine rem ad manus venire. Credibile est, illum potuisse exorare. Sed Angli quidam nobiles tacitè orabant Comitem Montfortium, qui copiis præerat, ne pacis vllæ rationes cum Carolo susciperentur. Isti enim quòd omnia ferè sua profudissent, cupiebāt armis vel iacturam omnem recuperare, vel id si non contingeret, reliquum amittere. Itaque commissum est præliū, multum acre, sed Angli virtute superiores, in fugam conuerterunt hostem. Carolus in pugna succubuit. id plerique tum credebant ex composito factum, quòd alia ratione finis imponi bello non posset. Montfortius videns illum vita spoliatum, etsi hostis erat, lacrymas tamen non continuit.

Fuso hoste, & parta victoria, Mōtfortius breui temporis spatio cœpit complures alias Britoniæ vrbes. Galliæ Rex, de statu rerum certior

tior factus, misit fratrem suum, Ducem Andegauorum, ut & viduam, uxorem Caroli, mirabiliter afflictam, consolaretur, & præterea confirmaret eorum animos, qui nomine illius durabant in præsidiis. Sed cum iam bona Britoniæ pars in potestatem Montfortij redacta esset: Gallus, habita consultatione, misit legatos ad eum, qui de pace agerent. Ille rem ad Anglum retulit. qui cum non dissuaderet, conditiones propositas non exclusit. Nimirum, ut omnem Britoniæ Ducatum teneret. Ut, si contingeret ipsum mori, non relicta sobole, tum Ducatus deuolueretur ad filios Caroli vita defuncti, qui quidem in Anglia tum, ut diximus, detinebantur obsides. Item, ut viduæ, uxori Caroli, cederet comitatum quendam iis locis, cuius annui redditus, atque prouentus surgebāt ad viginti francorum millia. Deinde, ut à Galliæ Rege vocatus, præscripto tempore adesset, accepturus ab eo, sui Ducatus inaugurationem, & reliqua omnia factururus ex more. Postremo, ipse aded sua sponte promisit, daturum se operam, ut sui cognati, obsides in Anglia, liberarentur.

Ludouicus Nauarræ, sub hoc tempus in Italiam abiit, desponsurus Reginam Neapolitanam. Galliæ Rex in hunc usum illi mutuatus est sexaginta francorum millia, pignori ab eo

HISTORIAE I. LIB.

susceptis aliquot ipsius arcibus . Cùm Neapolì res ferè suas peregisset: non multò pòst vita defunctus est.

Composito bello Britonico , simul & Nauarrico, passim omnia plena erant milite prædone, & rapinis assueto , qui Galliam potissimum infestabant. Videbat Galliæ Rex, illos aut opprimendos , aut aliis rationibus è regno deducendos . Hungariæ Rex tum aduersus Turcam bellum gerebat. Is itaque petiit, hæc colluuiem ad se traduci , sed veterani , quibus regio non incognita erat, dissuadebant profectiorem. Cogitata fuit igitur alia ratio , & simul Galli negotium iuuabat Urbanus Pontifex , Aenione degens . Nam & is pro suo in Galliam amore , cupiebat aliò traduci perditum genus hominum . Regnabat id temporis in Castilia quidam dictus Don Pietro , homo impius & tyrānus insignis. Nam & complures honestissimos uiros ad supplicium rapuit , & sua ipse manu plerosque interemit : & inter hos etiam uxorem suam ex familia Ducum Borboniorū. Procures ecclesiæ in vinculis detinebat , ex utroque omnibus facultatibus. Dicebant illius familiares, conspirasse eum cum Rege Granatæ Christianorum perpetuo hoste . Patrem habuit Alphonsum Regem, qui ad aliam quandam allu-

sit:

fit: è qua tres filios sustulit, quorum natu maximus Henricus, vir strenuus in bello, & honesti erat ingenij. Tyrannus iste subinde apud Pontificem ob varia crimina accusatus, concitavit omnes in sui odium. Habita consultatione, Pontifex Urbanus Henricum istum illegitimum, & Arragoniæ Regem, Petrū (cui perpetuum erat cum tyranno bellum, ut qui spoliatus erat suis aliquot ditionibus ab eo) Aunionem venire iussit. Ibi legitimatus Henricus, declaratus est Castiliæ Rex, excommunicato & reiecto Tyranno. Arragoniæ Rex promisit se patefacturum suam ditionem omnem & suppeditaturum annonam copiis, quæ in Castiliam deducerentur aduersus Tyrannum: quò & ipse sua posset ope militum recuperare. Ad hæc expeditionem conuenerunt plurimi nobiles viri. Hac igitur ratione, milites isti, Gallia iam olim graues, in Castiliam abducti sunt. Tyrannus certior factus de exercitu aduentante, fugit cum uxore, cum duabus filiabus & nobili unico. Nam populus odio illius, nolebat sumere arma contra venientem hostem. Sic destitutus erat ab omnibus. Ventum in Castiliam. Henricus summo applausu omnium, regni administrationem suscepit. A coronatione, acceptis à plerisque omnibus nobilibus & ciuitatibus.

HISTORIAE I. LIB.

iuramentis, discessum est à nobilioribus, quorū
ope regnum obtinuit. Iam enim res confecta
videbatur. Sed tamen militem illum prædonē
non dimisit: quod statutum haberet, bellum in-
ferre Regi Granatæ. Tyrannus in his angustiis
positus, ex consilio nobilis, qui vnicus apud eum
substitit, misit ad principem Vuallensem literas
miserationis plenissimas, de suo statu & infor-
tuniis, petens consilium simul & opem. Non
multò post ipsemet, quod suis in regno non fide-
ret, Baionā appulit. Consiliarij principis puta-
bāt non esse ei subueniēdum propter scelera &
impietatem maximam, neque suscipiendum
periculum vllum ipsius gratia. Princeps contrā
iudicabat rem indignam, filium illegitimum
occupare regnum, fieri hoc pessimo exemplo,
& præiudicio cæterorum regum atque princi-
pum. Itaque adueniētem Tyrannum in urbem
Burdegalam, humaniter excepit, opem illi suā
promittens. Misit tamen in Angliam ad Regē
parentem suum, re omni exposita, consilium &
auctoritatem ab illo petens. Anglus, quod fœ-
dus sibi cum Hispano iamolim intercederet,
filium hortatus est literis, vt cum restitueret.
Itaque statutum fuit inter eos de profectione.
Sed obstabat vnica res, faciundum erat iter per
regnum Nauarræ: & Nauarra pridem fœ-
dus

das susceperat cum Henrico nuper Hispaniæ Rege. Baionæ simul ventum est, & certis quibusdam conditionibus placatus est Nauarra, sic, vt studium, amorem atque pacem promitteret. Henricus Rex nouus certior factus de rebus omnibus, misit ad Gallum pro auxiliaribus copiis.

Princeps egit apud Duces eorum militum, qui Galliam prius infestabant, & qui tum sub Henrico merebant, vt eos ad se traduceret. Erant circiter duodecim millia. Cùmque profectiōem in Aquitaniam instituissent, in Arragoniæ Regno plurima perpeSSI sunt, præclusis & obsessis vndique viis, sed tamen peruaferunt: & cùm abessent aliquot miliaribus à Tholosā, recepti sunt in Montem Albanum ditionis Aquitanicæ. Galli certiores facti, obsidebant vias, ne Tholosam aut in vicina loca penetrarent. Ventum est ad manus. Strenuè pugnatū à Gallis, ita quidem, vt hostem in oppidum vsque profligarent, sed succedentibus in locum recentioribus, repulsi Galli, magna ex parte vel interempti fuerunt vel capti. Quorum ex numero tum erat Comes Narbonæ Tholosanis opem ferens, & præter hunc plurimi alij Galliæ, prouinciæque Narbonensis viri nobiles.

Princeps Vuallensis, ne populum exactio-

nibus premeret, ad alendum militem, non mediocrem auri vim à patre Eduardo mutuatus est: quinetiam aurea sua argenteaque pocula in nummos redegit. Milites, ferro sibi patefacta via, peruenerunt quo optabant.

Ex captiuis multi, bona fide, ut fieri solet, dimissi sunt. Urbanus, odio militum istorum, auctor fuit Comiti Narboniae, & aliis, custodia liberatis, ne pro sui redemptione, vel teruncium dependerent, eximens eos omni nexui, & obligationi. Dum apparatus bellicum faceret princeps, Burdegalam venit Rex Maioricae, grauitè querens apud principem de Rege Aragoniae, qui patrem suum in vinculis necasset Barcelona, & vi armorum teneret omnem suam ditionem. Cupiens igitur vlciſci acceptam iniuriam & in hæreditatem paternam restitui, principem implorabat. Vxorem habuit Neapolitanam Reginam. Expositis querelis, princeps illi promisit, facturum se, confecto prius negotio Hispanico, ut aut æquis conditionibus, aut armorum præsidio in regnū suū restitueretur.

Prinsquam discederet princeps, natus est illi filius Burdegala, pro quo ad sacrum fontem fide iussit profugus Maioricae Rex. Vocatus est Richardus, postea factus Angliæ Rex, mortuo Eduardo, principis natu maximo filio.

Sub mensem Februarium, Burdegala discessit paulò post ferebatur incertus rumor de Rege Navarra, puta, quòd nouum fœdus iniisset cum Henrico Rege, itaque futurum, vt principi & ipsius copiis non pateret via per illius regnum. Scriptum est super ea re ad Nauarrum, sed ille suis rationibus diligenter expositis, amorem erga principem, & exultantem Tyrannum declarauit. Princeps sui exercitus tres fecit partes, quarum alie alias sequeretur. Primam tenebat Dux à Lenclastre, nuper ab Anglo in subsidium missus, secundam ipse princeps vnà cum Tyranno, tertiam Rex Maiorice administrabat. Facientibus iter per Nauarram, ipse adeò Rex, per bonam sui regni partem, itineris comitem atque ducem se præbuit, vt faciliorem haberent accessum. Pampelunæ, quæ potissimæ est in regno Navarra, conuiuio illos excepit Nauarrus. plerique omnes sperauerant, vt arcerentur, postquam in regnum aduenissent. Sed præter illorum opinionem Rex in amore, & fœdere perstabat.

Henricus Rex certior factus de exercitu Aquitano, conscripsit copias in Hispaniis, ad sexaginta hominum millia. Nam vnicè illum amabant, parati pro eo etiam quæuis subire incommoda. Deinde per nuncium publicum mi-

HISTORIAE I. LIB.

fit literas ad principem, cupiens cognoscere, quæ de causa bellum sibi moueret, cum nulla unquam ipsum iniuria affecisset. princeps deliberatione facta, nuncium apud se detinuit. Et longius productis copiis, prope urbem Victoriam consedit uterque exercitus. Ex Gallia venerunt in subsidium Hispano Regi tria millia.

Angli montem quendam occupabant. Hispano fuit consultum, si victoria vellet potiri, sine cæde & sanguine, non esse opus alia ratione, nisi ut vndeque præcluderet vias, ne quis comitatus ad hostem perferri posset. Nam erant Angli tanquam in angustiis positi, & minimo negotio potuissent intercludi itinera. Sed Hispanus pugnae cupidus, quod exercitus ipsius iam surgeret ultra centena millia hominum (nam augebatur indies) manum voluit conferere.

Postquam aliquot dies in hac parte consedisset Angelus, ob loci sterilitatem aliò deduxit exercitum: & cum non procul abesset, à castris hostium, per nuncium, quem ad tres ferè hebdomadas apud se detinuit, literas dedit ad Hispanum, in quibus breuiter respondit, se grauibz de causis fugato Regi opem ferre, libenter se quidem velle componere dissidium, verum esse necesse, ut abdicet regni administrationem

tionem atque omnem titulum, quem iure sibi
usurpare non posset: quod si recuset, iam se pa-
ratum in quamvis partem: Quem in modum
Angli suas acies instruxerint, suprà diximus.
Hispani quoque exercitum omnem in tres par-
tes diuiserunt: primam tenebat insignis quidam
belli dux è Gallia, & erant circiter quatuor
millia: secundam habebant duo fratres Henri-
ci, plus minus vigintiquinque millia tam equi-
tum, quàm peditum: tertiam ipse Rex Henri-
cus, & surgebat illius exercitus omnium longè
maximus, ad septem millia equitum & sexa-
ginta millia peditum, quorum magna pars ba-
listas ferebant. Inter Nauarram & oppidum
Nauarretam simul ventum est. Vix vnquam
maioribus pugnatum viribus. Hispani fundis
utebantur, quibus transuerberabant galeas ho-
stium, crudeli certè pugnandi genere. Angli
contrà sagittandi peritissimi, obruebāt eos mul-
titudine telorum. Frater Regis Henrici, qui al-
teram partem exercitus tenebat, vt diximus,
illico, vt vidit principem, cum suis copiis signa
contra se ferre, discessit è pralio, nec vnquam in
hostem pugnavit. Ea res animos plurimorum
fregit. Sed Rex Henriens, quacunque parte vi-
debat languentem fractūue exercitum, illuc
se se ingerere, acclamare suis, hortari, & com-

HISTORIAE I. LIB.

monefacere honoris, & officij: atque adeò ter
 vno die suos iamiam ad fugam spectantes, vo-
 ce sua cohibuit, & in ardore continuit. Neque
 solum à milite, verumetiam ab ipsis principi-
 bus omnium acerrimè pugnatum est. Tyran-
 nus profugus, Regem Henricum sibi dari cu-
 picbat obuium in praelio: Sudatum est naniter
 & plus quàm hostilibus animis. Tandem Hi-
 spani, cum Anglorum simul & Aquitanorū
 vires impetūque ferre non possent, in fugam
 sese dederunt: neque potuit eos renocare aucto-
 ritas vel clamor Regis Henrici: qui simulātque
 vidit se magis & magis iam destitui à suis, fu-
 git & ipse. Habebat enim hoc sibi persuasum,
 futurum, vt si caperetur in praelio, morti daretur.
 Angli fugientem hostem persecuti sunt. Ibi
 verò mira fuit facta strages eorum qui occide-
 bantur, & qui se ipsi præcipites in flumiū quen-
 dam insignem iis locis dabant, ne in hostium
 manus deuenirent. Commisso praelio perlustra-
 tus fuit caforum aceruus. Inuenti plus minus
 sexcenti equites occisi, & septem ferè millia
 peditum, non numeratis interim iis, qui ad pō-
 tem occisi fuerunt, & flumine absumpti. A
 pugna principes conuenerunt Burgu Hispan-
 niae oppido. huc accesserunt ex Toledo, Lissebo-
 na, Galitia, Sibilis, & ex plurimis aliis Casti-
 liae

lie locis, vt fidem præstarent Tyranno iam restituto. Videbant enim tantæ multitudini non posse obfisti. Anglus postea egit cum Tyranno, colligeret pecuniam, vt militibus, quorum opera restitutus esset, satisfaceret. ille in Sibiliam abiit pro colligendo auro in hunc usum, ab aliquot hebdomadis ad Anglum reuersurus, quod omnibus persolueretur. Nam cum eiectus regno, primum venisset Burdegalam ad principem, obtestans opem, vt diximus, promisserat se, vt primum esset restitutus in regnum, liberaliter persolutorum omnibus. Et ita se hoc nomine obligauit principi, vt hic fideiussorem suam pro eo interponeret apud nobiles, et reliquos iamiam ad expeditionem paratos. Abiturus in Sibiliam fidem dedit principi, se brevi una cum auro adfuturum. Princeps cum ultra præstitutum tempus expectasset ad aliquot menses, misit, qui cognoscerent causam. Tyrannus respondit, se emandas aliquot suos, qui perferrent aurum: sed à prædonibus in via fuisse interceptos: rediret adeò ipse in suam ditionem, relictis aliquot officiariis in Castilia. se numeraturum illis abundè. responsum quidem malè habuit principem, sed aliud tum obtinere non potuit.

Rex Henricus è pugna fugiens, Valentiam

HISTORIAE I. LIB.

Arragonia civitatem venit, calamitatem suā apud Regem exponens. Inde Montempeffulanum, ad Ducem Andegauorum, summe infestum Anglis. post Auenionem ad pontificem Urbanum, recensens infortunia, & miseriae. & parabat Pontifex id temporis abitionem inde Romam. Adiutus tacite à Duce Andegauensi Henricus, collectis militibus, inuasit ditionem principis. Cuius vxor indignitate rei perterrita misit ad Gallum, vt is compesceret hostem: sed ille dissimulare: hinc adeò princeps cum intellexisset de statu rerum, coactus est ad suos, nondum pensa pecunia à tyranno, redire. Cum in Arragoniam venisset, inuenit obstacula, neque patebat transitus. Verum constituto die res inter eos transacta est amicè.

Princeps Vuallensis in ditionem suam reuersus, quod magnam pecuniæ vim profudisset in bellum Hispanicum, conscripsit nobiles Aquitaniæ, & primores ciuitatum. Ibi in cœtu proposuit de communi quodam tributo ab omnibus conferendo, per omnem ditionem, idque solum ad quinquennium, propter magnum æs alienum (nondum enim militi satisfactum erat) deinde etiam, quod præter hæc omnia, thesaurum ferè suum in expeditionem Hispanicam, omnem profudisset. Pleræque omnes ciuita-

tes assenserunt. Sed potentiores aliquot principes opponere se, in hanc sententiam, Se nullo vnquam tempore, quo Regibus Galliae subiecti fuissent, grauatos eiusmodi exactionibus, & potius quam dent, malle se quiduis perpeti. Principe nihil remittente de suo ardore & proposito. Nobiles, qui contra dixerant, recta se contulerunt Lutetiam ad Gallum, & ibi in cœtu consiliariorum, molestiam exposuerunt, grauiter conquerentes de principe, & simul Gallum obsecrantes, vt in ipsius patrocinium reciperentur.

Gallus respondit, Acturum se ex consilio, & iuxta formulas pacis inter patrem suum & Anglum constitutæ. Aquitani interim proceres commorabatur Lutetiæ. Tributum sic erat, vt singulæ familiæ, per annum penderent francum vnum, quæ quidem summa creuisset, ad duodecies centena francorum millia, in singulos annos.

Henricus Rex, certior factus de rebellione Aquitanorum, iudicans optimum esse, frui aliena calamitate, noluit hanc tantam occasionem negligere. Collegit igitur exercitum ad decem millia hominum, adiutus ab Arragonio. Quacunque tenderet, recepit vrbes & arces in suam ditionem. Tyrannus Sibilæ tunc com-

morans, intellecto nuncio, misit illico ad Regē Lusitaniæ, ad Regem Granatæ, pro subsidis. Impetrauit, & habuit collecta circiter quadraginta millia, inter quos multi etiam Sarraceni.

1568. Rex Henricus, videns consilio magis & arte, quàm viribus agendum, (Tyrannus enim illum superare multitudine) ex consilio cuiusdā Ducis, primo diluculo, præter opinionem, repente adortus est hostem, & sæliciter pugnavit, ita quidem, ut Tyrannus in vicinam quandam arcem confugeret. Hoc ut rescivit Henricus, omnem exercitum illuc adduxit. Tyrannus periculi præsentiam videns, nocte intempesta, arcem tacite egressus cum paucis quibusdam, sperabat euasurum se. Verùm incidit in præfectum excubiarum: à quo captus, illico ad Henricum Regem adductus est, qui statim asperrimis verbis in eum cœpit inuehi. Tyrannus illi vicissim obiicere matrem meretricem. Breviter, Henricus Tyrannum humi prostratum, ipse superincubens, gladio confodit, & ab illius morte, omnem Hispaniam, facili momento recuperavit. Lusitaniæ Rex, mortem Tyranni cognati sui parabat vlcisci bello, sed pacatus fuit.

Quo tempore Aquitaniæ principes Lutetiae commorabantur, Gallo natus est filius, eiusdem nominis. Interim subinde fuit supplicatum Gallo

Gallo ab Aquitanis, ut se contra principis iniquitatem defenderet. Quod si non fieret, cogi se necessitate summa, sollicitare alium dominum, cuius patrocinio, quiete sua proſideant: atque ita futurum, ut Galliae Reges deinceps excidant dominio, & iure totius Aquitaniae. Rex molem atque periculum belli considerans, diu multumque deliberavit. Ex consiliariis Regis, plerique omnes hortabantur ad bellum, contēdentes vehementer, pacis conditiones ab Anglo violatas. Tandem visum est citare ipsum adeo principem in Senatum Parisiensem, & missi sunt, qui citationem perferrent. Princeps, ut audiuit, tandem respondit, venturum se quidem Parisios, postquam Rex ita iubeat: sed galea capiti imposita, & comitatum sexaginta millibus. Nuncij Burdegala discesserunt, & in itinere comprehensi, ex mandato principis coniecti sunt in carcerem.

Hic obiter commemorandum est de obsidibus in Anglia. Dux Andegauus, ut supra dictum est, subduxerat se, priusquam Rex Ioannes in Angliam rediret. Dux Berriae, facilitate Regis Angli, impetrarat anni spatium, quod posset in Galliis commorari. Et eadem ratione plerique alij dimissi sunt. Vnus & item alter, depensa pecunia, sese redemerunt. Qui sic

à Rege fuerant dimissi, orto iam bello, non redibant.

Gallus Anglo denunciare bellum. Et Galli quidem negotium, puta, belli tractationem, agebant duo illius fratres, vndique colligentes militem, sic vt numerus ad centena hominum millia surgeret. Incursum est subinde à Gallis in Pictauiensem agrum, & alias ditiones principis. Et huius vicissim milites incursiones fecerunt in ditiones eorum qui belli dederant occasionem, quique apud Gallum de se conquesti fuerant.

Gallus causam suam, & belli necessitatē, diuersis locis, per disertos viros ita euidenter exposuit, vt nemo non iudicaret iustissimas illius esse rationes. Idem *Anglus* faciebat, nimirum eo consilio, vt expositis belli causis, faciliorem haberent populum ad pendenda tributa, & subeunda onera, quæ imperarentur.

Ludouicus Flandriæ Comes filiam habebat unicam. Angliæ Rex, modis omnibus cupiebat hanc uxorem dari filio suo natu minimo, & super ea re laboratum adeò fuit per totum triennium. Quantum ad Comitem, nihil desiderabatur. Verùm pontifex Urbanus, nullis rationibus permoueri poterat, vt assentiret. Erant enim consanguinitatis ratione sibi coniuncti.

Ludoui-

Ludovicus igitur videns non posse fieri, ut iis locis nuptiæ coirent, coepit agere per amicos apud Philippum Burgundiae Ducem, Galli fratrem germanum, ut inter hunc & filiam suam confirmaretur matrimonium. Id adeo factum est, & hac ratione Burgundia, & Flandria simul unitæ sunt.

Anglus considerans per connubium hoc futurum, ut Burgundus Flandro succederet, egit apud Regem Navarra, (cui similtas erat cum Gallo propter aliquot ditiones) ut Gallo denunciaret bellum.

Maximam vim navium Gallus instruxerat, missurus fratrem suum Burgundiae Ducem cum lectissimis copiis, ut in Anglia bellum gereret. Anglus re cognita, bellum & ipse adornavit, excepturus venientes illos. filium præterea suum Ducem de Lenclastre cum copiis misit Caletum. Quod ut Gallus accepit, ex consilio suorum mutavit sententiam, melius esse iudicans, pugnare in hostem, sua iam sponte transgressum mare. Missus itaque fuit Burgundus, bene instructus: qui cum propius hostem confedisset, etsi multo potentior, manus tamen conferere noluit, nisi ex mandato Regis, fratris germani.

Recenset auctor, quendam belli Ducem

HISTORIAE I. LIB.

Anglum, virum & animo & consilio præstantem, & multum præterea in suis rationibus fortunatum, voluisse, quodam die, naëtum occasionem pulcherrimam, ferire hostem: quòque negotium melius conficeret: orasse Comitem quendam Anglum, vt certo numero equitum sibi ferret suppetias. Quod cùm ille haberet in animo: commonefactum à suis, ne omninò succurreret: quòd ille, si res feliciter caderet, omnè rei gestæ laudem solus esset habiturus: ageret negotium ipse suum, & aliquid moliretur, vnde solidam gloriam obtinere posset. Hac ratione impeditum illum, quod maximè optabat, perficere non potuisse. Nimirum vbique dominatur inuidia, & ambitio: ac sæpenumero fit, vt dum alter in alterius gratiam nihil vult suscipere molestiæ: omittantur præclarissimæ rationes, & aduersarij hoc ipsum deinde in vsum suum transferant.

Vbi per aliquot dies ita consedissent aduersi exercitus, Burgundus ex mandato Regis, militem omnem dimisit. Lenclastre Caletum rediit. Et cùm aliquot ibi dies reficiendi sui gratia commoratus esset, collectis denuò copiis, tendebat in Galliam vbi exustis aliquot oppidis, propter impendentem hyemem, dimisso exercitu, in Angliam reuertit.

Bellum

Bellum istud diuturnum, malè habebat nobiles quosdam Gallia, quorum aliquot collectis rebus, aliò se contulerunt, expectantes auræ serenitatem, ne si aut ab armis quiescerent, aut alteri se adiunxissent, puta, vel Gallo, vel Anglo, rebus ipsi suis obessent. Nam talis erat multorum ratio, & cùm in utroque regno possessiones retinerent, neque hunc iuuare, neque illum destituere, citra facultatum iacturam possent. Plurimi contra Aquitani principes, derelicto Angli filio, ad Gallum transibant.

Edwardus Rex ut erat ingenio moderato & summa prudentia, videns disseñionem illam nobilium à filio suo, tendere ad magnum malum, misit in Aquitaniam literas in hanc ferè sententiam: Delatum ad se, plerosque omnes implacatè ferre nuper imperatam pecuniam à filio suo. Velle propterea se huic malo subuenire, & ea omnia prorsus tollere, quæ ad odium vltimo modo spectare possent. Adeoque statuere, & mandare se, ut filius omnem hanc rationem imperandæ pecuniæ omittat, vique damnum & impensa rependatur iis, qui vel à filio suo vel illius officariis nimium se grauatos iudicarent. Ad hæc, condonare se illis, qui ad Gallum transissent, modò intra mensem reuertantur in Aquitaniam: precari se hoc solum, ut ne seditio-

HISTORIAE I. LIB.

nem ullam excitant, ut memores fidei præstitæ atque iurisiurandi, præsentem imperij formam sequantur. Se paratum eos placare, qui ex æquo docere possent grauatos se nimium fuisse. Hanc suam esse mentem, hanc etiam consiliariorum suorum omnium voluntatem,

Hæ literæ fuerunt passim per Aquitaniã publicatæ. Sed parum attulerunt momenti. nã multos erat videre quotidie deficientes à principe ad Gallum, ut satis appareat, nullam esse virtutem ad retinendos homines in amore efficaciorẽ, lenitate. Etenim Angli filius alioqui vir eximius, rebus secundis, ut fieri solet, elatus, parum comiter tractare cœpit nobiles sibi subiectos: hinc adeo factum, ut amare eum non possent. Gallus verò quod præter singularem prudentiam, benignus etiam esset, insinuauit se hominum animis. Quæ quidem ratione Galliæ plurimum locupletauit, dignus, qui inter prudentes Reges annumeretur.

Galliæ Rex, habita consultatione cum fratribus, Duce Andegauensi, Duce Berriæ, Burgundiæ, & aliis Regni proceribus: ingentem exercitum misit in Aquitaniam. Et dux quidam Andegauus, Tholosa copiis suis eductis, quicquid iis locis erat munitionum & oppidorum ditionis Anglicæ: facili manu, vel ditione

ditione facta, vel armis recuperavit. Dux Berria, Lemouicenscm agrum inuasit. Andegavorum Duci adiunxerant se quidam Aquitania nobiles, illi nimirum ipsi, quorum delationibus & querelis incitatus Galliarum Rex, bellum hoc suscepit. Berria principem sequebatur Borbonius, Alenconius, & plurimi alij. Quacunque tendere, facilem inuenere viam. Sub hoc tempus, cum Nauarro transiegit Gallus. Erat enim ille placandus, ne per Normannia partem, oramque maritimam, Anglis in reliquam Normanniam, Gallia subditam, iter patefaceret. Transactio fuit eiusmodi, ut Nauarrius, simulatque rediisset in regnum suum, Anglo bellum denunciaret. Ab Hispanis etiam auxiliares copiae Gallis accesserunt, voluntate & beneficio Henrici Regis. Interim Angli filius, partium suarum haud immemor, militem undecunque collegit Et Angelus, quod belli molem facilius perferret: inducias cum Scoto pactus est nouennales, ita quidem, ut Scotis integrum esset, utrobique militare. Alium praeterca misit exercitum, qui Picardiam depopularetur. Huic praefecit Robertum quendam Canolium, Anglici nominis mire studiosum, alioqui natione Britonem. Surgebat militum numerus ad decem circiter millia. A Caletum cum per

Artesiam iter faciens, Atrebatum venisset, abstinuit quidem ab oppidi oppugnatione, sed igni in suburbia coniecto, studebat oppidanos ad eruptionem permouere, quæ tamen nulla fuit. Quacunque vadebāt, omnia vastare flammis & direptionibus.

*Andegauorum princeps, compluribus locis ab hoste recuperatis, communicato cum suis consilio, dimisit exercitum, quod pro tempore satis putaret gestum, & simul in præsidia militem distribuit. Berrie Dux, post multam obsidionem, Lemonicum urbem in deditionem accepit. Qua quidem re adco fuit offensus Angli filius, vt repentè conscripto milite, oppidum cingeret, addito iureiurando, se non prius con-
 quieturum, quàm oppidanis in suam potestatem redactis. Porro, cùm ab exploratoribus accepisset, nimis arduum fore, insultu eam capere, cuniculis actis, & ad extremū deductis, immissa deinde vi ignis, bonam muri partem prostravit, aditūque militi fecit. Sed quis miserabilem illam & vastam commemoret stragem? Non mulieribus, non infantibus, ad Angli pedes miserè procumbentibus, & salutem orantibus paritū est. Tantus erat viri ardor, tā vehemens ira. Post hanc tam immanē hominū stragem, post direptas ciniū fortunas, & perpetratum
 omne*

omne sceleris ac inhumanitatis genus (quæ militū est rabies) principis mandato incensum oppidum, solo fuit æquatū. Berriæ Dux, vrbe positus, exercitum suum, exemplo fratris, dimiserat. Hinc adeò factū est, vt & dissipato milite, et paucis quibusdā, vt suspicari licet, ibi statibus in præsidio, ciuibus minimè fuerit subuentum.

Copia Roberti Canolli, quæ per Galliam in Andegauensem agrum penetrarant, cæse tandem fuerunt à Connestablio Regni: fuga dilapsus Robertus, in Britoniam reuertit. Sub hoc tempus, è vita migravit Urbanus Pontifex, nuper Auenionem reuersus. Huic successit Gregorius undecimus, multum in ea re sollicitante Gallie Rege, qui magno in hoc Pontifice præsidium sibi paratum videbat.

Angli filius, medicorum inductus consilio, relictæ Aquitania, in patriam discessit. Etenim quo tempore bellum in Hispaniis, pro Tyranno exulante gerebat, morbum quendam & grauem & vix curabilem, ibi collegit: qui cum sic incrucesceret indies, vt equitationem ferre non posset, & lectica veheretur, medici auctores illi fuerunt, vt in Angliā se reciperet, solū natale, futurum, vt illic commodius haberet.

Abiturus inde, fratrem suum germanum, ducem à Lenclastre, qui totum belli tempus,

communem Martis aleam cum illo expertus erat, gubernationi rerum iis locis præfexit, obtestans Aquitaniæ principes, Burdegala collectos, ut imperium fratris non impatienter susciperent.

Suprà narratum est de Rege Maiorica, qui contumeliam & iniuriam illatam vlcisci cupiens, principis Vuallensis fidem atque promissa, per temporis aliquod spatium sequebatur, ut hostem suum Arragonia Regem, tunc Hispano confœderatum, profligaret. Caterùm, Henricus Hispaniarum Rex, ut ditionis suæ pleraque omnia recuperavit, Maiorica Regem in quodã Hispaniæ oppido, valetudinis causa relictum ab Anglo, offendit, & quod hostium secutus esset partes, in custodia per annos aliquot detinuit. Ope tandem amicorum, & depensis aureorum centenis millibus, liber factus, militem aduersus Arragonium collegit, & acris erat haud dubiè futura dimicatio, nisi in aduersam valetudinem relapsus, vitam finiisset. Hac igitur ratione bellum quieuit.

Tyranni illius Hispani, de quo suprà, filias duas, Constantiam & Isabelam, nobiles aliquot Hispani, de morte patris illarum certiores facti, statim in Aquitaniam per mare deduxerunt. Ex his natu maiorem Constantiam, Dux

à Lenclastre suorum auctoritatem & consiliū
secutus, uxorem duxit: nam & puellarum ca-
lamitas, & succedendi aliquando spes ampla,
huc impellebant. Qua re intellecta, Hispanus,
futurum timens, ut tertius Angli filius, alte-
ram sibi matrimonio coniungeret: missis ad
Galliæ Regem legatis, arctissimo se fœdere cū
illo astrinxit, pollicente Gallo certissimum præ-
sidium aduersus quemlibet hostem, præterea,
nullas vnquam se pacis rationes cum Anglo
suscepturum, quæ non & Hispano essent vi-
les futurae, atque honestæ.

Dux Lenclastre paulò post nuptias, con-
uocatis loci primoribus, & expositis ibi suis
rationibus, quinetiam constitutis per omnem
ditionem, qui præessent absente se, in Angliam
uxorem abduxit.

Anglus, habita consultatione, statuit filium
Lenclastre mittere adiunctis copiis, ut deuasta-
ta Picardia, per Galliam deinceps grassaren-
tur. Ad hæc natu minimum filium in Aquita-
niam cum exercitu præmisit, bellum iis locis fa-
cturum, ut hinc illinc Gallis negotium exhibe-
retur. Sed Galliæ Rex per Anglos aliquot cer-
tior factus, præsidis munivit omnia Picardiæ
loca, & quandoquidem ex Anglorum indicio
compertum habebat, Anglicam classem in

1372. Aquitaniam appulsuram, tacite hoc significabat Hispano, recens confœderato. fecit ille ex officio, missis 40 maximis nauibus, & 13 aliis non eadem magnitudine, vt venientem Anglum exciperent. quem non procul à Rochella, cum aduenisset, magnis viribus adorti sunt, totum ferè diem durante prælio. Rochellenses, otiosi spectabant, & rogati à suis præfectis, vt laborantibus Anglis subuenirent, in excusationem adduxerunt nescio quæ. Nam Anglorum imperium impotentissimè ferebant, utcunque dissimularent. Postridie renouata pugna, fuit mulò omnium asperissima: tandem ad Hispanos, quòd nauium & numero & magnitudine, deinde, quòd etiam turba superarent, victoria declinauit, cæsis aliis, & captis quamplurimis, & inter hos, Regis iuniore filio, cum bona Ducum parte. Nauis insuper illa, quæ maximam vim auri vehebat, in alèda tria hominum millia, fluctibus absorpta fuit. A pugna, Rochellam aduenerunt ex Aquitania iustæ copiae, sed serò, nimirum rebus infelicitè gestis.

Hinc aded factum est, vt paulatim omnem ditionem Anglus amitteret, partim discedentibus populis, partim in facilem se deditionem dantibus.

Dum hæc agerentur, principis cuiusdam Angli-

Anglici filius, Iuonem vocant, apud Galliae Regem miserabiliter quæstus est de insigni iniuria sibi ab Anglo facta, qui & patrem suum Ammonem, principem Vuallorum necari iussisset, ac deinde totam illam ditionem in filium suum contulisset. Gallus igitur & naues illi instruxit, & plus minus quatuor millia adiunxit: quorum auxilio iste quandam Angliae insulam ingressus, manu conferta hostem profligauit ac fudit. Renocatus inde à Gallo, in Hispaniam missus est, vt ibi collectis nauibus, Rochellam obsideret.

Rebus feliciter gestis in Anglos, tam ab Hispanis, quàm ab Iuone, Gallus prospiciens futurum, vt reliquæ ditiones facili momento ad defectionem impellerentur: præsertim si vel semel præterea, infelicitè pugnarent, aut diuiniùs affligerentur: misit Connestablium, & cū eo magnam potentissimorum principum manum, vt bellum ibi redintegrarent. Vt in agrū Pictauiensem ventum est: quicquid circum erat oppidorum atque munitionum, facile recuperarunt. Ipsi adeò Pictauienses, parum inter se concordēs, missis ad Connestablium literis, & declarata voluntate sua, portas illi, sub diluculū, ita vt conuenerat, patefaciunt, hoc exemplum pleraq; alia oppida sibi imitandū proposuerūt.

HISTORIAE I. LIB.

Interea is, de quo diximus, Iuo, comitatus Hispanici maris praefecto, cum instructissima classe ex Hispaniis appulit Rochellam, quae tamen nihil hostile sustinuit, quod ciues & Anglum haberent exosum, & Gallicum imperiū modis omnibus expeterent. Desciuisent pridē ab Anglo, sed obstabat arx ibi posita, & Anglicis munita praesidiis. Inito igitur consilio, pro tempore satis callido, simulantes, delectum se habituros tam civium, quàm eorum qui ad loci praesidium erant relictī, praefectum arcis, hominem minimē vafrum, hac ratione, cum suis foras produxerunt. quo perfecto, statim ex insidiis magna pars civium in arcem impetu facto, eos, qui se conabātur opponere, perpaucos quidem illos, repulerunt. Galliae procures, id temporis apud Pictavium collecti, certioresque facti, cupiebant ab oppidanis Rochellensibus recipi. Quod isti quidem minimē recusarunt, sed certis quibusdam conditionibus, puta, ut liceret arcem, ē qua diversis temporibus multa fuerāt perpeſsi, prorsus demoliri, & aequare solo: ut Galli sanctē promitterent nullis vnquam temporibus arcem ibi structam iri: ut Rochella perpetuò maneret ditionis Gallicae, néve ad alium dominum transferretur, quocunque tandem modo id fieri posset, ut sunt varij rerum huma-

narum cuentus . Cùm hæc à Gallorum Rege (nam procures ad eum retulerant) probarentur , haberenturque rata , Galliæ denuò cessit Rochella: cuius quidem defectio, plurima circū loca, vt idem facerent, concitauit.

Galli duces, vtendum esse fortuna iudicantes, ita se comparabant, vt breui tempore, Pietauiensem agrum omnem & finitimum reciperarent , non citra accessionem & opem Britonum, qui in Galliam mirè inclinabāt, etsi Anglo esset addictus ipsorum princeps , vt cuius opera Ducatum obtinuisset. Euenit non multò post, vt Angli, simulatque in Britoniam accessissent, in portu quodam exurerent septem Hispanorum naues insigniter magnas . Illico nata est suspicio , factum id Britoniæ Ducis auctoritate, consilioque. Gallus, per Britoniæ nobiles quosdam intellecta re, misit Connestablium , vt Britoniam subigeret: cuius principem iudicabat omni iure iam excidisse, quòd cum Anglo fœdus contra se feriisset , à quo suæ ditionis inaugurationem accepisset , præstito ex more inre iurando. In his angustiis Brito, suis etiam diffidens, in Angliam profugit. Connestablius Britonum auxilio , plurima in suam potestatem redegit.

David Scotiæ Rex, non relictis vllis libe-

1373. ris vitam morte commutavit. Iure successionis, regni administratio deuoluta est ad Robertū.

Suprà diximus, Anglum statuisse, filium suum Lenclastre, postquam vna cum vxore in Angliam reuertisset, mittere in Picardiam, vt ibi bellum faceret. Sed res fuit extracta. Nam hoc primū anno Caletum appulit & cum eo 13 millia, ipseque aded Britoniæ Dux profugus. Grassari per bonam Picardiæ partem, omnia vastantes igni & depopulationibus, ab urbium oppugnatione abstinnerunt, quibus multò antè fuerant à Gallo imposita præsidia. Galli, vastantes illos omnia, sine intermissione persequebantur: & tamen ad manus nunquam vētum est, imò, legatis Pontificiis intercedentibus, actum est de induciis, & constitutum tempus, quo Brugis, Flandriæ oppido rursus conuenirēt, de grauioribus tractaturi.

Priusquam nunciarentur induciæ, Dux Britonum adiutus ab Anglo, quædam recuperauit, plura forsan recuperaturus, nisi de induciis interuenisset nuncius. Itaque dimissis copiis in Angliam reuertit, præsidiis firmans loca omnia. Sub Calēdas Nouembris, vtriusque Regis legati Brugas venerunt, vt intercessionē Pontificiorum, de matrimonio ageretur inter principis Vuallensis filium, Richardum, & Mariam

Mariam Galliarum Regis filiam . Variis modis agitata re, cōire tamen concordia nequibat. Eo Pontifex Gregorius offensus, Auenione relicta, Romam petiit.

Eduardus princeps Angli filius, vir fortissimus, Londinū, sub hæc tempora, vitam finiit, Anglus deinde, congregatis & filiis, & regni proceribus, exposuit in concione, Richardum, ex filio vita defuncto nepotem, esse eum, qui sit à morte sua, regni moderationem suscepturus. Et quoniam, multò antè, super ea re, cum optimatibus, & reliquis filiis transactum erat, priusquam in Gallias expeditionem postremam faceret, haud difficulter omnibus persuasit, ut etià iureiurando præstito, ratum se habituros illud affirmarent. Non multò post, Anglus ipse, diē supremum obiit, non sine plurimorum dolore summo. Tam enim fuit princeps laudatus, ut etiam Galliae Rex, intellecta illius morte, dignum esse diceret, qui inter sapientes Reges cōnumeraretur. Huic successit, ut constitutum ante fuit, Richardus nepos, coronatus Anglia Rex, ætatis suæ anno undecimo. regni quidem administratio erat penes Ducem à Lenclastre, iam electi Regis patrūum. Interim Rex, aulico cuidam proceri formandus traditur, communibus omnium suffragiis ad hoc constituto.

HISTORIAE I. LIB.

Narratum est supra Gallum, quò feliciùs atque commodiùs bellum Anglicum sustineret, factus iniisse cum Nauarrio: sed euenit postea, vt duo quidam nobiles familiæ Nauarricæ, cū Nauarrÿ filiis apud Gallum commorantes, de beneficio apud Regem haberentur suspecti. Et cū palàm audicte populo, flagitium agnoscerent, ad supplicium rapti sunt. Gallus illico misit exercitum in Normanniæ partem illam

1378. *maritimam ditionis Nauarricæ, quam Connestablius, facili manu, omnem occupauit. Ad hæc Hispanus, nuper Gallo confœderatus, bellum etiam Nauarrio inferre. qui quidem in his angustiis positus, à Richardo Angliæ Rege opem implorauit, nec id quidem frustra.*

Dux Britoniæ, in Angliâ commorans, auxilium subinde flagitabat à nouo Rege, sed surdas hic semper aures præbere. Etenim princeps à Lenclastre, sperans, ditionem Britonis occupare se posse, contractis copiis, cū appulisset, oppugnare quædam. Sed Gallicus exercitus, duce Connestablio, discedere illum coëgit.

1379.

Secundi

SECUNDI LI- BRI FROSSARDI-

CI HISTORIAE MEMO-
rati non indignæ.



*Superiori volumine expo-
situm est, quomodo Galli
magnâ Aquitanie par-
tem ab Anglis recupera-
uerint. Erant nihilomi-
nus plerique alij iis locis,
Anglo pertinaciter ad-
dicti. Princeps igitur Andegauorum eò prose-
ctus cum copiis, quicquid erat reliquum, ferè
subegit. Aquitani pridem in Angliam mise-
rant pro impetrandis auxiliis: verum, quòd in
regno turbæ & seditiones pullularent, nihil
profuit legatio. Dux enim à Lenclastre, qui re-
bus præerat, inuisus erat populo: quæ res deinde
magnum malum in Angliam inuexit. Cùm
itaque nullæ mitterentur auxiliares copiae, A-
quitani præsidio destituti, ut deditionem face-
rent, hostemque reciperent, adacti fuerunt.*

*Galliarum Rex, vir summa prudentia, re-
tinebat in amore omnes, à quibus opem atque*

HISTORIAE II. LIB.

*subsidium sperabat. Videns adeò Regem Angl-
 um adolescentiæ annos necdum egressum, vi-
 dens etiam ortas ibi turbas atque simultates,
 Robertum Scotiæ Regem literis obsecrauit &
 commonefecit, vt in hac tanta occasione, bellum
 moueret Anglis, vt ea ratione impeditis, non
 esset integrum in Gallias traicere. Scotus &
 his instigationibus, & sua etiam sponte com-
 motus, quòd veteres iniurias vlcisci cuperet,
 præsertim adolescente adhuc Rege Anglo, cõ-
 sultatione habita, mandauit suis, vt ad certum
 diem, instructi omnes rebus necessariis cõueni-
 rent in finibus, qui Scotiam ab Anglia separât.
 Cùm ed vêtum, Scoticus quidam nobilis, cupiẽs
 dare fortitudinis & insitæ audaciæ documen-
 tũ, adiunctis aliquot, absque magno molimine,
 noctu, somno oppressis omnibus, vrbis Beruici
 arcem occupauit. Qua re intellecta, præfectus
 oppidi, summo diluculo, stipatus agmine ciuiũ
 suorum, pontem arcis primũ demolians, quã
 solum patebat exitus, reliquam deinde arcem
 omnem, obsidione cinxit, adeò quidem artẽ, vt
 hostis loco se mouere non posset. Vicini præter-
 ea certiores ab eo facti de rerum statu, ad de-
 cem hominum millia adduxerunt. Quo nuncio
 accepto, Scoti, vt suos obsidione liberarent, ca-
 stra mouerunt. Sed Anglici exercitus multitu-
 dine*

dine timidiores facti, nolebant periclitari fortunam. Tunc demum facta oppugnatione, recuperata fuit arx, necatis, qui intus erant, omnibus, & vnico duce, cuius auctoritate coeptum istud fuerat, seruato.

Capta iam arce, visum est Anglis non inconsultum, retrocedentem hostem persequi. Id adeo factum est, quanquam exitiali ipsorum detrimento, fortuna ad Scotos inclinante.

Pontifex Gregorius, aliquando sanctè promiserat, si quo vnquam tempore ad Pontificiâ dignitatem proueheretur, non alio se loco, quàm Romæ commoraturum. Sed hoc ingratum erat Cardinalibus quibusdam in Romanos non satis æquis: ingratum erat Gallo, qui viciniorem sibi Pontificem optabat. Missus ab eo frater, Andegauorum princeps, Auenionem, nequiuit Pontificem ab instituto retrahere. Venit ille Romam, locum optatum, paulò post obiit diem. Cardinalibus ad eligendum alium, ex more congregatis, populus Romanus in curia grauitertumultuari, interminans haud obscure, nē Pontificem eligant, genere, & familia Romanum, se dira facturos: adeoque irruptione facta, in cœtum Cardinalium ferocientes ingressi, id effecerunt, vt vir quidam annos circiter centum natus, crearetur. Hunc Romani, alba mule

HISTORIAE II. LIB.

impositum per urbem magna ostentatione circumducebant Sed decrepitus senex, equitatione, & molesto illo officij genere delassatus, triduo post expirauit. Ibi tum nouæ turbæ, Romanis etiam aliquantò atrociores voces iactantibus. Tandem electus est homo Romanus, vocatus deinde Urbanus sextus.

Regina Nauarra, Gallie Regis soror, è viuis hoc tempore discessit. huius interitu, Normannie quædam ditio, ad Nauarra filios Carolum & Petrum, quos Gallus educabat, deuoluta fuit. Gallum hortari plerique, vt quicquid esset ditionis Nauarrica in Normannia, ipse occuparet, tuereturque, donec adulti essent liberi. Nauarrus & ipse futurum hoc suspicâs: denunciavit, vt sibi remitteretur filij, quod natu maiorem, Hispaniarum Regis filia, matrimonio esset adiuncturus. A Gallo responsum est, filios honestiori, & meliori loco esse nō posse, quàm apud se. Educaturum se illos in rebus omnibus ita, vt Regios filios, & consanguinitate sibi iunctos educare deceat. Nauarrus indignè ferens responsum, Normannie loca aduersus Gallorum vim munivit. Cæterum, variis grauibûsque de causis in Nauarrum erat concitatus Galliarum Rex, potissimum verò, propter veneficij confessionem illam, de qua suprà.

præ. Missis igitur copiis, Montempeffulum, & vicinam regionem, tunc Nauarrio subditam, occupauit.

Ad eum modum afflictus Nauarrus, & in Regni & Normanniæ finibus, (nam & huc Gallus exercitum miserat) per legatum egit cum Anglo, cupiens in illius amicitiam recipi. Anglus renunciauit, videri sibi necesse, ut si quid grauius & serio vellet constituere, super rebus aded non contemnendis, veniret in Angliam ipse. Quod consilium secutus ille, cum eo deuentum esset, infortunia sua commemorans, ab Anglo consultatione facta, in fœdus & amicitiam receptus est, his ferè conditionibus: nimirum, Ut Anglicas partes perpetuo sequeretur: ut integrum illi non esset, vllas pacis condiciones inire, cum Gallo, Hispano ve præter suam, consiliorumque voluntatem: ut arcem Chirburgum in Normannia positam, præsidiis ad triennium firmaret, in usum Angli: ut, si contingeret Anglum, illis locis, ab hoste Gallo recuperare vlla oppida, cederet eadem in Angli commodum, proprietate interim penes Nauarrum manente. Caterum, Anglis hoc erat longè optatissimum, quod inde semper facillimum essent habituri in Galliam accessum. Ad hæc, ut Anglus quamprimum in Nauarram

HISTORIAE II. LIB.

mitteret quatuor equitū millia, qui bellū mone-
rēt Hispano, néve integrū illis esset ante cōfectū
bellū, destituere Nauarriū. Idq; nō Angli, sed hu-
ius impēsis. Per quosdā ex familia Nauarrica,
Gallus certior factus, futurū, vt in Angliā iret,
egit apud Hispanū, vt is regnū illius interī gra-
ui bello infestaret. Copiis in Normāniā à Gal-
lo missis, præerat artis militaris peritissimus
princeps à Coucy. Is, absente Nauarrio, & a-
pud Anglū, negotiorū causa cōmorāte, pluri-
mas ibi arces & oppida recepit, eoque facilius,
q̃ in ipsius comitatu inter ceteros etiā esset Ca-
rolus Nauarrū filius natu grādiior, in cuius gra-
tiā, vt pleriq; acceperūt hoc bellū susceptū, non
admodū restiterūt. Sola arx Chirburgensis, re-
stabat expugnāda. Hēricus Castiliæ rex, Ba-
ionā ditionis Anglicæ, maximis viribus obsidēs,
ad deditionē illos haud dubiè cōpulisset, ni pesti-
lētia militē afflixisset. Nec tamen frustra copias
eduxit, plurimis circū oppidis occupatis. Quin-
etiā ad oppugnationē Pāpelunæ (quæ potissima
est Nauarræ ciuitas) magna pars exercitus tra-
ducta est. Suprà narrauimus de quodā Iuone
Britannico, qui post necē sui parentis Vualloriū
principis, iam inde à puero fuit educatus apud
Regē Philippū, Ioannē & Carolū. Grādiior iste
factus, & vindictæ ardēs, nullā prætermisit oc-
casione turbādi Anglos: & in omni re militari,

ita se dabat, vt plurimi fieret à Gallo. In agro Burdegalensi quosdā obsidione premēs, eò rede git, vt inedia cōpulsi, ad nihil aliud, q̄ deditiōē faciēdā spectarēt. Ibi tū in ipsius familiaritatē, quidā nobilitatis se titulo venditans insinuauit: à quo tandē, nihil tale ratus, certo die, cū semotus à suis, otiosè spectaret arcē, & capillū pectet, crudeliter confossus est. Reliqui duces, quāquā indignissima strenui viri morte plurimum perturbarētur: vrgebant tamen obsidionē. Sed Anglis, magno numero per mare aduētātibus, necesse fuit, Gallos, & his coniunctos Britones, infecta re, castra mouere. Per hāc occasionē Angli, in ditione Burdegalensi, multa recuperarūt. Inter cetera, cinxerant Britoniæ quoddā oppidum (sanctum Malonem vocant) tunc in Gallorum potestatem redactū. Subinde oppugnatum est, & acriter quidem. Sed à Galliæ Rege, tunc apud Rotomagum commorante, missus exercitus, hostem ab incepta ratione, & insultandi ardore reuocauit. Cuniculis igitur actis, vrgeri coeptum. Quod vbi persentiscerēt oppidani, tempus opportunum adepti, nocte quadam, magno silentio (parum vigilantibus, qui in excubiis erant) urbem egressi, perfrugerunt cuniculos, ita quidem, vt qui in opere desudabant, concussa mole succumberent. Turbatis ad eum modum consiliis, Anglis visum

fuit è re sua futurum maximè , si patriam repeterent. Anglici Regis patruus duo, rebus istis omnibus præerant. Pampelunam cingebāt Ioannes Regis Hispani filius (infantem vocant) & Hispaniarum Connestablius. Anglorum auxilio fretus atque subnixus Nauarrius, acriter sese defendere, collaturus etiam signa cum hoste: sed reuocato, certis de causis, à patre filio, solutus est exercitus. retrocedentem Hispanum, permisti Nauarrensisibus Angli persecuti sunt, exustis atque direptis aliquot finitimis oppidulis. Ea re vehementer offensus Hispanus, collectis circiter quadraginta millib⁹, Tudellam, ubi tum Nauarrius hybernabat, oppugnare statutum habuit. Sed intercessione bonorum virorum, inuēta sunt rationes pacis, puta, vt Hispani filius uxorem duceret Nauarrae Regis filiam. Et vt Carolo Nauarrae filio nuberet Hispani filia. Carolum quidem istum, Gallus, vt antè diximus, aliquot annos apud se detinuit Sed cum de connubiis ageretur, Henrici Regis precibus incitatus Gallus, parenti illum honestè remisit. Ab istarum rerum tractatione, vitam finiit Hispanus, cui successit Ioannes, omnium ordinum voluntate & consensu. Negatium hoc ita fuisse transactum, implacatisimè ferebant Dux à Lenclastre, &

huius

huius frater germanus, qui vxores duxerant, Tyranni exulātis, & ab Henrico necati, filias. Dolebat illis, noui Regis coronatio. Quinetiam Lusitaniæ Rex & ipse molestissimè tulit, regni successionem ad hunc deuolutam: vt plenius deinceps cognoscetur.

Galliæ Rex, insigni prudentia, & rerum vsu præditus, vt commodius bellum Anglicū sustineret: in Scotiā ablegauit quendam e suis, qui Scotum in officio retineret. Hic, vt in Flandriæ portum quendam appulit, inde proseguuturus inceptum iter: adductus est ad loci principem. Vbi cū minus prudenter quædam loqueretur, conuiciis & iurgio acri fuit exceptus tam à Comite, quàm Britoniæ Duce, in huius generis homines transferente omnium perturbationum causas. Alij præterea quidam iniecerunt illi metum, si mari se committeret, futurum, vt ex insidiis interciperetur ab Anglis. Mutato igitur consilio, rebus infectis, in Galliā rediit, & re omni explicata, Gallus missis literis aliquanto vehementioribus, Flandrum hortari & commonescere, si consultum sibi vellet, Britonem hostem suum vt ne foueret. Habita consultatione, nemo fuit omnium, qui non suaderet, omnibus modis iuuandum esse fugiuium, & exulantem principem, iactantibus

HISTORIAE II. LIB.

plerisque, Flādriam posse Galli vires atque potentiam, si bellum suscipiatur, propulsare: Sed Brito sua tandem sponte in Angliam se contulit, animis atque studiis suorum iam aliquantū magis in se propitiis, quā antē.

Commemoratum est suprā, Cardinales, à morte Gregorij Pontificis, vt Pop. Romanum tumultuantem placarent, vi metūque compulso, elegisse Urbanum Sextum. Porro, cum iste propter fastum, & animi impotentiam ferē displiceret omnibus: Cardinales magno consensu elegerunt Robertum, Episcopum Cameracensem, vocatum postea Clementem. Erat id temporis in finibus Romanorum Robertus quidam. Budens, genere nobilis, natione Brito, vir strenuus, & cum eo circiter duo Britonum millia. Sollicitauit hunc Clemens, vt suas partes defendendas susciperet. Id cum minimē recusaret iste, in arcem tacitē, cum suis intromissus est, ē qua Romanis negotium facesseret. Et hi quidem Germanum militem atque Italicum, pro suarum rerum tuitione collectum, subinde in Britones immiserunt, qui crebris, & sine intermissione repetitis oppugnationibus vexati, arcis deditionem facere coacti sunt, saluis capitibus & vita.

Robertus, qui his rebus minimē interfuit, sed
foris,

foris, non procul ab vrbe castra metatus erat, accepto nuncio factæ deditiois, vbi cognouisset per exploratores, quo tempore Romani, in arcem, consultandi gratia conuenirent, sub noctem, vias secretiores ingressus, urbemque petens, tempore omnium maximè opportuno, cū è senatu progredierentur, inuasit inermes, nihilque tale suspicantes. Ibi tum erat videre, potentium virorum atque ciuium vastam stragē. Quo facinore edito, per otium ipse deinde suas copias reduxit.

Rex Gallus, vt cognouit de altero Pontifice creato, collectis aliquot ordinibus, & inter hos potissimum Theologico, percunctari, in hac diuersitate, vter agnosci deberet. Variabant, vt fieri solet, sententiæ. Proceres ecclesiastici, Regisque fratres, & bona Theologorum pars, Clementem approbandum existimare. Placuit Regi censura, quæ per omne regnum illico denunciata fuit, vt certum, quod sequerentur omnes, extaret. Idem sentiebant Hispaniæ Rex, Sabaudie Comes, Dux Mediolani, & Regina Neapolitana. Carolus Bohemiæ, Romanorum Imperator omnia dissimulare, quâquam Imperij pars magna, sequerentur Urbani partes. Scotus etiam ad Clementem inclinare. Ludonicus Flædriæ Comes, vim & iniuriam Urbano fie-

HISTORIAE II. LIB.

ri dictitabat. Hannonienses, nec huic nec illi se dare. Clemens, ut causam suam firmaret, Cardinalem Pictaviensem misit in Galliam, & huic vicina loca, explicantem, quemadmodum Urbanus, vi & metu, inuitis Cardinalibus fuisset penè extortus. Facile persuasit in Gallia, nimirum, antè iudicata causa. Hannonius & Brabantus, in illo quidem humaniter tractando nihil pratermiserunt, sed praterca nihil obtineri potuit. Flander multò antè nunciauerat, se non expetere ipsius colloquium, habere se Urbanum, ut summum dominici gregis pastorem, ab eo se nunquam recessurum. Auenionem praterca misit Clemens, qui curiam & reliqua omnia adornarent. Sub id temporis, Regina Neapolitana, de maximis rebus transactura, venit ad Pontificem. Ceterum res ita habet:

Ludouicus à Sicilia, Dux Apuliae & Calabriae, in extrema valetudine constitutus, filiam hanc suam, ad se deductam, sic allocutus est: Tu quidem filia mea carissima, hereditatem nunc adibis longè florentissimam, adeò, ut existinem futuros principes viros non paucos, qui te propter luculentam istam & splendidam successionem, uxorem ambient. Consilium igitur meum secuta, nubes potenti, & opulento, qui te, tuamque commodè queat tueri. Et si contingat te nullam
suscipere

suscipere prolem, transferre debes omne patrimonium tibi relictum, ad Pontificis arbitrium, qui quidem tum præcrit. Hoc nimirum parens meus Robertus, æger decumbens mihi iniunxit. Ego itaque ut ab imposito munere sublcuer, tibi vicissim illud præcipio. In hanc sententiam pleraque alia disputanti patri, filia, in conspectu multorum, sanctè promisit, se non defuturam hîc officio suo. Post mortem patris, illa nupsit *Andreae* ab *Hungaria*, fratri *Hungariæ* Regis *Ludouici*. sterile fuit illis cõnubium hoc, ipso multùm adhuc adolescente, è viuis migrãte. Nupsit deinde *Carolo*, principi *Tarentino*, & filiam vnicam sustulit. *Hungarorum* Rex *Carolo* bellum mouit, adempta illi vi armorum *Apulia* & *Calabria*, capto etiam inter pugnandum ipso, & in *Hungariam* abducto, vbi & è vita discessit. Ab hoc nupsit *Maioricæ* Regi, missis in *Galliam* legatis ad *Ludouicum* à *Nauarra* (cuius antè facta mentio) quem filia sua maritum expetebat. Et is quidem huius rei gratia iter ingressus, vitam finiit. *Maioricæ* Rex, hæreditatem paternam recuperaturus, occupatam ab *Arragonio*, acre bellum parabat. Discedentem maritum vxor retinere cupiens, & ab expeditione debortans, quòd satis amplum, & florens haberet regnum, ad omnē

HISTORIAE II. LIB.

etiam luxum, exorare non potuit. Itaque permittens illi suos affectus, abeuntem hortari, ut apud Carolum Galliarum Regem prudentissimum, re omni exposita, & commemoratis iniuriis, rationes suas ex illius consilio temperaret. Verum ipse nescio quod maius praesidium aliunde sperans, opem imploravit ab Angli filio, fidem & studium pollicente. Dum hic militiae esset: vxor misso legato, Gallum obsecrare, ut sibi in eligendo genere, prudenti quidem illo, & illustri orto familia, pro summa humanitate sua prospiceret: ut ne tam opulentæ ditiones tandem in alienas manus dilaberentur. Gallus æquissimis precibus inductus, misit cognatum quendam suum, cui & desponsa fuit Reginae filia. In expeditione suscepta, Maioricæ princeps, ut antè narratum est, diem suum obiit. Vxor itaque quarto nupsit. Ea re perturbatus Hungariæ Regis nepos, nomine Carolus, bellum intulit nouo Regi, & oppugnata quadam arce maritima, deditione facta, cepit virumque coniugem, filiam insuper & huius maritum. quos non ita multò post mori contigit. Rex vnà cū vxore liberatus, ea conditione, ut Apulia, Calabriaeque cederent. Quæ cum teneret: firmatis viribus, & initis vndeque fœderibus, inhababat etiam regno Neapolitano, Siciliae & Prouinciæ.

Prouinciæ. Regina igitur metuens, adeoque futurum videns, vt à morte sua, Carolus in ista omnia totis viribus irrueret: apud Pontificem re omni exposita, rogare illum, & obtestari, vt sui patrociniū hic susciperet. Itaque Siciliam, Neapolim, Calabriam, Apuliam, & Prouinciā, facta libera & spontanea donatione, in Pontificem contulit: vt ipse, cui vellet, ea omnia deinceps largiretur. Pontifex donationem acceptam & gratam habuit, perscriptis & rite super ea re perfectis literis. Pontifex non multo post, vt Auenionem venit, ditiones istas omnes contulit in Ducem Andegauie, qui Tholosa illuc venerat salutandi Pontificis causa. Donationem & iste ratam habuit, pro se, suisque hæredibus.

Brugenses, magnis operis & sumptibus conabantur ad se deducere, à Gandauensibus Lysam flumen. In eam rem alebant quingentos circiter fossores. Certiores autem facti Gandauenses, tumultuari, & impatienter ferre: quòd magnum inde viderent detrimentum ad se redundare. Erat tum Gandauī quidam mirè factiosus & popularis (Ioannem Leonem vocabant.) qui studium, & cogitationem omnem huc conferebat, vt populum aduersus principem suum inflammaret. Is rogatus à vulgo, &

*Occasio
belli Flā-
drici.*

HISTORIAE II. LIB.

consultus, quid factū opus esset: oratione & vultu composito respōdit, Cœptum hoc, à Bruggensibus minimè tolerandum. Sed veterem quendam morem ciuitatis, laudatissimum quidem illum, sed abolitum, esse renouandum: puta, vt qui libertatis veteris essent cupidi, pileo candido insignirentur. Etenim habere Gandanos, plurima & eximia præ cæteris priuilegia, paulatim antiquari illa & suprimi, magno ciuium malo, & iniuria: futurum adco, vt si cōniueatur, nulla tandem supersint. Olim ita floruisse ciuitatem, vt plerique potentes etiam viri, bene secum & feliciter actum putarent, si ius reliquorum ciuium, aut gratia, aut largitionibus, aut merito suo impetrassent. Nunc eò deuenisse rem, vt nullo beneficio, vel commodo proposito, nemo omnium magnoperè in communem societatem fortunamque ciuium recipi velit. Eiusmodi sermone, complurimum animos erexit, & pessimum quæque facile illi fuit ad se pertrahere: ferebant singuli pilea candida, & certo die collecti, sumptis armis ibant oppressuri fossores. Et hi quidem intellectu nūcio super illorum aduentu, non perfectō opere, fugerunt. Exaggerabat odium præterea, quoddam ciuem quendam suum iussu principis captum, Gandauenses liberari volebant. Nam & in eo

ius suum violari clamabant. Repetitum igitur illum à prætore, missis legatis, cum non obtinerent: principem sollicitarunt, ut vinculis eximeretur. Quod ille quidem non grauati facturum se promisit, adiiciens præterea, nihil se commissurum, quod ipsorum libertatem aliquo modo labefactare posset: adhuc denunciaturum se Bruggensibus, ut ceptum opus planè intermitterent, impletis etiam, quas inchoauerant, fossis. Interim rogare, ut morem illum gestandi pilea reicerent, quod materiam ea res præberet factionum perpetuam. Id ad ciues relatum vehementer eos alienare, præsertim exasperante, factionis auctore, Leone: qui futurum asseuerabat, ut hoc more sublato, rursus in veterem seruitutem adigerentur. Porro, etsi Flander obsecrare populum, ut pilea deponerent: misit tamen circiter ducentos, qui Gandauum præter expectationem ingressi, Leonem & certos quosdam alios in custodiam abductos, populo subducerent. Verum istud adeo non potuit esse clam, ut etiam Leoni suppeteret otium & conuocandi, & inhortandi suos oratione graui, ut si quando aliàs, hoc potissimum tempore, libertatis retinendæ studio, fortiter pugnarent. Adductis igitur sui ordinis hominibus circiter quadringentis in forum, præfecti manibus erepti. Principis signa,

& discerpta, pedibus protriuit, ipsūque adeo
 praefectum interemit. Quam hoc facinus ani-
 mum Principis perturbavit, quid attinet com-
 memorare? Oppidani, & ciues, quibus hone-
 stior mens inerat, & intelligendi vis maior,
 prospicientes ad tristem exitum spectare om-
 nia, consultatione facta, miserunt ad principem
 splendidiores aliquot, facti veniam deprecatu-
 ros. Flander initio quidem durius illos accipe-
 re: sed tamen, ut ne malum hoc importune tra-
 ctatum & incommodè, longius serperet: culpā
 illis omnem condonauit. Dum hi Reipublicae
 causam agunt, Leo, praeter turbas aliud nihil
 expetens, ut certum suae factionis numerum
 videret: produxit eos extra urbem, & compe-
 rit ad decem fere millia. Ibi tum in cōcione va-
 ria, multaque de asserenda libertate locutus, au-
 ctor illis fuit, demoliendae cuiusdam arcis, nuper
 à Flandro aedificatae, propterea quod ex ea plu-
 rimum incommodi inferri posset ciuitati. Facile
 persuasum est seditiosae turbae. Leuiter coepe-
 runt praesidio destitutam, spoliatamque incen-
 derunt, simulante interim Leone, dolere sibi
 factum: & tanquam fortuito casu euenisset,
 quod studio & malenolentia perpetratum e-
 rat, interpretante. Nuncius ad Flandrum per-
 latus, ita illum turbauit, ut legatos populi, hoc
 etiam

etiam nomine veniam orantes, non sustineret audire, grauibus adiectis interminationibus. Ingentem enim pecuniæ vim in eam structuram impenderat, vt de contumelia nihil dicam, quæ generosum animum vehementiùs multò stimulabat.

Infulis, oppido Flandriæ, in cœtu nobilium & equestris ordinis, grauitèr quæstus de superbissimorum ciuium intollerabili fastu, & iniuria sibi facta, sic eos permouit, vt studium & operam illi polliciti omnes in omnem euentum paratos se dicerent. Ab hoc statim in præsidia distributo milite, cœptum est bellum, cuius quidem, ea, quam diximus, vera est origo.

Exacerbato in Flandros, animo principis, Leo, maiorem nactus occasionem, cum in concione, & aduersæ partis ferociam, mentemque obstinatam esset calumniatus, & eo nomine peropus esse diceret, vicinorum amicitiam ac fœdera cōciliare, censuit capita suorum, ad duodecim circiter millia. Inter confederatos erant ciues oppidi cuiusdam (vocant Dammas) in eo, non citra veneni suspicionem expirauit Leo, repenti. Erant & Iprensenses. quod oppidum ingressi permittente populo, nobiles aliquot ibi stantes in præsidio necarunt. Leone mortuo, Gandauenses, creatis nouis ducibus adiuti à Bru-

HISTORIAE II. LIB.

gensibus, & multis præterea sociis ciuitatibus, cum ad ingentem numerum creuissent: Tera-
mondam, in qua tum Flander erat, diu frustra
oppugnarunt. Motis igitur castris, & coniun-
ctis armis cum reliqua exercitus parte, Aude-
nardam acriter obsidebant, strenuè se defen-
dentibus qui intus erant. Sed cum nulla ratione
commeatus adferri posset obsessis, Flander pro-
spiciens, futuram ex penuria deditionem, tacitè
optare pacis conditiones. Huc mirè etiam in-
clinabat ipsius mater, Artesiæ Domina, quæ
pridem missis ad Burgundum Flandri generum,
amicissimis literis, obtestari, ut in tractando pa-
cis negotio, diligentem operam nauaret. Huius
rei caussa, Tornaci quindecim diebus insumptis
(ferocientibus nonnihil Gandauensibus) tandè
ita fuit transactum, ut Audenardæ obsidio sol-
ueretur, ut Gandauenses arcem nuper destru-
ctam, ab euoluto anno restaurarent, ut princeps
iniuriæ præteritæ deposita memoria, Ganda-
uum se commorandi caussa reciperet.

Brito, ne Flandriæ principi ullum odium
importunitate aliqua sua conciliaret, in An-
gliam se contulit, ut suprâ diximus. Ibi acce-
ptis ab omnibus ferè suæ ditionis ordinibus, lon-
gè suauissimis literis, quæ illum in patriam re-
uocabant, ex Angli consilio reuertit, non citra
militem

militem Anglicum, subsidio datum.

Flander Gandauum ubi venisset ex pacto, coram omni multitudine, luculenta oratione suum in eos affectum declarans, obiter & illorum ingratitudinem reprehendit, & simul benigni principis munere fungens, hortari eos ad concordiam & tranquillitatem in Republica deinceps retinendam. Ita se comparaturum rationes suas omnes, ut ne ullius turbæ caussam dedisse videri possit. Orare se, quàm possit vehementer, hoc solum, ut eorum, qui candidis pilcis insignirentur, factio aboleretur. Ad reliquam omnem concionem patienter auscultatum est: pilcorum autem deponendorum facta mentione, vidisses mutari vultus, & ora plurimorum. Flander, animis illorum perspectis, ut suspicari libet, ac discordiæ semina longè, latèque sparsa considerans, demissa concione, Gandauo discessit. Gratissimum hoc erat spectaculum seditiosis: contra, honestioribus dolere plurimum, simultatem & dissidium hoc intestinū indices magis atque magis augeri.

Postquàm Gandanorum urbem reliquisset Flander, quidam genere nobilis, vlcisci cupiens necem pratoris cognati sui, nuper à seditiosis oppressi, ut narratum est, indicto Gandanensibus bello, per occasionē inuasit mercatores ali-

HISTORIAE II. LIB.

quot, frumenti conuehendi caussa, Scaldam nauigantes. Comprehensos mutilauit manibus, & simul exoculauit. Dicebant plerique omnes, auctore Flãdro istud perpetratum. Factiosi, uelut aperta sibi fenestra, quiduis audẽdi, ad quinque circiter millia collecti, cœperunt Audenardam nullis munitam præsidiis (nihil enim metuebatur, nuper firmata pace) deiectis aliquot portis, item turribus & muri parte, quæ Gandauum respiciebat. Tum Princeps, intolerabili superbia illorum uelut expugnatus, uictisq;ue, legatis in urbem ad populum missis, & ipsorum maleficia, & suam moderationem, ubi sermone ob oculos posuisset, bellum eis, & hostilia omnia denunciavit. Interim ciues qui pacem expetebant, reliquis fuerunt auctores, ut ad mitigandum Principis animum restituerent captum oppidum, & scelerum auctores aliquot relegarentur. Leniuit ea res Flandrum utcunque. Et ut exemplum statueretur, Iprensus oppidi plebeios aliquot, propter concitatas seditiones, ad supplicium rapuit. Quo quidem nuncio accepto, qui Gandani erant, factiosi, & scelerum duces, aduersa omnia metuere. Secuti deinde cuiusdam sui ordinis consilium, existimantis, libertatem parari non posse, nisi concussis magnatum & nobilium fortunis, quicquid circum erat.

erat munitionum, & honestiorum ædium demoliri & diripere, spoliis inter se diuisis. Nobiles tam insigni iniuria affecti, & damno aucti, post querimonias, Principis sui permissu, bellum atrox intulere Gandauensibus. Qui veriti, ne Flander à Gallo subsidium flagitaret: missis in Galliam legatis, obsecrare Regem, ne contra ipsorum Rempublicam arma sumeret. decertare se, & belli incommoda sustinere, non aliqua pertinacia, sed amore vindicandæ libertatis. Gallie Rex, propter Britonem, alioqui parum propitius Flandro, facile assensit, erectis illorum animis. Quin & Clemens Pontifex, quem Flander minimè voluit agnoscere, videbatur occasione data, non prætermisurus, quin illi vicissim agrè faceret.

Britoni, suorum literis renocato, ut supra diximus, inque ditionem suam reuerso, Anglus, ex promisso, certum numerum copiarum subsidio misit. Isti verò tempestatum violentia compulsi, in Angliam redierunt. Brito interim, ignarus rerum omnium, & miratus moram causas, denuo sollicitauit opem Anglicam. Missus itaque fuit Eduardi Regis natu minimus filius, & cum eo ad sex hominum millia. Facto itinere per bonam Gallie partem, ubi propius hostem Burgundie Ducem, Regis fratrem deuentura

HISTORIAE II. LIB.

• *ſſet: optare quidem ille prælium, ſed Rex iuſtis
& grauibꝫ de cauſis vetuit, exiſtimans futu-
rum, vt ipſi inter ſe diſſiparentur. Et vt erat
magna quadam ingenij felicitate præditus, quã
potuit ſecretè cum Nanteniſibus (iis locis florẽ-
tiſſima ciuitate) per literas egit, officiꝫ illos com-
monefaciens, & rogans, vt ne hoſti, contra ſe
opem ferrent. Illi pro ſuo in Galliam amore, fi-
dem, ſtudium, & operam polliciti, animũ Regis
omni dubitatione liberarunt, & quò faciliꝫ
hoſtem repellerent, militem ad ſe mitti cupie-
bant, qui præſidio eſſet. Angli, tandem magnis
iſinerum difficultatibꝫ & moleſtiis, in Brito-
niam aduenerunt. Narrat auct̃or, Anglos
hunc obtinere morem, vt belli gerendi cauſſa
proſecturi ad exteros, Regi ſuo ſanctè promit-
tant: primũ, tacita ſe habituros, & quã ma-
ximè ſecreta, conſilia omnia, & initas belli ſu-
ſcepti rationes. Deinde, nullas ſe pacis conditio-
nes cum hoſte firmaturos, præter Regis, & pro-
cerum voluntatem.*

*Anglis per mediam, ut diximus, Galliam
petentibus Britoniam, Carolus Rex omnium
suae aetatis prudentissimus princeps, in aduersam
incidit valetudinem. Suprà commemoratum
est, à quibusdam Nauarrj familiaribus prae-
bitum illi fuisse venenum, non quidem tunc Re-
gi, sed*

gi, sed Normanniæ principatum obtinenti. Cuius quidem veneni tanta fuit vis, ut & capilli, & ungues illi exciderent: & ipse adeò factus aridus, ut vix hominem repræsentaret. Missus autem à Cæsare medicus quidam Germanus, veneni vim fregit, adeò quidem, ut & ungues & capilli, una cum valetudine paulatim rediret. Destillabat ea pestis per brachium, eruptione facta. Discedens ab eo medicus, futurum dixit, ut exarescente illa defluxione, non multò post viueret. Itaque rex, animaduersa imbecillitate sua, fratres germanos Burgundiae, & Berrie Duces, item Borbonium, accersitos ita cōpellauit (Andegauiae Ducem, quod nimium videretur cupidus & auarus, a lesse noluit.) Sentio equidem germani optatissimi, rebus humanis me non posse diu superstitem esse. Carolum igitur filium vestrae fidei committo, & simul obtestor, ut illi vestro consilio & prudentia, in rebus omnibus adesse velitis, quemadmodum patruos decet adesse & consulere nepoti, maximam quidem sustinenti functionem, sed in ea posito ætate, ut sibi prospicere ipse nō possit. A morte mea, id agite, ut statim illi consecretur regnum. In vos omnem fiduciam meam repono. Videtis adolescentem planè tenerum, itaque peropus illi fuerit bona institu-

HISTORIAE II. LIB.

tione, & sana disciplina. Curabitis aded doceri
 illum, & educari, in rebus omnibus ad Regis
 officium pertinentibus, ut vestro possitis videri
 officio functi De vxore cum tempus requireret,
 illi prouidete, potente quidem illa, & honesto
 loco nata, ut per hoc connubium bene etiam sit
 regno. Multus mihi fuit vsus cum Astronomo
 quodam, viro non imperito, qui futurum ait,
 ut iuuenilibus annis, plurimum ei molestia, &
 negotij exhibeatur: & ut variis fortunæ casi-
 bus elabatur. Equidem super eo diu, multum-
 que cogitavi mecum, vnde queant eiusmodi re-
 rum occasiones oriri. Nam habetis regnum,
 hoc tempore, beneficio dei, satis tranquillum. De
 Flandria nescio quid suspicor. Britonium Dux
 vaser est, Angli studiosus, & nobis infestus,
 quapropter opus est, ut potissimas Britoniæ ci-
 uitates in amore retineatis: hac nimirum ratio-
 ne concident illi sua consilia. Laudandos ego
 sanè Britones arbitror, & amore complecten-
 dos. Nam fidelem mihi semper operam, in tuen-
 do regno, hostéque profligando nauarrūt. Mit-
 tite in Germaniam, qui filio meo, iis locis, de
 vxore prospiciant, quò firmitus sit amicitia, &
 fœderis inter nos vinculum. Accepistis An-
 glum, hoc ipsum moliri, & vxorem illinc sibi
 petere, ut hac via, rationes suas firmiores ha-
 beat,

beat, certioréque. Regnum hoc nostrum ab illo plurimū, ut nobis constat, inquietatur, & multa sustinet incommoda. Tollite quaeso, omnem eiusmodi occasionem belligerandi. Nam etsi ego videri possim aluisse bellum, tamen odi hoc genus omne, & plurimum hoc tempore ea me cura pungit, sollicitatque. Multa deinde alia in hanc sententiam loquebatur. Et aberat quidem ut paulò antè diximus, Andegaviæ princeps, verum per internuncios haud difficulter omnia rescivit, & quosdam alios in Regis aula versantes, & quo die Rex vitam finiit, aderat Lutetia. Cùmque de morte illius accepisset, statim inuolauit in ornamenta Regis, in gemmas, & quicquid erat excellentium ibi rerum. 1380. Iam enim profectionem in Neapolim, animo conceperat, in quam multis erat opus, præsertim auctiore iam illo factò, ex donatione Clementis, ut suprà commemoratum est.

Ceterum, etsi voluntate Regis statutū fuit, penes quos administratio rerum esset futura, tamen Andegauus in eam se ingessit, forsan ob maiorem aetatem: non admodum repugnātibz fratribz. Decretum inde fuit à regni primoribus (pares vocant) ut coronatione Regis quamprimum facta, moderatio rerum esset penes patruos, donec ad vicesimum primum

1380.

annum, Rex nouus peruenisset. Ad Regis consecrationem, vocati sunt inter ceteros, Albertus Bauariae, Comes Sabaudiae, Duces Geldriae & Iuliacensis. Interfuerunt praeter alios, Venceslaus Brabantiae Dux, Lotharingus, Sabaudus, Marchiae Comes. Flander excusare sese. Natus tum erat iunior Rex annos duodecim. Fratrem germanum habuit Ludouicum, & sororem Catharinam. A coronatione, grauiter consultatum est, de rebus ad regni dignitatem & confirmationem pertinentibus. Tandem ita placuit, vt Berriae Dux omnem provinciam, quae vulgo Languedocia vocatur: vt Burgundus, Picardiam & Normanniam, administraret: vt Andegauus, Regi adiunctus, summam regni gubernationem obtineret.

Carolus Rex, ea fuit prudentia, vt togatus ipse, Parisiis, in otio & tranquillitate, consiliorum suorum exactissima ratione, plurima quae maiores ipsius, armati, & totis in hostem viribus, ipsi adeo pugnantes amiserant, recuperaret. Quin etiam Eduardum Angliae Regem postrema, quam in Britoniam instruit, navigatione, suos ab obsidione liberaturus, cum vi tempestatum impeditus, retrocederet, inter ceteras molestias hoc vnum male habuit, quod cum hoste tantum non inermi, & qui nunquam ipse

ipse prodiret, bellum gereret, adeoque dixisse illum ferunt, cum nullo unquam hoste sibi rem fuisse, qui & minus armaretur, & plus negotij faceretur. Etenim postquam in regni successionem venit, nunquam ipse arma sumpsit. Verum consiliis & ratione gubernans omnia, rerum tractationem fratribus commisit.

DE CAROLO SEXTO GALLIA- rum Rege.



Arratum est supra, Eduar-
di Regis filium natu mi-
nimum, per Gallias, in
Britoniam, cum suis co-
piis, ut Duci opem ferret,
penetrasse: qui etsi reuo-
catus erat à suis, ut antè
diximus, tamen astutia Galli id effectum erat,
ut in multis voluntatem & fidem desideraret,
praesertim in Nantensi populo, & aliis. Infor-
tunia sua commemorantem, & hostis callidi-
tatem, Angli filius confirmavit, studium &
opem pollicitus. Itaque convenit inter eos, ut
coniunctis armis oppugnarent Nantenses, &

HISTORIAE II. LIB.

ad obsidionem *Anglus* quidem, nulla interposita mora, se contulit. *Brito* interim sollicitare suorum animos, ut in hanc curam secum incuberent, suppetiâsque ferrent. Illi contra, se in *Anglorum* gratiam, agrum suum minimè depopulatu-
ros: & quandiu in *Britonia* haberent *Angli*, nunquam se arma pro eo sumpturos. Hoc aded illi impedimento fuit, quò minus pacto & conventioni staret, *Anglo* interim, quid rei esset, admirante secum, & subirato, maximè verò, cum à *Britone* nullus adferretur nuncius, interceptis, qui inter utrumque commeabant, tabellariis. A multa & diuturna deinde expectatione, puta, cum obsidionem in bimestre protulisset, ratus, frustra consumi à se omnia, nè subsidia mitterentur à confœderato, re imperfecta, ad *Britonem*, cuius omninò voluit sententiam cognoscere, profectionem instituit. Ille se diligenter purgare, culpam in suos transferens, quorum perfidia circumuentus, fidem ipse liberare nequisset. Ceterum, ut amicum placaret, permisit illi cum suis copiis, apud *Venetos* hybernare.

Dum *Nantes* obsidione cingerentur, *Brito*nes aliquot nobiles, quorum, præ cæteris auctoritas eminebat, cum principe suo collocuti sunt in hanc fermè sententiam: Satis præ te fers, &
haud

haud obscure demonstras, Anglica nationi te prorsus addictum. Sed quid tandem fructus aut dignitatis ex hac amicitia consequeris? quid est, cur illos tantopere obserues? Adducti per te in Britoniam, paternis te bonis & hæreditariis exuent, siquidem in Gallum victores euadant. Exemplū te moueat Regis Nauarra, qui summa de illorum fide concepta opinione, detulit arcem & oppidum Chirburgum: in quam semel admissi, nunquam discedent, ac veluti iure sibi debitam perpetuū retinebunt. Non dissimili ratione, si tuo permissu & beneficio semel in vrbes hic recipiantur, non est, quod existimes aliquando migraturos: facile à suis habituri sunt semper præsidia, quibus veluti recreentur. Non est quod longè petamus exempla. vidēsne quemadmodum teneant Brestam oppidum, tuæ prorsus ditionis & iuris? sed quando futurum est, vt restituant? Certò scias, nihil minus cogitare illos. Satis igitur hoc tibi sit, & bene tecū agi putes, amari te à populo, cuius profectò ea est mens, atque sententia, vt ad gratificandum istis, nunquam sint à Gallo defecturi. Quid, an verò quia vxorem habes Anglicam, idcirco te tuāque perditum ibis? An hæreditatis adeò luculentæ & amplæ, pro qua retinenda, tot labores, & tanta sumpsisisti pericula, iacturam fa-

cies? An perpetuum ales militem? Solus quid efficias, deferentibus te tuis, & arma etiam cōtra te capientibus? Omitte rationes istas omnes atque consilia. Deceßit Galliarum Rex aliquantò grauius in te concitatus. huic successit filius multam adolefcens, ingenio non malo. Dabimus operam, vt tibi reconcilietur, vt amicitia inter vos coeat. Ita fiet, vt & tu citra molestiã & inquietationem omnem tua possideas, & isti vbi consiliis exciderint, & expectatione proposita, domum repetant. Hoc genus oratione commotus ille quidem, metu tamen ne Anglos offenderet, dissimulare omnia. Consily auctores, minimè differendum arbitrati, ad Gallum tacitè arrepto itinere, tunc Lutetiã commorantem, & ibi re omni exposita, de pace agebant. Anglus rerum ignarus, in proximum ver, statutum habuit acceptis ab Anglia suppetiis, bellum in Gallia facere multò acrius, quã antè. metuebant hoc ipsum Galli, & futurum videbant, vt magnum aliquando malum ab Anglis ad se redundaret. Britones de pace cum Rege locuti, quòd animaduenterent illud in Gallia metui (solent enim prudentes legati in eiusmodi difficultatibus, omnia diligenter obseruare, transferētes hoc ipsum in suum vsum) in tractatione firmandæ pacis mirè id exaggerarunt,

rarunt, & dissimulanter quidem, adeò, ut istarum rerum iniecta mentione, faciliorem ad omnia Gallum haberent. Præerat autem Dux Audegavus, ut supra diximus. Hic, quod in animo haberet, brevi post tempore, in Calabriam & loca vicina, donatione acquisita, proficisci, nihil minus voluit, quam novo bello turbari Galliam, eaque ratione sibi opportunitatem adimi, illius, quod pridem statuerat, perficiendi. Accepta igitur legatorum sententia, futurique belli suspitione sibi iniecta, multum expetere concordiam, & pacem. Ea fuit eiusmodi, ut Britoniæ princeps, Gallo reconciliatus, fidem illi pro inauguratione præstaret, & ea omnia faceret, quæ solent ex more, in talibus rebus fieri. Porro, ut Anglus, per immensas ambages evocatus à Britone, aliquo modo placari posset, voluntate Regis permissum est Britoni, ut illum ad suos rediturum, navibus, & reliquis necessariis iuaret. Anglus ad hunc modum delusus, & opinione falsus, non admissus excusationibus, indignationis plenus, vela ventis commisit.

Sub hoc tempus, Flander in Gandavos mire fuit concitatus ob non ferendam illorum superbiam. Caterum, cuenit bona quadam illius fortuna, seditionem apud Brugenses oriri, inter optimates & plebem. vocatus enim literis

HISTORIAE II. LIB.

à magistratu, obsecrante, ut in urbem accederet: ubi venit, capitis pœnæ subiecit plus minus quingentos, urbem in suam fidem recepit, & alia quædam viciniora loca: quorum accessione factus animosior, statuit Iprensens, qui nobilioribus aliquot è familia sua oppressis, Gandauos in urbem receperant, plectere. Illis opem flagitantibus, Gandavi confœderati in subsidium misere ad tria millia. Flandri copiae surgebant ad viginti penè millia, ferentibus opem Brugensibus. Auxerunt igitur & suum exercitum Gandavi, conscriptis præterea nouem millibus: & progressi ad aliquot passuum millia, sociis denunciarunt, ut suos & ipsi producerent in aciem, quò iunctis viribus hostem adorirentur. Educta sunt circiter octo millia. In procinctu, spatium aliquod itineris emensi, cum ad biuium esset deuentum: à deliberatione, ingressi tandem sunt viam, quæ à Flandrico milite ad insidias ibi posito obseruabatur. In quæ ut insiderunt, priusquam ad sociorum copias peruenissent: cæsis ad tria millia, reliqui fuga dilapsi fuerunt. Is verò, qui ingrediendi hoc iter consilium dedit, proditoris insimulatus, tumultu ante populo, nec ullam excusationem admittente, miserabiliter necatus est, membratimque discissus, particulam aliquam singulis

lis auferentibus, ut animum ita suum exple-
rent. Miser iniquum retulit pro æquo. Nam si
tale scelus perpetrasset, facta cæde, non erat in
illorum turbam se daturus.

Re bene gesta, Flander in hoc omnium ter-
rore, parabat acerrimam oppugnationem in Iprenses.
Hi vero commoti exemplo recenti, in illius fi-
dem se dederunt. Admissus in oppidum, è vul-
go circiter septingentis capite punitis, trecentos
plus minus è ditioribus, Brugas misit captiuos.
Iprenses imitati multi alij, deditionem fecerunt.
Gandauos igitur, qui penè soli restabant, obse-
dit, verum id tam arctè fieri non potuit, quin
portis aliquot liberè deferretur ad eos com-
meatus. Est enim locus, natura, & duobus ma-
gnis fluuiis (Scaldam vocant & Lysam) muni-
tissimus. ingentem igitur habeat exercitum opus
est, qui totam obsidere velit. Censa tunc fuerunt
capita eorum, qui per ætatem arma ferre po-
terant, ad octoginta millia. Et adeo non mora-
bantur obsidionem illam, ut etiam tunc urbem
egressi, quædam Flandrica oppida diriperent.
Favebant illis impensè, inter ceteros, Bruxel-
lenses. Auxilium quoque certum attulissent
Leodini, sed loci intervallum obstabat. Cum
tempus tereret obsidendis illis, impendente etiã
hyeme, Flander exercitum dimisit. Ut ver no-

nue pugnando, confossus est: alter è turri, quò confugerat, ignis iam omnia circum occupantis, violentia coactus, in medium se hostem præcipitans, exceptisque gladius & hastis, in ignem rursus abiectus est. Reliqua turba omnis miserè conflagrauit, trecentis, qui rectà in patriam fugerant, elapsis. Hic quem diximus, Petrus Sylvanus, cum non longè abesset, videbat quidem suos laborare, & rem infelicitè agi, sed propter interiectum flumen, & paludes, tempore illis subuenire non potuit. Quo nomine, simulatque militem reduxit Gandauum, penè fuit oppressus à vulgo. Sed excusatione probabili pacatos, inhortari, ut quandoquidem duos in eo prælio viros planè militares amisissent: crearent alium, cuius industria putarent Rempublicam melius habituram. id esse peropus aduersus ferocientem hostem.

Flander, bona exercitus parte dimissa, reliquos in præsidia, præcipuè verò, ad Audenardæ defensionem, misit. Interim ex pileatorum factione circiter mille ducenti, certiores redditi, quo tempore nobiles quidam, ex Audenarda prouolarent ad rapinas, redeuntes illos à præda, ex insidiis adorti, magna ex parte interemerunt. Sed non fuit illis hoc impunè. Simili enim astu circumnuenti ab occisorum sociis,

HISTORIAE II. LIB.

vix pauci euaserunt.

Opulentiores honestioresque Gandavi ciues, Reipublicæ statum prorsus labefactari & conuelli, cædi subinde duces atque militem, & se paulatim veluti consumi à Flandro, plurimū dolebant, sed tacitè. Superabat enim, & potentior erat improborum turba, quorum in pace, nō solum nulla fuit dignitas, verum extrema etiā egestas. & quoniam in his rationibus tam turbulentis, & re & auctoritate valebant placere eis spectaculum hoc cruentum, seditiosum, & quotidianum. Quin & Syluanus, scelerum perpetuus fomes, reputans, vitæ periculum difficulter euasurum se, quocunque tandē modò res caderet, etiamsi Gandavis Flander reconciliaretur, circumspexit, quē obtruderet populo gratum & idoneum, turbis pertinaciter mouendis & excitandis bellus, auctorem. Venit illi in mentem Philippus Arteuillanus, Iacobi, de quo sæpe facta mentio, filius. Qui etsi ingenio valebat: tamen ob neccatum à Gandauensi populo parētē, priuatus viuere. Passim erat audire voces optantium vel Iacobum à se prius oppressum, vel quem alium illius similem, cuius auspicio & ductu niterentur. Hoc in suum vsum applicans Syluanus, retulit ad sui ordinis homines, sed non prius, quàm Philippum interpellasset, quem,

quem, re omni declarata, propositisque maximis præmiis, & dignitate summa in tali ciuitate, ob oculos collocata, in sententiam suam haud difficulter induxit. Postridie, ad populum cœpit commendare Philippum, laudandi occasione ab illius patre Iacobo sumpta, neminem illo fidelius administrasse Flandriam. hoc testari seniores & affirmare, quibus cognitum sit. Magno semper illum studio defendisse regionis dignitatem atque commoda: iamolim extremam calamitatem, illam effugere non potuisse, nisi vnus viri prudentia fuisset conseruata. facturos igitur ciues non inconsulte, si quidem ex illa arbore tam non mala productū surculum ad Reipublicæ propagationem asciscant. Ad hunc modum inducti, Philippum sibi ducem sumpserunt.

Suprà commemoratum est, Ioannem Henrici Castiliæ Regis filium, ex communi prouinciarum & ordinum voluntate, in regni successionem admissum. Ea res Ferdinandum Lusitanæ dominum grauiter offendit, puta, eum, qui sit è spurio natus, in amplissimæ ditionis administrationem erectum, ex hæredatis Regiis filiabus, quarum vnā Lenclastre, alteram illius frater, vt diximus, matrimonio sibi iunxerant. Commotus igitur & rei indignitate, & quòd

HISTORIAE II. LIB.

nuptis puellis esset consanguinitatis vinculo cō-
iunctus, bellum denunciauit Hispano, petitis ab
Anglo suppetiis, qui patrum suum, Cantabri-
gie dominum, & cum eo copias, item uxorem
Isabelam, & Ioannem filium misit. Dux à Len-
clastre in Scotiam missus est, vt de renouanda
pace, aut saltem de induciis cum Scoto trāsige-
ret. Absente illo, per Angliam orta fuit longē
periculosissima seditio, cuius hæc ferè caussa
fuit: Rustici illis locis, vt in plerisque aliis, ita
sunt astricti nobilioribus, vt necesse habeant il-
lorum agros colere, fruges metere, colligere, re-
ponere, triturare, & quid non? Item cedere li-
gna, & in nobilium ædes conuehere. Porro, sa-
crificus quidam id temporis (Ioannem Vallam
appellabant) concionibus populum in hoc in-
duxerat, vt existimarent, per omnia seruandam
æqualitatem, hominem homini non præstare,
non nobilem ignobili, non opulentum paupe-
ri, non doctum ignaro Communes omniū mor-
taliū parentes, & primos quidem illos, ad eū
vixisse modum, nullo prorsus obseruato disci-
mine. Itaque auctor illis fuit, vt ad magnū nu-
merum collecti, Regem interpellarent, futurum
vt illi, multum adolescenti, persuadeatur: quod
si non fiat, ferro se in libertatem vindicarent.
Hunc, præsul Cantuarensis, aliquādo in carce-
rem

rem coniectum, qua nescio tandem religione motus, expedituit, magno certè & exitiali suo malo. Dimissus enim, aliquantò etiam pertinacius vrgerè institutum suum. Qui Londini tum erant tenuiores, odio locupletiorum, vt fieri solet, laudare factum, per literas etiam inuitatis illis, Londinum venirent, patefacturos se urbem. Collecti aded ex omni vicino agro & longinquo, ad sexaginta penè millia, Cantorbium vbi venissent, eiusdem factionis oppidum, diripuerunt diui Thomæ fanum. Postridie, iter ingressi, quicquid erat in itinere prædiorum, quæ quidem ad socios non pertinerent, demoliri prorsus, & quacunque vaderent, in suum ordinem cogere cæteros agricolas. Deprehensum quoque nobilem, vt Imperatorem turbæ se præberet, adegerunt, acceptis tanquam paternæ fidei obsidibus, ipsius liberis. A Londino, cum non procul abessent: duci suo ad Regem misso præceperunt, diceret, velle se grauius de rebus cum eo verba facere, descenderet igitur ad colloquium. A consultatione, Rex facturum se, quod peterent, respondit, & comitatus aliquot proceribus, nauicula conscensa, cum ad locum venisset, ex legatis percontari, quid vellent. Illi postulare, vt nauim egressus, colloctioni se daret, explicaturos se populi manda-

HISTORIAE II. LIB.

ta. Rex multitudini diffidens, nulla habita longiori oratione, reuertit. Tum vehementius concitati, Londinum properant, direptis potentium fortunis in via. Cum non intromitterentur, dira & crudelia minari, exusturos se suburbia: & si ferro sibi iter patefacerent, futurum id extremo omnium malo. Territi oppidani, praesertim, cum magna pars ad seditionem, & turbam inclinarent, admiserunt illos. Ingressi, per omnia compita, statim ad epulas, & copotationes ruere, nemine quicquam illis denegante. Caterum duces, & cum his circiter viginti millia, per mediam urbem grassantes, curiam Regis exurere, necatis, qui in vinculis ibi continebantur, omnibus. Exteros omnes mulctare ad mortem, & foeneratorum aedes diripere. Sub noctem, vno agmine collecti ad arcem, in qua tum Rex erat, & cum eo ingens potentiorum ciuium turba, spargebant voces minimè obscuras, nunquam se moturos inde, nisi prius, à Rege, quod vellent, impetrassent. Rex, & plerique alij putabant eos noctu, vino, somnoque sepultos, inermes, discinctos atque dissipatos, esse opprimendos. Alij, quibus hoc videbatur incerti & periculosi euentus, iudicabant prestare, si quidem oratione blanda & comi possent mitigari. Quæ quidem sen-

tentia

rentia obtinuit. Postridie Rex denunciauit, vt, qui secum essent verba facturi, certo loco adessent, semota interim reliqua turba. Ad colloquium discedente Rege, seditiosi aliquot circiter quadringenti, irruptione in arcem facta, deprehensum ibi Cantuariensem praesulem, regni, quem vocant, Cancellarium, capite truncarunt, & multos praeterea magni nominis viros, quorum capita hastis praeligata, frequentioribus locis, & ponti superimposuerunt. In concionem ubi descendisset Rex, placidè rogauit, quid postularent. Illi, vt nos, aiebant, & liberos nostros, & posteritatem, libertati perpetuae vindictos, & restitutos, à nomine & onere ipso seruitutis eximas. Rege, quod peterent, facturum se promittente, quinetiam notatis & acceptis in eam rem literis, bona pars erant moderatiores. verum seditionis capita, prauissimis ingeniis nebulones, quibus id studio erat, vt in diuitum fortunas inuolarent, collectis & pertractis ad se circiter viginti millibus, & vulgi parte, iam iam erant direpturi, quicquid erat opum. Sed opportunè à concione, quae extra urbem fuit, interueniens Rex, multitudine conspecta, vt, quid rei esset, cognosceret, substitit. Ibi verò morantem illum, è facinorosis quidam, proteruis & contumeliosis verbis adortus, ha-

HISTORIAE II. LIB.

bita deinde cum suis colloctione , præcepit , vt signo dato, Regios omnes opprimerent, ipsique Regi, propter ætatem, parceret. Dum ad regem petulantiùs loqueretur , præfectus vrbis , indignitate motus, illum confodit . Tunc autem vidisses reliquam turbam, in omnes , cæco quodã furore iamiam irruituram , sed compescuit eos Rex, vnum se in illos inferens, quòd minus prudenter ab eo factum alioqui videri possit , verũ feliciter successit. Plurimorum hæc erat sententia, discedentes atque dissipatos huc illuc, persequendos. Rex contrà vetuit, ne quid in illos admitteretur, existimãs facile sibi fore, per otium, de illis pœnas sumere : neque fontes erant omnes . nam , vt in eiusmodi tumultibus fieri solet, bona pars, vt numerum augerent , in itinere, à reliquis adaecti fuere: & hæc quidem moderationem ita Rex adhibuit , vt scelerum auctores duntaxat , vulgo , ex necessitate proditos, ad supplicium raperet , cæteris errore condonato.

Flander, obsidione denuò cinxit Gandauũ, ex Hannonia, & Artesia, cuius non ita pridẽ, à morte suæ matris, factus erat dominus, milite collecto. Interea quidam è suis , occupato ditioris Gandauicæ oppidiculo quodam (vocant Grantmont) ad vnum omnes interemit , tam
infantes,

infantes, quàm mulieres atque senes. Imò ne grauidis quidem parcitum, & lecto decumbentibus. Exusta diuorum fana, solo æquatum oppidum. Huius tam immitis & miserandi spectaculi auctor, in quodã deinde consiliu (quales erant plurimi) cum in Gandauorum incidisset insidias, occubuit. Flander immoderatissimè ferens illius mortem, quo vix vllum habuit cariorem, obsidionem soluit, vehementiori etiã ira in illos concepta. Intercessione procerum Hannonia Brabantiaque, pax denuo coit, populo id maximè expetente. Caterũ, Syluanus, & is, quem nuper crearãt, Philippus, quòd viderent præsentem tranquillitatem sibi fore perniciosam (senatus enim auctoritate fuit actum de pace) subornatis sui ordinis facinorosis quibusdam, qui tumultuarentur, postulante in concione, cum palàm recitarentur firmata pacis conditiones, impetu repente factò, duos magni nominis senatores oppresserunt, velut de Repub. pessimè omnium meritos. Eo factò, Princeps adeò fuit exasperatus, vt nullam deinceps pacem cum suis videretur suscepturus, nisi omni sceleratorum turba prorsus extincta.

Lutetia, sub hoc tempus, orta seditione, ciues nuper imperatam pecuniam, & nouas exactiones, omnino tolli volebant, quòd immuni-

tatem hanc à Carolo quinto obtinuissent, & quòd patris deinde voluntatem, Rex nouus, dum regno consecraretur, confirmasset. Rex cui iam ingratum erat, & insuaue, inter simultates viuere, Meldam abiit. populus interim tumultuari, perfringere carceres, eripere captiuos, & Regis officarios aliquot opprimere. Ad placandum tumultum, à Rege missus è familia, nobilis quidam, valde popularis, ita cum eis transegit, vt in singulas hebdomadas, ad militè alendum, urgente necessitate, dependerent decem francorum millia. Quin & Rotomagi nata seditio, Parisianæ haud dissimilis, à Rege ipso compressa fuit. Pleraque ciuitates & Respublicæ Gandauorum imitatæ vestigia (quos egregiis laudibus efferre, quòd libertatis suæ accerrimi essent propugnatores) rebellare magistratui. vide, quorsum recidere omnia potuissent, ni principum virtus interuenisset.

Cantabrigia Comes, de quo supra, propter ventorum flatus minimè secundos, in itinere cum hæssset aliquandiu, fluctibus aduersis multum iactatus, Lisbonam, Lusitaniæ urbem tandem appulit, vnà cum milite. Commoratos ibi per menses aliquot, Lusitanus in præsidia collocauit, addito mandato, ne quid in hostem, inscio se, factitarent. Angli, cumque his Vasco-

nes, otio inassueti, quin exercendæ militiæ cupidus magis, certo tempore, cum à Lusitano, ut in hostem prouolarent, non impetrassent: ipsi adeo sua sponte progressi, oppida quædam Hispaniæ expugnarunt, præsidii ibi relictis. Nihil actum præterea plurimis mensibus, quod sit memorabile, quæ res otium & tempus abundè suppeditavit Hispano comparandi se, & munienti. E Gallia missæ quoque sunt Hispano auxiliares copię, quibus per Arragoniam facilis erat via, propter fœdus, ratione connubij, ut supra diximus, inter ipsos Reges firmatum.

Anglus, in Germaniam missis ad Carolum Bohemiæ Regem, legatis, uxorem sibi dari cupiebat illius sororem. per anni spatium & eò amplius res agitata, confecta est tandem. Gallię Rex, ut coniugium impediret, Normannis negotium dedit, ut magna classe occupato mari, traiciientem nouam nuptam, & omnem comitatum illius interciperent. Sed Brabantię Dux, facta commemoratione, quàm non esset decorum, aduersus imbellem fœminarum turbam eiusmodi aliquid moliri: partim æquitate rei, partim precibus, ab incepto Regem dimouit.

Inter Gallię Regem & populum Parisien-

HISTORIAE II. LIB.

sem ita conuenerat, vt pecunia, quam in singulos octo dies erant numeraturi, seruaretur à ciuitatis quæstore, & nisi in necessitate, ad alendum exercitum, non expenderetur quicquam illius. Porro, Gallus in Hispanias militem missurus, denūciare quæstori, vt in eum vsum mitteret centena millia. Ille tergiuersari, & excusare nescio quæ. Dux Andegavorum, gratia multum valens apud populum, quò commodiùs institutam in Neapolim processionē perficeret, tacitè id egit, vt ne quicquam mitteretur ad Regem: & quoniam penes ipsum erat rerum summa, inuenit rationes, quibus id effecit, vt ea, quam Rex petiit, auri vis, citra difficultatē aliquam, sibi dependeretur. Instructus igitur abunde rebus necessariis, & contractis circiter triginta hominum millibus, vt Auenionem appulit, vbi tum Clemens erat, nobiliū ibi animos in se mirè propensos comperit. Relicta deinde prouincia, per Italiam accessit in Apuliam & Calabriam, quarum accepta possessione, idque maxima populi voluntate & studio, Neapolim contendit. Et hi quidem Caroli illius, de quo suprà mentio, mirè erant studiosi. Carolus hic à morte Neapolitanæ principis, quæ nullum reliquit à se procreatum hæredem, vsurpabat sibi ius & dominium in has ditiones

tiones omnes, contendens, factam à Pontifice donationem, duabus potissimum de causis inuvalidam esse, & inutilem. primum, in manu defunctæ reginæ non fuisse, quæ sua non essent, alienare. Quam illius opinionem Neapolitani & Siculi strenuè tuebantur. Deinde, ut maxime integrum illi fuisset & licitum donare omnia, tamen, quòd iis locis, Urbanum, non Clementem, à quo facta deinde fuit donatio, Pontificem agnoscerent, hoc ipso irritam esse. Carolus multò antè, rebus necessariis muniuerat arcem alioqui inuictam, (Leufam dicunt) arte nò humana firmatam, & cinctam vndique mari, & nisi arte simili, non expugnabilem, ut fertur. In istam ad annos aliquot instructam, se recepit ille cum sociis, cætera securus, quòd sciret Neapolitanos à se nunquam defecturos. Calabriam aut deuictam, aut in deditionem acceptam, post vnum annum aut alterum, facile se recuperaturum. Hostem, metu rebellionis, cogi magnum semper alere exercitum. Id minime diuturnum illi fore, laboraturum & annonæ caritate, & auri penuria. Sic exhaustos, magno suo compendio profligari posse. Cæterum, impostor quispiam, Andegauorum principi pollicitus, obtenebraturum se oculos eorum, qui essent in arce, sic ut crederent, illam ponte con-

HISTORIAE II. LIB.

iungi, & hac ratione, metu facturos deditiōē: instigante Sabaudia Comite, qui tum erat in expeditione, propter maleficiū olim designatum capitis pœnæ subiectus est.

Angli, & cum his Vascones ad nouem ferè menses in Lusitania, nulla re insigni perfecta, commorati: statuerunt, vt qui otium illud perpetuum odissent, denūo in Hispanos prouolare. Dissuadente hoc ipsorum Duce, Angli filio, ad quem retulerant, illi nihilominus rem aggressi, nec infeliciter quidem, oppida quædam subegerunt. Redeuntes deinde, conqueri de non persolutis stipendiis. Lusitanus, quod præter voluntatem & mandata sua militassent, subiratus, videbatur minimè satisfacturus. Ibi cū plerique censerent deprædandum agrum Lusitanum, qui inter ipsos erant saniori iudicio, dissuadentibus, tandem per legatos, quod alioqui fuissent vi direpturi, impetrarunt. Lusitanus inde cogere militem ad 15 millia, præter Anglos. Hispanus exercitum habens 30 millium, hosti bellum denunciare. productæ acies. Ad complures dies, erat inter eos videre leuiores conflictus. Portugallius autem, quod numero superaretur, collatis signis, & iusta acie nunquam voluit pugnare. Dux à Lenclastre, fratri suo in Lusitaniam nauiganti pollicitus erat

erat(imprimis enim ipsius agebatur negotium, ut qui natus grandiore haberet filiam Tyranni)se, rebus in Scotia perfectis, alias præterea copias illuc adducturum. huius aduentum Lusitanus expectare. Sed propter vulgi seditionem turbatis adhuc aliquantulum rebus: placuit Anglo, militem è regno dimittendum non esse. Quamobrem ille cum Hispano, de pace egit, quantumvis inuitis, & immoderate ferentibus Anglis, quorum dux non leuiter offensus, abducto secum filio, cui desponderat Beatricem Lusitani filiam, decem natam annos, in Angliam reuertit. Insequenti post anno, vxore Hispani, Arragoniæ Regis filia, vita defuncta, Hispanus Beatricem ab Anglo penè repudiatam, vxorem duxit, Pontifice connubium hoc approbante. Obiit deinde Ferdinandus Lusitaniæ Rex, cui successit, non Hispanus, nuper vxore ducta filia, sed Regis defuncti frater illegitimus, populi & procerum ecclesiæ voluntate. Turbas ea res, & maxima postea bella suscitauit.

Ad Gandauos cum nullus perferretur è vicinis locis commeatus (id enim Flander egit) illi, plus minus duodecim millia numero, itinere per Brabantiam facto, cum ad Leodienses peruenissent, annona aduti sunt. In reditu, Bra-

HISTORIAE II. LIB.

bantia Dominam (princeps enim ipse tum erat Lutzemburgi) impensè rogabāt, eò saltem permoueret. Flandrum, vt pateretur certo die agitari causam inter vtriusque partis viros bonos. Non abnuuit Flander, Tornaci conuentum est. Vicinorum aliquot populorum legati aderant, dirempturi litem, si quā fieri posset. Pro Gandauis eò venit Philippus Arteuillanus. Flander autem multū expectatus, cū nec venturus ipse, nec missurus aliquem videretur: literis eorum, qui conuenerant, diligenter admonitus, rogatūque, ne agendi occasionem negligeret, mitigatis adeò & flexis aduersariorum animis: respondit, sibi quidem non vacare, coram illic adesse, verū, ad gratificandum eò missis legatis, ab vno & item altero die, per alios patetfacturum se, quid sentiat. Id autem eiusmodi fuit (referentibus iis, quos miserat.) Cum populo Gandauo non aliter transacturum se, nisi vt pariter omnes, tam fœminæ, quàm viri (modò nec quindecim annis inferiores, nec maiores etiam essent sexaginta) vrbe relieta, inermes, in aperta planicie, nudi caput & pedes, exuti vestimentis, & laqueum collo quisque suo gestantes, primum à se veniam implorarent admissorum facinorum, ac vt deinde sibi quiduis in ipsorum capita statuendi, faciendique potestas permit-

permitteretur. Aliud ab eo responsum (tametsi vehementer deprecantibus amicis) obtineri non potuit, itaque discessum est. Philippus Gandavum reuersus, postridie ad populum retulit omnia. Vidisses miserandam tunc ciuitatis faciē, in extremam desperationem adductis omnibus. In hoc publico luctu & mœrore omnium, Philippus in deliberationem tria attulit, vt aut templis inclusi, delictorūque veniam à Deo precati, vitæ ibi exitum manerent: aut vt conditionem ab hoste propositam acceptarent: aut vt ad quinque circiter millia prodeuntes, in illū pugnarent. Obtinuit postremum hoc, facta de liberatione. Nam aut illico decertandum erat armis, aut inedia miserè pereundum. Militem suum Flander iam habebat Brugis collectum ad quadraginta millia. Nam quòd sciret hostē in magnis positum angustiis, volebat omnino bellum istud honorificè & vtiliter finire: & de aduentantibus Gandauis, vt intellexit, copias instruxit. Cæterum illi, tametsi perpauci, & concionibus incitati: deinde, quòd inopem, exhaustam, afflictam, & miserrimam à tergo ciuitatem relinquerent, in qua coniuges & liberi, & quicquid omnino carum esse poterat, quorum omnium vel salus vel interitus in eius fortuna diei, tum erat: magnos ad prælium ani-

1382. mos adferebant. Brugeses, qui miro prius ardore pugnam optarant, adeò quidem, ut Flander improbis ipsorum instigationibus velut adactus, eo die, quòd minimè statutum habuit, praelium fecerit, postquam collata signa, quo nescio subito metu perculsi (& habebant solem aduersum) in fugam precipites abierunt. Et cum nulla ratione possent retineri : coactus est etiam Princeps fugere, & cum eo copiae equestres. Voluit quidè Flander, qui fugientes equo praeuerterat, ne hostis irrueret, occlusisse Brugarum portas, verùm id frustra fuit. fugientem enim acriter insecuti, urbem occuparunt sub noctem. Et ne tunc quidem omnino desperans Flander, collectis ciuibus, conari hostem repellere. Sed eò loci redactus est, ut sub noctem intempestam, discurrentibus per omnem urbem Gandauis, ille, à suis planè destitutus, nunc in hoc, nunc in illud angiportum sese furtim subducens, & tandem in pauperculæ cuiusdam fœminæ casulam ingressus, cui vix erat domi, quo miserum tegeret, magna difficultate vitare seruauit. Hic mihi vide rerum humanarum & miseriam & vicissitudinem admirabilem.

A victoria, indignis modis ab hoste tractati Brugeses, & inter cætera, quæ collibuissent, victori, Gandauum abducti sunt ex illis capti-

ni circiter quingenti locupletiores. Flander, vi-
tæ dubius, cum aliquādiu latuisset, Insulas pro-
fugit, interim pedes, interim equa vectus, abs-
que sella, molestissima & via & celo. Gan-
dauorum ista fortuna plurimum recreauit Pa-
risienses, Rotomagos, Leodinos, Brabantos, &
quicquid est vicinarum ciuitatum, idque &
propter exemplum, & quod malè cuperent
Flandro, quem fastus insimulabant. Philippo
plurimus vbique honos deferri: & is quidem
in rebus omnibus eum adhibere luxum, qui vel
in principe nimius videri posset. In victoris po-
puli potestatem abierunt penè omnes. Aude-
nardæ ciues, vt deditionem facerent, admoniti,
postquam fortiter & contemptim recusassent,
obsidione à Philippo cincti sunt, ex omni Flan-
dria contractis copiis. Interim subinde à Gan-
dauis factæ excursiones, direptæ, dirutæque no-
bilibus aedes. Quin & fons sacer, in quo Flan-
der baptizatus, & cunæ illius & nescio quæ
alia in arce quadam inuenta, libidinem & a-
nimum ferocientis militis explerunt. Flander
ad extrema redactus infortunia, rebus perditis,
unicum vi lebat esse remedium, vt Gallum ad
sui commiserationem permoueret. Huc igitur
generum suum, illiusque fratrem, à quo salutē
expetendam ducebat, adhibuit. Ab eo non dif-

HISTORIAE II. LIB.

ficulter inflammatus Rex adolescens , magna alacritate bellum hoc suscepit . Philippus , ubi rescivit , Flandri causam , intercessionem Burgundionum Ducis , commendatam in Galliis , populi nomine missis ad Regem literis , obsecrare , ut Flandriam suo principi reconciliaret . Hæc autem non tam ex animo scripsit , quàm ut hominum de se opinionem in Galliis , cognosceret . Verùm , ut consilio suo hic cecidit , (Gallus enim contemnere scriptum) itum est ad Anglum , à quo non modò subsidium pro Gandavis orare , verumetiam ducenta aureorum millia , quæ Iacobus Tornacum oppugnanti Eduardo mutuatus fuerat , tempore minimè omnium opportuno , repetere . Sic adeò factum , ut nihil obtineret . Si mutuo datæ pecuniæ nulla facta mentione , solùm de fœdere egisset , credibile est illum exorare potuisse .

Flander , strata sibi iam via , & propenso in bellum hoc Regis animo , in Gallias profectus , post acceptam à Rege inaugurationem Artesiæ , rebus iam suis melius sperare cœpit , præsertim , cùm potentissimum monarcham videret , sui causæ , festinatione magna , ingentem exercitum , puta , ad sexaginta millia , in hostem educere . Quod simulatque Philippus rescivit , quæ sui erant muneris , non obscuranter obiens , illico
instit

inſit pontes omnes vicinioreſ, Lyſæ fluminis, deiici. Porro, duobus quibuſdam locis erant ab eo diſpoſita firmiſſima præſidia, quæ traiicientem arcerent. Ad oppidum Cominum, Petrus Syluanus retinebat in hunc uſum circiter nouē milia. Id cū ignotum Gallis non eſſet, variabant inter eoſ, dum de rebus gerendis conſultaretur, ſententiæ, exiſtimantibus aliis, apud ſanctum Odomarum, ubi minor eſt fluuius, tranſmittendum: aliis verò, prope Tornacum, ponte iungendum Scaldam, ut illinc Audenardam facile traducerentur copię. Placuit tandem, ut hoſtis prope Cominum, ut diximus, conſiſtens, peteretur. Ut eò deuentum, cernebant deiectos pontes, & deſtructa omnia. ruruſus deliberatum eſt. Ibi tū animoſiores aliquot iuuenes, pugnae, & laceſſendi hoſtis cupidi (inter quoſ paulò antè conuenerat, ſi traiectus non pateret uſquā, id ſe daturuſ operam, ut tacitè, non conſciis ducibus, rationem tamen inuenirent) lintribus adiuti, & religatis ad utranque ripam funibus, paulatim in ulterioſiorem fluuium omnes perueniunt incolumes, & adeò citra magnam moleſtiam aut diſcrimen, ut hoſtis non procul inde caſtra ſua metatuſ, nihil unquam reſciſceret, niſi cum elatiſ ſignis progreſſoſ, coram videret. Syluanuſ tunc propter impendentem noctem,

minimè ratus tam exiguam turbam ad se venisse, dimicare noluit, somno & labore defatigatos, noctu potius adoriturus. Sed illi in hac solitudine positi, minimèque ignari, quàm audax facinus, quàmque magnū, præter ducū & Regis voluntatē inceptassent, rerum suarū mirè satagebant. Sub lucem collatis signis, Galli tametsi paucissimi, rem adeò viriliter egerunt, adeoque strenuè, ut cæsis penè sex millibus, fuga dilabentem reliquam turbam in oppidum vicinum persequerentur. Apugna, prope Cominum illico structo ponte, Gallus reliquum exercitum adducens, Ipram rectà contendit. Oppidani, victoris haud dubiè exercitus fortunam secuti, præfecto urbis, quòd deditionem non admitteret, interempto, in Galli potestate venerunt. Id imitati viciniore omnes, & pecunie vim magnam Regi dependebant, & simul duces rebellionem suadentes, ad illum captivos adducere. Cæterum his rebus omnibus Flander non interfuit. Brugenses aliorum exemplis moti, spectabant & ipsi ad deditionem, sed à ducibus confirmati, præsertim, quòd ab Anglis opem sperarent, perdurabant.

Philippus, ut accepit maximi Regis copias non procul considere, productis in aciem suis ad quinquaginta millia, hortari illos oratione gra-

ui, vt pugnaturi proponerent sibi insignem illā
victoriam aduersus Flandrum, quem parua nu-
per manu fudissent: cogitarent, se post hoc præ-
lium, si feliciter caderet, futuros rerū dominos.
Optare id omnes bene institutas & egregias
ciuitates, quibus ex animo nihil magis euenire
possit, quā si Gandauos pro libertate tuenda
fortiter & indefessè pugnantes, virtutis suæ
fructum retulisse cognoscant, extinctis illis, quo-
rum inexplēbilis cupiditas ambitio non patia-
tur vlliū Reipublicæ statum esse in tranquillo.
In hanc sententiam alia multa locutus, manda-
uit, vt in conflictu, præterquam vni Regi, ne-
mini parceretur, interemptis ad vnum omnibus.
Flandri vehementer quidem dimicare, non im-
memores eorum, quæ narrasset Philippus. Inci-
tabat & illud non minimum, quod tantum in
se hostem concitassent, quem si deuinci contin-
geret, futurum id sibi immortalī gloriæ, ad om-
nem posteritatem. Sed circumsepti tandem dua-
bus hostium alis, & in angustias redacti, suc-
cubuerunt. Ad horam circiter vnā pugnatū
est, & tēpore tā breui, desiderata sunt viginti
quinq; millia. Philippus, fortiter pugnādo cōci-
dit, & à pugna iussu Regis inter ceteros cūe-
situs, ac inuentus, ex arbore suspensus fuit. Ni-
mirum ingenti totius equestris ordinis bono,

HISTORIAE II. LIB.

depugnatum est eo die . Nam si secus euenisset, qui tum passim erat rerum status , credibile est in summum fuisse adductos periculum Reges atque Principes . Nam Parisienses iampridem seditiosi , huius praelij euentum auidè expectabant . In Campania, & bona Galliae parte, florentissimæ quæque ciuitates , vnâ cum agricolis tumultuari iam cœperāt . Itaque in hoc praelio pendebat principum vel salus omnis vel calamitas . Rex tum agebat annum decimūquartum . Brugeses, in hac sociorum miseria , praesidijs spe omni sublata, simul & rei bene gerendæ, restituendæque occasione præcisa , in Regis fidem sese dederunt . Flander, quod huic populo non malè cuperet, ad Regem, pro ipsis intercessit, vt reciperentur , depensis centum & viginti francorum millibus . Qui Audenardam obsidebant, accepta suorum clade, castra illico mouerunt . Porro, Gandauenses his tantis malis & fracti & deiecti prorsus , ad misericordiam & clementiam cogitabant sollicitare victoris Regis animum . Sed Syluanus rheda vectus cò (nam grauiter laborabat ex vulnere) hanc illis opinionem excussit, magnifica pollicitus . Postquam ex consilio procerum Gallus non putabat obsidendum Gandauum, distributis huc illuc praesidiis, Tornacum rediit .

Gandani,

Gandavi, vt *suprà dictum est*, ad Anglū miserant pro conciliando fœdere: cuius quidem formulas Anglus, deliberatione facta, perscriptas misit per quendam suæ familiæ, vt si Flādrice populis approbata fuissent, eorum signis confirmarentur. Legatus vt Caletum appulit, certior factus, à populo Gandauo infelicitè pugnatum, & pleraque à Gallis occupari, infecta re in Angliam reuertit. Nec admodum dolebat Anglicæ nobilitati, oppressos Gandauos: quibus si feliciter prælium cecidisset, omnium circa populorum animi fuissent erecti: & quoniam in Anglia non ita pridem periculosissimi tumultus fuerant, minima rursus occasione concitari potuissent. Id illi cogitare. Quo tempore Tornaci Rex erat, desudatum est à multis bonis viris, vt populus rebellis principi suo reconciliaretur. Illi quidem Galli imperium non detrectare, sed grauissima quæque passuri potius videbantur, quàm Ludonicum recepturi. Cùm nihil transigi posset, Gallus rediit, & Lutetiæ vicinior factus obuios habuit Parisienses ad viginti millia, bene armatos omnes. Mirum id videri & nouum tam Regi, quàm cæteris omnibus. Et quoniam armatae multitudini, illis temporibus minimè tutum erat fidere: missus est, qui sententiam illorum perquireret. Respōsum

erat huiusmodi, ut dicerent, eo se consilio ita instructos prodiiſſe, ut Rex coram videret, quantas è Lutetia posset habere copias, breui temporis momento, si opus sit. Id tunc quidem in excusationem adferebant: sed proſectò longè diuerſa cogitarant antè, & niſi victor ille rediiſſet, mira contigiſſent. Iuſſi redire in urbem & deponere arma, paruerunt. Trahebat ſecum Rex multum exercitum, è Britonibus & Heduis collectum. Id metum eis incuſſit. Per otium deinde, ex conſilio patruorum, cepit eos pro meritis tractare, loricas omnes in vnum acernum congeſtas extorſit, ad ſupplicium rapuit conſiliorum auctores. Imperauit tributa & vectigalia multa denique emunxit ab eis plus minus quadringenta francorum millia.

Feruebant tum odia inter Clementem & Urbanum, & ille quidè Auenione tum erat: hic autem, cum ob alia, tum ut Galliae Regi aduerſario ſuo faciliùs incommodaret, Genuam acceſſit. Ex Italia ſecum adduxit rationes, quibus imperium ſuum firmaret: hæ autem erant eiufmodi: Cogitabat in Angliam ad Archiepiſcopos & alios procereſ eccleſiaſticos miſſurum ſe diplomata, (bullas vocant ipſi) quibus delictorum omnium veniam elargiretur in eos, qui Clementinos impugnarent. idem enim in
Galliis

Galliis tum faciebat Clemens . Et quandoquidem compertum habebat, se non posse vehemētius turbare, aut affligere Gallos, quā excitatis in eos Anglis, inuenta sunt etiam rationes ab eo, colligendæ pecuniæ, citra cuius accessiōnem vix ullus armari voluisset . Itaque visum est illi optimum, si præter eā quæ diximus diplomata, permitteret Regi, vt ab ordine ecclesiastico (exemptis interim primatibus) collectas decimas nobilibus assignaret, vt de stipendiis essent certiores. Cæterum ad hoc persuadendum subornabat ecclesiæ primores, qui cæterā turbam impellerent. Hac ratione, nec Regis ærarium exhaustū est, nec populus ipse granatū, nisi quantum lubens sua sponte dabat: id quod liberalissimè, vt tum erant secula, pro se quisq; faciebat, nimirum propositis adeo non vulgaribus præmiis, quorum consequendorum occasionem nemo sibi putabat negligendam. Missis igitur in Angliam ab Urbano plurimis eiusmodi literis, et passim cōcionibus inflammatis hominum animis, adeo vt beatos se reputarent, quibus continebat eo tempore mori: collecta sunt breui tempore, tã è decimis, quā è spontanea vulgi liberalitate, circiter vicies et quinque centena francorum millia. Et quò plus fidei haberetur: voluit Pontifex, inter cæteros,

HISTORIAE II. LIB.

præesse copiis aliquem ecclesiastici gregis virū
 peritum. Quin & in Lusitaniam similes misit
 literas eiusdem ibi rationibus usus, ut Hispano,
 qui suas partes impugnabat, agrè faceret. Cæ-
 terum Duci à Lenclastre, Hispania, & Episco-
 po cuidam ex familia Spenfiorum, Gallia op-
 pugnanda cuenit. Sed quòd ille minus esset po-
 popularis, & auaritia magis, quàm animi can-
 dore inductus, crederetur ad hanc expeditio-
 nem accingi: malebant plerique sub Episcopo
 militare, cui discedēti Anglus iniunxit, ut Ca-
 leti alterum collegam & belligerendi socium
 expectaret. Ille verò, moræ impatiens, & nihil
 cunctandum ratus: in Flandriam copias addu-
 xit. Missis à Flandro tum Insulis commorante,
 qui noui belli causam cognoscerent, non de-
 nunciatis inimicitiis, respondit in gratiam Vr-
 bani Pontificis persequi se Clementinos omnes.
 Legati contrà, Flandriam omnē Urbano pror-
 sus addictam. Si nulla sit alia causa, iniquè su-
 szeptum bellum aduersus immerentem socium.
 Ideoque petere comeatum, ut in Angliam
 sibi liceat tutò traicere, & colloqui cum Rege.
 Tum ille satis proteruè, se nullum eis facere vel
 manendi vel eò profisciendi copiam: si traicere
 omnino velint, faciant id suo periculo. Cum
 aliud ab homine parum & ciuili & tractabili
 obti-

obteneri non posset, Flandri ad duodecim millia non procul ab oppido (Duncquerquam vocāt) collatis signis depugnantes in Anglos (quorum fœcialem ad se missum interemerant) cæsi sunt plus minus nouem millia . Occupatis deinde quibusdam ibi oppidulis , vt Ipram obsiderent, progressi sunt Angli: quôque firmiorem haberent exercitum, Gandauis, vt suas etiam copias producerent, nunciarunt . Nam & mutuum erat iam inter eos fœdus , & dolebat Anglis, prælio superiori Gallos extirpasse victores, adcoque inuidebant eis hanc siue laudem , siue fortunam . A Gandauis missi ad viginti millia . Dum Iprenses acri premerentur obsidione: Flander, intercessione Leodiensis Episcopi , statuit amicè cum Anglis transigere : quos ad eam rem, vt suspicari licet , non erat habiturus difficiles, præsertim cum in Clemētinos, é quorum grege Flander non erat, institutum esset bellum . Sed Anglis coniuncti Gandauis , odio sui principis, consilia perturbarunt . In Galliari Regis potentia , praesidium erat vnicum . Hic denuò instigatus à Burgundo fratre, & Flandri genero, conscripsit supra centum millia . Porro, Episcopus vt rerum imperitus , ita mirè fastuosus , vbi contra se aduentantem exercitum accepit: illico motis castris, & obsidione soluta,

HISTORIAE II. LIB.

contulit se ad maritima cum aliquot copiis, vñ
imminente hoste, ad fugam esset paratior, faci-
lémque traiectum haberet Caletum. Erat in
Regis exercitu, Britoniæ Dux, quod mirum ip-
sis Anglis videri, quorum ope & studio saepe-
numerò seruatus fuit & restitutus. Verùm id
integrum illi tum erat, citra nominis aliquam
labefactionem. primùm, quòd Gallo nuper
esset reconciliatus: deinde quòd hoc officium de-
beret Flandro, cuius erga se munificentiam &
fidem profugus ipse, & inops abundè fuit ex-
pertus. Nimirum ita sunt res humanæ, vt quæ
istum hodie affligat calamitas, illum cras exa-
gitet. Et tamen ille beneficiorum minimè im-
memorem se declarauit Anglis, qui imminen-
te Gallico robore, in urbem quandam (Burbur-
gum appellant) retrocedentes, obsideri in ea se
patiebantur. Nam periculi præsentiam videns
Brito, quod euitare non possent, nisi facta dedi-
tione (quanquam & id incerti esset enuentus)
non destitit hortari illos é muro secum verba
fácientes, vt amicè transigerent. Quod illi non
modò gratum habebant, verumetiam obsecra-
re Britonem, vt mentionem apud Regem inii-
ceret. Et hic quidem, à deliberatione, in suam
potestatem recepto oppido, turbam omnem in-
columem abire passus est: postea, dimissis copiis,
humaniter

humaniter agere gratias ducibus exteris, imprimis autem Friderico Bauariæ principi, quæ amor perlustrandi regiones, cognoscendique militiam gallicam, & disciplinam omnem, in hoc protrusit. Quinetiam Brito, tam Angli, quàm Galli studiosus, ad conciliandum illos, effecit magno suo labore & industria, ut Galliæ, Hispaniæ, Angliæque Regum legati conuenirent. Nec enim cum Anglis voluit transigere Gallus, nisi & Hispani haberetur ratio. Et quoniam rebus ita dubiis, nec Galli Caletum, nec Angli Bononiæ se conferre volebant, medio inter utrumque oppido conuentum est. Patru Regis Galliarum, ibi repetere Aquitaniam omnem, item Caletum, & arces, quas tum Angli cis mare, ad Garünam vsque tenebant, tam in Normannia, quàm Britonia, Pictonibus, & Rochellensi agro. Angli contra nihil horum offerre, & præter capita rerum, de quibus iniunctum erat, ut loquerentur, voluerunt etiam Gandauos in communem hanc societatem recipi. Sic enim inter ipsos Caleti prius conuenierat. Sed Flander magnis hinc se viribus opposuit, contendens nulla ratione admittendos illos in tantorum principum fœdus. Breuiter, cum aliud statui non posset: in menses decem, & eo plus firmatae sunt induciæ & terra & mari, inter

1
 383. Gallum, Anglum, Hispanum, Scotū, & Gă-
 dauenses, quantumuis reclamante & dissua-
 dente Flandro. Fuit & illud additum, vt sub
 exitum induciarum, rursus certo loco simul cō-
 gregarentur legati, copiosius acturi de pace.
 Paulo pōst, vitam finiit Flander, quem fortuna
 per annos aliquot mirabiliter exercuit, bellige-
 rātem in suos: adeò, vt in hoc vno principe spe-
 ctare liceat, quā sit insignis felicitas ita regere
 posse populum, vt & amet & reuereatur. De-
 inde quā sit periculosum, incidere in Remp.
 potentē, quæ dū libertatis vult videri studiosa,
 permiscet omnia, quo imperium à se excutiat.

Cū discederetur à legatis, ita conuenit, vt
 Galli statim denunciarent inducias Scoto. Cæ-
 terum id quo nescio errore fuit neglectum. Ve-
 risimile est, morte Flandri, occupato Burgun-
 dionum Duce, ad quem hæreditas illa omnis
 iam deuoluta fuit, in obliuionem istud venisse.
 Nacti hanc occasionem Angli quidam nobi-
 les, factis incursionibus, depopulati sunt hinc in-
 de Scotiam, & ferro, & igni. Scoti rerum om-
 nium ignari, non denunciato bello, mirari fa-
 ctum, maximè verò, quòd de induciis obscurus
 esset ad eos delatus rumor. Vtut erat, parabant
 & ipsi defensionem. Cuius rei fama cū ad
 Gallum peruenisset, incusare se mutuo proce-
 res ipsi

res ipsi ob tantæ rei negligentiam, obliuionem-
que. Et quod restabat vñum, missi in Scotiam
sunt, qui re omni exposita placarent eos. Ad
pacem quidem satis inclinabat Rex ipse, verum
procures regni tumultuari, & vindictam ex-
petere, adeoque vicissim in Angliam factis
impressionibus, declarare, non sibi deesse ani-
mos & se & sua tuendi. Cùm esset Scoto per-
suasum, à legatis Gallie missus fœcialis ad An-
glum, sedauit turbam. Itaque receptis & rati-
habitis hinc illinc induciis, voce præconis edi-
ctum est, ne quis in formulas illarum commit-
teret. Vt autem Anglus facilem se daret ad
hoc negotium summè laboratum est à Lencla-
strio, qui iamolim statutum habebat Hispanias
inuaidere, coniunctis cum Lusitano viribus: eo-
que vehementiùs optabat perficere bellū istud,
quòd sobolem haberet è coniuge sua, cui re-
gnum iure omni humano & naturali deberi
contendit.

Expositum est supra, quantis copiis & ap-
paratu, Andegauorum princeps in Italiam
abierit. Quò cùm venit, præter Neapolitanos,
qui nulla ratione flecti poterant, non inuenit
obstaculum. Parebant Prouincia, Calabria,
& Apulia. Deceßit tum è viuis Sabaudus An-
degauum secutus, vt diximus. Porro cùm in

HISTORIAE II. LIB.

tertium iam annum aluisset militem, exhaustus quotidianis sumptibus, & iis quidem non exiguis, fratres orare, ne sibi in his suis rationibus lōgè clarissimis deessent. Illi pro suo in eum affectu, minimè rati deferendum in caussa tam non iniqua, copias miserunt. Quæ cum Auenionem appulissent, accepto de illius morte certissimo nuncio, redibant.

Mortuo Flandro, ad Philippum Burgundum iure successionis deuenit omnis ditio Flandrica. Atqui Brabantia Domina (cuius maritus Vuenceslaus à Bohemia nuper obiit Lutsemburgi) cupiebat vnicè, Burgundiam, Hannoniam, & Flandriam perpetuo fœdere & amicitia coniungi. Burgundo filius erat Ioannes. hic Margaritam Alberti Bauaria Ducis, Hannoniaëque filiam, Cameraci uxorem duxit. Præterea Gulielmus Alberti filius connubio sibi iunxit Margaritam Burgundi filiam. Nuptiis Galliarum Rex intererat. Burgundus filiaë in dotem dabat centum fræcorum millia. Lenclastrium hæc fœdera pessimè habebant, quòd filiam suam Alberti filio cuperet nupsisse. Conabatur quidem impedire, cum de sponsalibus accepisset, missis ad Albertum literis, verum id frustra fuit.

Quantum attinet ad Comites Hannonia,
sic

sic accipiendum est: Gulielmus huius ditionis dominus, quatuor habebat filias, Margaritam, Philippam, Ioannam, & Isabelam. Item filium vnum, Gulielmum. Magarita nupsit Ludouico Bauaro, Imperatori. Philippam duxit Eduardus Anglus. Gulielmus, non relicta sobole succubuit in prælio aduersus Phrisones. Itaque per mortem istius ad sororem natu maximam, puta Magaritam, succedēdi ius venit: & illa quidē hæreditatem adiit, donec Albertus filius, quē & Ludouico Casare sustulit, adult⁹, in paterna bona successit. & huius quidē deinde filius Gulielmus, Burgundi filiam duxit, vt narratum est.

Andegauia principi duo erant filij, Ludouicus & Carolus. quorum mater, Clementis & Galli secuta consilium, Prouincialibus bellū intulit, non citra Gallorum Regis auxilium, suppeditantis, & militē, & belli neruos. Massilienses quidem satis erant huic addicti, verū reliqua ditio omnis opponere se: nec imperium illius acceptura prius videbatur, quā Calabria, Neapolis, & Apulia idem fecissent: quarum quidem possessionem ubi se declararet habere tranquillam, & se libenter in ipsius potestate futuros. Finitis hoc tempore induciis, Gallum incesit mira cupiditas impugnandi Anglum. Conscriptis igitur copiis, Borbonium

in Aquitaniam misit, ut hostem, omni Gallia, si posset, exturbaret. In Scotiam misit alterum exercitum, duce praefecto maris (Ammiralium vocant) ut simul iunctis viribus, Anglo negotium facerent. Quod cum venit, minus amice fuit exceptus. Etenim Scoti, quod se crederent satis potentes citra alienum praesidium, qui hostem inuaderent: deinde, quod cum agrum teneant sterilem, semper metuant, ne quid praeterea detrahatur: tum, quod aliorum inuideant bonis, indignè ferebant illorum aduentum. praeterea, quod Ammiralio inter cetera cum primis erat molestum Scotiae Rex, agrè posuit & precibus impelli & precio, ut deserta illa Scotiae parte, relicta, ad colloquium veniret, cui non prius se dedit, quam scriptis & signo suo fide dedisset Ammiralius, non se discessurum è Scotia, nisi certa pecuniae summa ipsi Regi dependens, nullum alioqui auxilium laturo.

Carolus quintus aeger decumbens, fratres ad se vocatos orauerat, ut filio de vxore prospicerent illustri loco nata, potissimum verò peterent illam è Germania, quod firmiora essent foedera. Nimirum id adeò sic euenit. Nupsit enim illi, Stephani Bauariae Ducis filia, Isabella, formae elegantissima. Ceterum, huius connubij prima occasio nata fuit ex eo, quod Frideri-

eius *Bauarus*, *Galliae Regis* castra secutus esset proximo bello, quod gessit in *Anglos*, ut supra narratum est. A morte *Andegaviae Ducis*, qui res maximas in *Italia* moliri : vitam finit & illius aduersarius *Carolus* cui à pace cognomen erat. Credebatur tum id factum ab *Hungariae Regina* : quæ cum filias duas haberet è coniuge suo *Ludouico* vita defuncto, verita, ne *Carolus* hic *Ludouici* ex frater nepos, illas hereditate omni pelleret, præsertim, cum iam non obscure se *Regem Hungariae* diceret ; illum è medio sustulit, verus modò sit rumor, & suspicio. Deinde ad *Gallum* missis legatis, optabat illius fratrem *Ludouicum Valesium*, filiae suæ maritum. Id cum in *Galliis* non displicuisset, in *Hungariam* missi fuere, qui *Ludouici* principis nomine prorsus transigerent, post alij in *Galliam* ablegati, qui sponsum adducerent. Interea *Henricus* à *Bohemia*, vocatus *Marchio* à *Blancquesfort*, frater *Germanus Caroli Bohemiae Regis*, indignè ferens, peti *Regem* ex locis tam longinquis, incitantibus eum aliquot *Hungariae* primoribus, adeoque fratre ipso non dissuadente, *Reginam*, illiusque filiam, animi recreandi causa commorantes, in arce quadam longius ab hominum frequentia, obsedit : & hac tandem ratione coacta fuit illa filiam huic vxor-

rem dare. Gallia Regis frater in Campaniam
vsque progressus cum familia & comitatu om-
ni, vt certior factus est de rebus in Hungaria
mutatis, non paruo dolore concepto, rediit ad
fratrem. qui non magnopere videbatur angi,
quòd Hungaria, propter maximi locorum in-
terualla, praesidium aegrè tulisset.

Scotus, intellectis Ammiralij rationibus, cō-
scripsit ad triginta millia. Rebus gerendis non
intererat ipse, sed filios nouem adesse voluit: &
progressi in hostem, longè latèque vastarunt
agrum. Sed certiores facti Anglum aduentare
cum septuaginta millibus, non substiterunt. Et
ille quidem eos persequi retrocedentes. Ibi tum
Ammiralius ad praelium hortari, quod Scoti
quoniam & multitudine superari, & An-
glorum in re militari peritiam habere suspectā,
detrectabant. Et apparebat Anglos vix vnquā
infortiores fuisse Scotis, propterea quòd hi exte-
rum etiam militem sibi adiunxissent, & illum
quidem è Gallis petatum. hoc nimirum immo-
deratissimè ferebant. Scoti, quò fidem facerent
Ammiraglio, praelium vrgenti, deduxerunt illū
in montem vicinum, insigniter sublimem, vnde
potuit omnem hostilem exercitum prorsus con-
templari: quem vt vidit, acquieuit eorum sen-
tentia, qui minimè suadebant conferendas ma-

aus. Ne tamen nihil egisse viderentur, coniun-
cti Scoticis copiis Galli irruerunt in ditionem
Vualensem, vbi aliquantò etiam plus damni,
quàm in Angliâ, dederunt. Lenclastrius, &
multi alij, persequendos existimabant, sed dis-
suadente quodam non minimi precij, & addu-
cto in odium atque suspicionem Lenclastrio,
quasi is Regem eò protruderet, vt in pugna op-
presso ipse in Regni administratione succederet.
mutatus est Regis animus. Porro, quantum po-
stea malum in Angliam inuexerit ista Regi
iniecta suspicio, de patruis, suo loco intelligetur.
Vt animum rapinis & depopulationibus ex-
plerunt, Scoti cum Gallis redierunt ad suos.
Sed dictu mirum, quantam in illis ferociam &
inhumanitatem deprehenderint Galli. passim
erat audire querelas graues atque minaces, dũ
hic de frugibus protrititis atq; humi deiectis, ille
de arboribus præcisis, alius de re familiari sibi
ablata, magnas mouere turbas, adco, vt palam
dicerent, non prius in Galliam redituros illos,
quàm iactura omni & damno resarto. Quid
agas? Coactus adco fuit his rationibus Ammi-
ralius placare omnes, quotquot de iniuria sibi
facta, querebantur.

Gandaui, septennali bello defatigati, pacem
quidem optabant, sed tacitè. Nam Syluanus,

1385.

qui plus & commodi & dignitatis propositum sibi videbat in turbis, ita retinebat eos, ut palam vix ullus auderet pacis meminisse. nihilominus per duos quosdam potētiore civis, maximè studiosos quietis & tranquillitatis publicæ, tum per nobilem quendam virum, honesti ingenij, & in Gallis valde gratiosum, res cōfuit deducta, ut Burgundus, nuper Flandriæ dominus factus, & æquum & facilem se præberet, eoque magis, quod sub proximum ver in Anglia statutum haberet bellum facere. Pacis formulas auctor satis prolixè enumerat. Sylvanus, hunc nuncium adeò non gratum, ut intellexit, cum Anglo quodam, genere nobili, (quē Gandavi multò antè flagitauerant sibi dari præsidem vrbs) in Angliam abiit. Nam, etsi firmata pace extra periculum esse videbatur, tamen multitudini diffidens, migrandum putavit.

Auctor, à commemoratione harum rerum, scribit, se, ut plenius cognosceret res gestas in Hispaniis, Lusitania, Aquitania, vicinisque regionibus, cum esset in ea ætate, ut labores itineris ferre, ea ingenij mediocritate, ut, quæ intellexisset, describere, & mandare monumentis posset: deuenisse tandem in familiam Gasconis, principis à Foix, viri tum temporis clarissimi.

apud

apud hunc aliquot menses commoratum se familiariter, edoctum de rebus plurimis, & ab ipso principe, & aliis magni nominis viris, qui rebus plerisque interfuerant ipsi. Narrat inter cætera tristem quendam euentum, & quem natura ipsa reformidet. Res ita habet: Comes à Foix, vir strenuus inter cæteros, nobilem quendam iure belli captum tenebat, qui ut custodia eximeretur, pactus erat dependere quinquaginta francorum millia: pro qua summa, fideiussionem interponere volebat Rex Nauarræ, cuius sororem Comes uxorem duxit. sed diffidens Regis ingenio, quem fortasse propius nouit, nisi meliori satisfactione facta, noluit liberare captiuum. vxor subirata, adeò non haberi fidem fratri, modeste increpare maritum, & non con- quiescere, donec illi persuasisset, facta interim mentione, sibi in dotem deberi tantam summam ideoque non esse, quòd fraudem metueret. Hoc igitur pacto solutus captiuus, ut ad suos rediit, quò fidem liberaret, collectam pecuniam, certo tempore, misit non ad Comitem, sed fideiussorẽ ipsum. Quod ut rescieuit ille, miratus, nihil ad se mitti, per uxorem, quæ profectiõnem libenter suscepit, sententiam illi suam significabat, com- monefaciens eum fidei. Tum ille ad sororem, postquam accepit mandata, Omnis, inquit, hæc

HISTORIAE II. LIB.

pecunia, ad te pertinet, eamque maritus ratione dotis tibi debet, ac postquam semel ad me est delata, non patiar illam hinc auferri. Ibi verò illa cœpit obtestari, mutaret sententiam, futurâ hanc veluti segetem vehementis & perpetui inter ipsos ody, dissidiique, non ausam reuerti se, ni simul & nummos adferat, se auctore illâ habuisse ratam fideiussionem, & liberasse captiuum, alioqui nihil horum fuisse facturum. In se redundare omnem culpam, esse illum ingenio iracundo, & implicabili, si videat minus integrè secum agi. Cum sæpe in hanc sententiâ locuta, parum ageret: illo nihil mutante, ex metu permansit ibi. Commorantem iis locis matrem, filius, eiusdem, quo pater, nominis, grandior factus, oblectandi sui gratia, inuisit: & à mensibus aliquot, abitionem inde parans, nullis rationibus illam, vt secum rediret, permouere potuit. Abiit itaque Pampelunam salutaturus auunculum, qui & humanissimè illum habuit, & abituro, multa dedit insignia dona, & inter cætera, crumenam cum pyxide referta phar maco quodam in puluerem redactò, cuius erat ea vis, vt qui vel minimam huius particulam degustasset, illico vitam expiraret. Offerens adolescenti hoc tam venustum munus, Vides, inquit, suauissime nepos, patrem graui & tan-
sum

tum non irreconciliabili odio cōcitatum in matrem . Nemo credat, quàm id mihi displiceat, & iure etiam tibi displicere debet : sed ut malum istud tollatur , agè, cùm ad patrem redieris , per occasionem iniicies medicamentum huius pharmaci partem , in cibum qui apponetur ei, verùm id occultè facias . itaque futurum est, ut, qui nunc illam impensissimè odit: sumpto eiusmodi cibo , præter eam , non sit desideraturus aliud, adeoque discedere illam à se vix vnquam patiatur. Tantus erat amor , tam ardens affectus . Nimirum hoc ipse tu vehementer etiam debes optare: sed imprimis caueto, ne cui rationem hanc tuam aperiās, alioqui luderes operā. Adolescens, ut qui rerum esset imperitus , existimans auunculum, de quo nihil vnquam mali suspicari voluisset, bona secum fide agere, & ex animo loqui , suscepto pharmaco , pollicitus ita se facturum, discessit. Reuersum pater benignè alloqui, & sciscitari de rebus nouis, tum si qua dona dedisset auunculus. ille, data sibi dona protulit omnia, præter vnicum illud. Ceterum euenit, ut filius Comitum nothus , quoniam cum fratre admodum vivebat familiariter, quæ nescio occasione, cùm in vestem illius incidisset, offenderit crumenam ibi suspensam, in qua subolsécit contineri quiddam non vulgare: & ro-

gatus ab eo deinde frater, quid esset illud, quod ad pectus circumferret perpetuo, colore mutato, non respondit, iratus etiam illum eoque conscium. Post aliquot dies nato inter ipsos, dum pila exercerentur, dissidio, ille fratrem nothum pugnis mulctavit, hic oppletus lacrymis, cum aliud non posset, recta Comitum adiit, exponens iniuriam sibi factam a fratre, qui non immerito cedi posset, & verberare castigari. Cur plagas meritum existimas? inquit ille. Quonia, ex quo tempore huc a matre rediit, circumfert quiddam ad pectus, odore graui, nescio quem in usum, nisi quod futurum mihi dixit, ut mater breui reconcilietur tibi. Tum ille puero iniungere silentium, & suspicari male. Ut ad prandium confedit: & filius, ex more, cibum prae-gustauit, animaduertit crumenam a collo dependentem. Accersit illum ad se, quasi in aurem dicturus aliquid. Ut propius accessit, veste illi explicat, & simul crumenam praescindit. phar-maci periculum facit in cane, qui ut decorauit, illico mortuus concidit. Tum inflammatus ille, & toto corpore concussus, in filium insurrexit, crudelia factururus haud dubie, nisi, qui circum erant nobiles, indignitate rei, ac simul nouitate perterriti, illum cohibuissent. Ibi cum aliud non posset, graui oratione detestari filium,

filium: qui se, parentem suum, à tātis bellis, quæ contra magnos & potentes sæpe principes, locupletanda hereditatis, & proferenda ditioris causa sustinuisset, tam inhumano & atroci mortis genere voluerit è medio tollere. Nobiles, quantum fieri potuit, iram illius mitigare. Filium in carcerem abduci, &, ne qua dilaberetur, exactè seruari iussit, grauius interminatus, proposita crudeli pœna, custodi, si conuinceret. præterea, plus minus quindecim, genere nobiles omnes, atrocissimis puniuit suppliciis, quòd cum filio essent familiares, tale facinus nō aperuissent. In cœtu deinde aliquot ordinum, quos adesse voluit, certo die, cum impiam & immanem filij cogitationem exposuisset, variè, multumque exaggerando, censuit illum capite plectendum. Intercessum est ab omnibus una voce, deprecantibus ad eò non humanum exemplum: neque discedendum sibi prius inde putarunt, quàm data ab illo fide, saluum & incolumem futurum filium. Præstitit ille quidem, quod pactus erat, sed tamen custodia continuit. Et huius rei fama cum apud Gregorium vndecimum, tunc Pontificem increbuisse, Auenione Cardinalibus aliquot missis, negotium dedit, vt modis omnibus filium patri reconciliarent integrè. Sed nimirum serus fuit illorum aduen-

tus. *Adolescens enim, per dies ferè decem, quibus tenebatur inclusus, parum edit, quantumvis apponeretur cibi, sic vt credibile sit, eum ex cogitatione rerum omnium, ingenti dolore concepto, præter mortem, non optasse aliud. Id ubi pater accepit, referente carceris præfecto, ingressus animo turbato, ac tum cultellum, quo repurgabat ungues, manu tenens, quo nescio fatali malo, venam quandam gutturis illi incidit, additis interim verbis asperrimis, quòd cibum non sumeret. post abiit. Subsecutus deinde loci custos, offendit illum planè mortuum. Hic nuncius mirabiliter afflixit patrem, quantumvis turbatum antè. nam præter opinionem id illi prorsus accidit.*

Suprà narrauimus de morte Ferdinandi, Lusitaniæ Regis, in cuius locum minimè suffectus est Castiliæ Rex Ioannes, defuncti Regis gener, verùm alius quidam ecclesiastici ordinis, Ferdinandi frate illegitimus, idque ciuitatum potius, quàm nobilium voluntate. Quo quidem nomine Hispanus illico missis ad Rempublicam Lisbonensem, illis locis florentissimam, legatis, incusare eos grauitè & reprehendere, quòd sibi, qui filiam vnicam optimi Regis haberet uxorem, ademptum regnum, transtulissent in eum, qui nullum ius ad suæ causæ approbationem

tionem adferre posset. Cùm id frustra esset, nec illi quicquam immutaturi viderentur, conscriptis circiter triginta millibus, urbem illorum obsedit: vbi cùm ad annum, & eò plus, nulla re magna perfectà, durasset, pestilentia vi coactus, quæ viginti penè millia absumpsit, in Hispanias reuertit: nec ita multò post venerunt è Gallia suppetiæ. Quæ quidē res animū illi auxit. Cæterum, Hispani putabant dimittendum exercitum, Galli verò sententiam & ipsi rogati, probabilibus in medium adductis causis, cum hoste configendum suadebant. Quo tempore à Lisbona retraxit exercitum Hispanus, appulerunt illuc aliquot Anglorum triremes, non hos quidem eò misit Rex Anglus, verum ipsi, postquam in Aquitania hic illic essent grassati, Burdegala collecti, ac naues ingressi, volebant sub Lusitano merere. Gratum hic habuit illorū officium, adeoque militem suum rursus armari iussit, signa collaturus cum hoste. Nobiles, qui minus ratam habebant electionem, irati Lisbonensibus, quorum in ea re valuit auctoritas, detrectare militiam. Ille, quid facto esset opus, cōsultans, admonitus est, vt ne rem longius extraheret, quin potius, quas haberet iam collectas copias, in hostem educeret. Non alia ratione, quàm ista, Regno parari posse tranquillitatem.

HISTORIAE II. LIB.

Esse opus, ut ferro, & praelio viam sibi faciat. Non desperandum, etiamsi multitudine superet hostis. Euenire subinde, & extare exempla magnum saepe numerum, parua deiectum manu. proponeret sibi Henricum, huius parentem, qui ferro sibi Regnum & peperisset, & partum firmasset. His, & id genus aliis vocibus incitatus, produxit militem ad decem millia. Angli, quod animaduverterent se vinci turba, suadebant Regi, non esse consistendum in planicie, sed quaerendum natura munitionum locum, in quem non temere queat hostis irrumpere. Inuentum eiusmodi locum, illi sic praeterea munire undecunque variis impedimentis, ut nisi vnica solum parte, non ad nodum laxa, perueniri ad eos non posset. In exercitu Hispani plurimum eminebant. Galli, Rege multum in eos propenso, & ex illorum arbitrio moderante omnia, quae res inuidiam exciauit in Hispanorum animis, implicatè ferentium, in exterorum praesidio tantam collocari spem. Quin & illud ad odium faciebat, quod, cum Hispanus produceret suas copias, illi flagitauerint in primas acies redigi. Ut propius hostem confederunt, Galli, confliendum esse, Hispani verò, propter impendentem noctem, differendum praelium in alterum diem suadebant. Sed obtinuit illorum sententia.

ria. qui, simulátque pugnae signum datum est, miro quodam ardore inferebant se confertim in hostem. Decertatum est hinc inde magnis & animis & viribus. Sed sagittariorum Anglorum peritia & virtus, híc, vt sæpe aliás, enituit. Nam hi continenter ciaculando, confossis & transfuerbératis Gallorum equis, ita illos arctarunt, vt plurimis interfecís, reliquam turbam caperent. Ad Hispanum, qui cum viginti millibus hominum, ad duo scerè miliaria, à Gallis aberat, pugnam aliquantò citiùs auspicatis, nuncio delato, laborare ipsos, & in vitæ discrimine versari omnes, ille quidem ardentè cupiebat subuenire, sed militem suum, huc excitare non potuit. Sic enim inter eos conuenit, vt quandoquidem Galli, præ cæteris maximè vellent videri strenui, eoque nomine plurimum sese efferrent, sinerent eos negotium suum agere, nec quicquam ad se quocunque modo caderet, pertinere existimarent. Sub noctem Hispanus accessit propius hostem: qui certior ea de re factus, instructa primùm acie, mandauit, proposita capitis pœna, vt qui captiuos haberent, illico necarent illos, ne, dum ipsi in reliquum exercitum pugnando occuparentur, isti vinculis expeditis, arma repeterent. Crudele certè spectaculum, quod etiam victores ad lacrymas,

HISTORIAE II. LIB.

& misericordiam commouit, vtcunque parere
 mandato esset necesse. Capti erant circiter mil-
 le, quos omnes indignissima nex hausit, vt ap-
 pareat, socios, qui strenuè pugnando occubue-
 rant antè, his multò fuisse feliciores: qui cùm
 essent & à fortuna seruati, & sua virtute in-
 columes euassissent, post datam & acceptam ab
 hoste fidem, more militari, cùm de capite &
 vita nihil se periclitari crederent, in extremam
 inciderunt calamitatem, iugulati à victore, nul-
 lam adferente iram, vt in prælio, sed placido
 iam, & ab inhumanissima cæde, ipso abhorre-
 te. Lusitani porrò, quòd magnum ex loco præ-
 sidium haberent, denuo fuderunt hostem, & in
 hoc secundo prælio nemini paritum est: qui
 poterant, fuga sibi consulebant, reliquis omni-
 bus interemptis. desiderata sunt ab Hispanis ad
 septem millia. Pacti deinde (qui principum
 mos est, perpetratis multis & insignibus malis)
 de induciis, Lusitanus triumphans Lisbonam
 inuectus est, Hispanus militem exauetorauit.

Sub hoc tempus, à Gallis recuperata sunt
 omnia, quæ prædones aliquot, in agro Tholo-
 sano, finitimisque locis tenebant. Aquitani,
 quòd magno suo emolumento in Galliis bellum
 facerent, libenter sub Anglo merebant. Et si
 commodè fuissent, honorificèque tractati, non
 mutassent

mutassent dominum: sed Angli filius, nobilitatem penè omnem, quibus nescio suis moribus, & se alienauit, ita quidem, ut ipso deserto, in Galli fidem sese darent. Adhæc, ipsius officarij cōtemptim etiam habere Aquitanos, velut indignos, quibus vllum munus in Repub. committeretur. hinc odium inter eos, & hac occasione Carolus quintus omnia recuperauit, ut supra diximus.

Feruentibus etiamnum bellis inter Pontifices, Clementis milites, Vrbanum obsidione cinxerunt in arce quadam Italiae. & si quidem allata pecunia, placatus fuisset miles, captus erat ille: sed Pontificis ærarium, qui tunc erat Auenione, tam fuit exhaustum, ut viginti frācorum millia, quæ in militem distribuerentur, corradi non possent. Hæc nimirum simultas & dissensio Pontificum, in diuersa studia rapuit omnes ferè principes & Reges, ut memoratum est. Hoc malum, & alia multa, quibus aliquando premeretur ecclesiasticus ordo, Franciscanus quidam monachus, Innocentij temporibus, prædixerat, coniectus Auenione in vincula, hoc nomine, & ni scripturæ auctoritate sua firmasset, capitis pœnam luiturus.

Diximus de Ferdinando Lusitano, qui filiā unicam reliquit, Beatricem, Hispani Regis v-

HISTORIAE II. LIB.

Ordm. Atqui narrat auctor, comperisse postea se, fuisse illam è Lusitano procreatam, & nobili quadam fœmina, quam ille, fugato marito, rapuit, & sic natam filiam, Urbani deinde Põtificis permissu legitimam fecit. Cũque de cõnubio ageretur inter istam & Hispanum, in cõtroversiam ac deliberationem adductum & hoc fuit. Sed Lusitanus, vt solitudinem omnẽ eximeret, hoc egit apud nobilitatem & potentiores ciuitates, vt sanctè promitterent, ab ipsius morte, præter filiam hanc, non aliam se Reginã agnituros: neque regno successurum alium, quàm eum, qui hanc sibi matrimonio iunxisset. Vt è viuis migravit, nobiles quidem optare, Hispano regnum deferri. Sed ciuitates odio Hispanorum, ad successionem vocarunt eum, de quo iam sæpe diximus, mortui Regis fratrem illegitimum. Et, quoniam è vita discedente Lusitano, raptæ à se fœminæ maritus etiamnum erat in viuis, iudicabant plerique natam ex eis prolem, ex adulterio esse. Porro, quinquennium vnà uixerant coniuges isti, cùm ille impio & insano accẽsus amore, facinus hoc designauit, nõ principe solum, sed quouis etiam homine indignum. Miser, vxore spoliatus, ad Hispanum se contulit: & ab obitu Lusitani, secutus amicorũ consilia, suadentium grauibus de causis, vxorẽ

non

non esse recipiendam, rediit Lisbonam: in conflictu postea quodam oppressus: & verisimile est iniucundam illi fuisse vitam, reminiscen-
ti contumeliam & iniuriam adeò insignem sibi factam ab eo, quem ad vindictam expetere non potuit.

Lusitanus, quo tempore Lisbona obsidebatur ab Hispanis, in Angliam missis legatis ad Lenclastrium, orare & commonefacere illum, ut sibi in tali necessitate posito succurreret aduersus hostem, qui & regnum possideat nullo sibi iure debitum, & Lusitanicum præterea vi studeat occupare, in quo tantumdem iuris habeat. Accepta legatorum oratione, statutum fuit, ut Lenclastrius profectionem illuc susceperet: adeoque instructa iam erant & adornata omnia, cum Galliae quem vocant, Ammiralius, in Scotiam adducto milite, bellum inde moueret Anglis, ut diximus. Ea res consilia turbauit. Et feliciter tamen à Lusitanis pugnatum fuit, duobus præliis hoste superato, quemadmodum retulimus. Et ab ista quidem victoria, Rex Lisbonam reuersus, habita consultatione, denūo misit legatos ad Anglum, & Lenclastrium, ut si vllò vnquam tempore velit in hostem aliquid moliri, præsentem non negligeret occasionem. Bis à se fugatum & cæsum illum, trepi-

HISTORIAE II. LIB.

dare nunc, & suis rebus metuere. facile posse fieri, ut præcipitetur, maximè verò, si coniunctis armis inuadatur. vix illum, quò se vertat, habiturum, adeò futuras omnes illius rationes consiliàque turbata, & quò vehementiùs agitetur, optimum sibi videri, ut illico impetus in eum fiat, priusquam vires colligat, & de periculi mole cogitare incipiat. His, aliisque multis, legatorum sermone expositis, placuit, Lenclastrium cæptam ferè nuper expeditionem, nunc demum persequi: itaque cum uxore, & liberis, cum aliquot equitum, & duobus sagittariorum millibus, eoque plus, in ditione Vuallensi (quod Lusitani certiores à legatis facti de rebus omnibus, præmiserant vigintiquinque triremes) mare conscendit: & quandoquidem magna videbat indicia turbarum, quibus Anglia turbaretur, tum, quòd inuideri sibi animaduerteteret à multis, quorum apud Regem, nepotem suum valebat auctoritas, libenter & iucundè iter hoc ingressus est. Ut nauigatum aliquādiu, primum appulit, in portum vrbis Brestæ: quam cum Angli, Britoniæ Duci restituere negarent, coniuncti Britonibus Galli, obsidebāt eos, qui ad præsidium loci erant relictī: sed Lenclastrius, militum suorum virtute, coëgit Britones mouere castra. Cursum deinde instituit versus Coloniā,

loniam, Hispaniæ urbem. Etenim à multa consultatione, visum est omnibus, fore honorificentius, primùm applicare naues ad hostiũ agros, quàm rectà petere amicos. Vrbs autem sic erat munita, vt illi, frustra sumi laborem, & conatum omnem cum viderent, illinc soluerent. Postea Compostellam nauigatum est, in quod opidum, verbis vtrò citròque habitis, ab oppidanis, honorificè recepti sunt.

Hispanus, vt accepit de Anglorum aduentu, Gallos aliquot nobiles apud se commorantes, & valde sibi iuncundos, consuluit, quid facto putarèt opus, quidve existimarent incepturum Anglum. Illi, futurum haud dubiè, vt Lusitanus Lenclastrij Ducis filiam vxorem duceret, ideòque suppetias à Galliæ Rege flagigaret: hunc & pro sua pietate, & pro fœderum arctissima, vetustissimâque coniunctione, non defuturum officio suo. Magnam esse turbam eorum in Gallia: quibus, cum ocium displiceat, euenire nihil possit ex voto magis, quàm armorum sumendorum occasionem dari. In hanc sententiam vbi consuluissent, auctores etiam illi fuerunt, vt loca omnia minus firma, item fania deorum, quò sua bona, propter militum excursions, agricolæ deportauerant, iuberet deiici. Nam defendi illa contra hostem non posse, à

quo si occuparentur, futurum, ut ex eiusmodi præda, magnum ad eos emolumentum redeat, subsidiūque. Rex, cui consilium hoc non malum videri, permisit Gallis consiliū auctoribus, ut pro suo iudicio, quæ viderentur, deciderent: & simul omnia, quæ offenderent, sibisumeret. Gallus ab Hispano sollicitatus ad ferendam opem, bono eum esse animo iussit: futurum, ut intra brevissimum tempus, vim suam omnem in Anglos conuertat: quibus debellatis, in Hispaniam se missurum copias abunde, quarum subsidio facile utriusque hostis impetum non modò cohibeat, sed frangat etiam. Angli, quo tempore Compostellæ hyemabant, factis non semel in agrum Hispanicum impressionibus, oppida quedam ad deditionem cogeant. Lusitanus interim ad Lenclastrum subinde scribere literas amoris, & beneuolentiæ plenissimas. Atqui consultum huic est, ne rem longius extraheret, neque literis ad Lusitanum ageret. Esse peropas, ut postquam eò peruasisset, quamprimum agat negotium suum. Calliditate plurimum valere Gallos, in Hispanis raram esse fidem: fieri posse, ut Hispanus à Gallis, quorum & consiliis utatur, & ope, inductus, cum Lusitano, certis conditionibus transigat. Ista cum minimè viderentur absurda, missi illico fuerunt,

runt qui dicerent, Lenclastrum expectere colloquium. Quod ubi Lusitano placuit, certo loco ventum est una: post multam deinde colloquutionem, statutum est, ut ille per hyemem Compostellæ subsisteret, emissio interim ad excursionem milite, ut in proximum ver signa ferrent aduersus hostem, quacunque tandem regni parte commorantem. Adhæc, ut è duabus, alteram Lusitanus uxorem sibi deligeret. Ille Philippam sibi sumpsit, Lenclastrum è prima coniuge filiam. His ita peractis, ille ad hyberna rediit. Hispanus, Anglico milite vexatus, & agrum depopulante, & ad deditiones oppida cogente, mirari plurimum, è Gallia nullum mitti præsidium: sed confirmare illum nobiles Gallici, facientes spem futurum, ut bello in Anglia confecto, magna vis militum illi accederet.

Gallus, quod miro teneretur desiderio, in Angliam traiciendi, contraxit, quàm fieri potuit, validissimum exercitum. Censebantur supra viginti millia virorum nobilium, item mille quingentæ naues, & cò amplius, abundè rebus omnibus, quantumuis minutis, instructæ. Et quanquam eiusmodi erat bellicus apparatus, ut ab hominum memoria non esset visus aut grandior, aut sumptuosior, tamen rumore ipso fuit supra modum in Anglia, quod fieri

HISTORIAE II. LIB.

solet, auctus, adeò quidem, ut crebris ibi supplicationibus Deum implorarent, ut hoc tam praesens malum auerteret. Muniri praesidiis loca omnia. Colligi infinita penè vis auri, puta, ad vicies centena millia, sic ut nemo esset omnium, qui non persentisceret onus hoc tam graue. Boni omnes deplorare praesentem rerum statum. Otiosi, quibus nihil erat reliquum, nõ expetere aliud. In Flandria quodam portu (Slusam vocant) instructa erant omnia: nec praeter Ducis Berriae aduētum, expectabatur quicquam. Hic nunquam probauit rationem istam: adeoque postquam aduenit, in coetu procerum, quando deliberabatur de profectione, magno conatu dissuasit, primùm ob hyemis inclementiam (erat autem mensis December) deinde propter tenebram ipsius Regis aetatem, quem minimè omnium putabat, eo tempore mari & ventis exponendum. Obtinuit illius sententia, placuitque in subsequens ver; expeditionem differri: cuius apparatus Galliae cōstitit plus minus tricies centenis francorum millibus. Ad Lusitanum creber & constans fuit allatus rumor, iam in Angliā penetrasse regium exercitum. Quapropter erāt, qui consulerent, ut ne in ducenda vxore, nuper veluti desponsa, ninium properaret: quin exitum belli potius maneret: quo si cōtingeret Anglum,

glum, vt verissimile tum videbatur, superari, parum ipsi fore vtilem Lenclastrij principis amicitiam. Ille suorum secutus consilium, dissimulare connubium, nec vllam, per aliquot tempus mentionem huius iniicere, sed literis identidem missis, elegantissimisque donis, illum in officio & amore continebat.

Leo Rex Armeniæ, qui à Tartarorum Tyranno ditione sua pulsus, in Galliam nuper accesserat, indignè ferens inter potentissimos Reges oriri tantum dissidium, sponte quadam sua, & pietate inductus, in Angliam nauigauit, periculum factururus, si quid in firmanda concordia posset. Anglus illum patienter audire discretem de sua calamitate & fuga, de Turcarum & Barbarorū indies augefcente potentia, ex mutuis Christianorum principum simultatibus & bellis. Cūmq; per hanc occasione ei veniret, vt ad amorem & beneuolentiam inhortaretur, Anglus respondit, primū id ageret apud hostem, vt is militem omnem dimitteret: quo facto, non se futurum adedò iniquum, vt quod rationi consentaneum sit & iuri, non velit modis omnibus admittere. Itaque rediit ad Gallie Regem, qui nihil minus, quàm pacem videbatur expetere.

TERTII LIBRI

FROSSARDICI HISTO-

ria omnes memorabiles.



*Venit in Galliis, vt quidam
genere nobilis, è familia Co-
mitis Alenconij, per vim
stupraret alterius cuiusdam
nobilis viri, peregrè profe-
cti, vxorem: quæ, simulâque
maritus reuertisset, lacrymis oppleta, com-
memorare vim sibi factam: ille crimen deferre ad
Alenconium, alter negare factum pertinaciter.
In quem cum aliquantò esset propensior etiam
is, apud quem fuit instituta accusatio: qui iniu-
riam passus erat, ad senatum Parisiensem ap-
pellabat. Per annum, & eò plus agitata cau-
sa: cum & vxor intentare crimen, & ille con-
stanter negare, statutum est, vt monomachia li-
tem finirent. Certo die, quem aut ipsi delegerant,
aut arbitri præscripserant, congressi sunt, equi-
tes primum, inde petites. Non hic cæca fortu-
na, quæ solet alioqui in eiusmodi rebus domi-
nari, sed æquitas potius & virtus exerere suas
vires. Nam qui suæ coniugis pudicitiam, vita
sua*

sua cariores habuit, & in ea propugnanda, capitis periculum non reformidauit, necato aduersario, palam faciebat omnibus, esse vindicem Deum: qui scelerum impunitatem non ferat. Interemptum illum, carnifex pertractum ad patibulum, postea suspendit: quem si vincere contigisset, iam ex decreto senatus, illa quidem, propterea quod falsò credita fuisset accusasse, flammis obiecta: maritus autem, eo, quo aduersarius, ignominia genere, post mortem etiam, affectus fuisset. Victorem eximiiis laudibus efferre omnis nobilium turba, & predicare in eo virtutem Quin & Gallia Rex, honestissima quadam animi inclinatione, minimè permittēs, egregiè factis honorem suum abesse, præmiâq; & presenti illum munere non contemnendo, & certè deinde prouentibus, quoad viueret, locupletauit, auxitque. Sub hoc tempus, è viorum sodalitia migravit Arragonia Rex, qui sub exitum vitæ, vocatos ad se filios, hortari ad mutuum amorem atque concordiam: cūque in tanta principum diuersitate, solus ipse, nec illius Pōtificis secutus esset partes, rogare filios, vt idem facerent, neque se factionibus addicerent. Ab eius morte, Clemēs, & Gallia Rex, natu maiorem filium Ioannem, ad se traduxerunt. Hunc regno consecrari postulantem, po-

1387.

HISTORIAE III. LIB.

pulus non putauit admittendum, ni sanctè promitteret, nullam se pecuniã aut tributum præter morem, imperaturum.

Princeps *Vuallorum*, quoad vixit, apud ple-
rosque ob fortunam, & animi magnitudinem,
in magna fuit admiratione, & colebãt cum eo
multi amicitiam. Hac etiam occasione fœdus
inter eum fuit & *Arragonium*, sub eiusmodi
formulis, vt ex *Anglia* nullo vnquam tempo-
re, bellum huic inferretur: tum, vt *Arragonius*,
Aquitaniæ Duci, bellicis negotiis implicato,
subueniret quingentis equis, contra quenuis e-
tiam hostem, aut, si commodè non posset equi-
tes, pecuniæ certam summam mitteret. Ille per
annos decem, nec officium vllum *Anglo* præ-
stitit, nec dependit quicquam. Itaque *Lencla-*
strius cui in *Lusitaniam* abituro *Rex Anglus*
negotium dedit, super ea re transigeret apud
confœderatum veterem amicum, iudicans eius-
modi vim auri magno sibi futuram vsui, scri-
ptis è *Lusitania* literis, *Archiepiscopum Bur-*
degalemsem ad *Arragonium* huius rei caussa
misit. Ab huius aduentu *Rex*, qui dudum gra-
uiter laborauit, non diu vixit. Persequentem
deinde mandata *Archiepiscopum* *Rex* nouus
in carcerem coniecit *Barcelonæ*. De quo certior
factus *Lenclastrius*, iniunxit *Anglis*, arcem iis
loci

locis tunc occupatibus & vnicam & inexpugnabilem (*Lordam* vocant) vt bello turbarent *Arragonios*, & damni, quantum possent, inferrent. Quod illi quidem, suo more cum facerent, non indiligenter, mercatoribus potissimum infesti, *Barcelonij* quotidianis vexati spoliationibus, & militum expositi rapacitati, Regem, intercessionem magnatum, vt captiuum liberaret, impulerunt.

Postquam auctoritate Ducis *Berriæ*, in *Angliam* institutam expeditionem differri placuisset, vt paulò supra meminimus, appetente vere, *Cōnestablium Galliæ* cum duodecim milibus, qui bellum *Anglis* facerent, mittendum esse, decretum fuit: & præter hoc, in *Hispaniã* quoque traducendas copias, qui laboranti *Hispano*, contra *Lusitanos* & *Anglos* auxilium adferrent. His de causis denuo per *Galliam* imperato tributo, plurimos erat videre, qui, cum aliud non possent, relictis, quos habebant, agris & prædijs, vel in *Hannoniam*, vel *Leodiensem Episcopatum* abirent: vbi, quæ modum excederent, aut intolerabiles videri possent, nullæ tum erant exactiones. In *Hispaniam* mittebantur è *Galliis* equitum sex millia, Duce *Borbonio*. Meminimus quemadmodum *Lusitanus* *Anglici* belli euentum expectans, callidè omnia dissimu-

laret. Porro, cum liberatam periculo videret Angliam, & regium exercitum dimissum, illico misit, qui Lenclastri filiam, suo nomine desponderet: quam ab aliquot postea diebus ad se missam honorifice, uxorem duxit. A nuptiis denunciavit socero, ut quo vellet die, produceret militem: se facturum idem, ut coniunctim arma in hostem ferrent. Interim Galli pulcherrime instructi venerunt in Hispanias. Ibi dum consultaretur, utrum iusta acie pugnandum esset, an verò collocandus in praesidia miles, variantibus, ut fieri solet, sententiis: nam Hispani suadere pugnam, Galli contra, Rex cuidam è Gallis peritiori, liberam discernendi copiam fecit. Ille, quòd Borbonius, cui summa rerum credita fuit, necdum aduenisset, minimè cum hoste confligendum suadebat, sed huc illuc, ubi res flagitaret, distribuendum militem: futurum, ut Angli, per omnem regionem oberrantes, in maximas aegritudines, ob aëris vehementissimum calorem, incidant: etiamsi quaedam occupent, non fore tamen illud diuturnum. Ab illorum discessione, facillimè recuperari posse omnia, praesertim aduentante Borbonio. Cum hac sententia non displiceret, illico in Hispaniam illam omnem, Lusitaniae vicinam dimissi fuere milites, qui tuerentur fines regni.

Connestablius bellum facturus in Anglia, militem habebat instructum, & parata omnia in quodam Britoniæ portu. Præterea alij quidam Gallie procures ad oppidum Normanniæ (vocant Harflurum) naues erant ingressuri, vt certo tempore in Angliam vnâ appellerent cum illo. Sed interuenit quiddam repente, quo turbata fuerunt omnia consilia. Repetemus autem paulò alitius, vt melius intelligi res possit. Narratum est supra, quemadmodum Carolus à Bloys, captus ab Anglis, opem ferentibus Dominæ à Monteforti, liberatus fuit ea conditione, vt Anglo ducenta aureorum millia deberet quo quidem nomine, filios duos, Ioannem & Gyum obsides dedit. Contigit postea Carolum in prælio quodam aduersus Britonem, occidi. Sollicitati deinde à Britoniæ principe Angli, maximis copiis, mediam Galliam peruaferunt. Ideoque metuens Gallie Rex, ne Brito per hanc occasionem, in Angli fidem & patrocinium sese daret, pacem cum eo firmavit. Ea re vehementer offensus Anglus, qui per immensum iter, & ardua pericula in Britoniam accessit, vt ad suos reuertit, de perfidia Britoniæ Ducis grauiter querebatur. Et vt huic vicissim ægrè facerent, Ioanni, Caroli filio, quem obsidem tenebant paternæ fidei (nam frater vi-

tam ibi finiit) eiusmodi proposuere cōditionem,
 si ab Anglo Britoniæ inaugurationem accipe-
 re, si fidem polliceri, & ea omnia præstare vel-
 let, quæ solent ex more fieri, futurum, vt liber
 factus, vxorem duceret Philippam Lenclastrū
 filiam (nondum enim hic in Lusitaniam disces-
 serat) & Anglorum ope mitteretur in illius
 ditionis possessionem. Vxorem quidem ille mi-
 nimè recusare, sed vt videri possit, Galliarum
 Regi minus fuisse fidus, non se admisurum vn-
 quam. In qua sentientia cūm persisteret immo-
 tus, in carcerem reductus est. Porro, Connesta-
 blius (Oliuarium à Clisson vocabant) etsi pa-
 ternam hæreditatem in Britonia retinebat, ta-
 men amare principem non potuit: & hic illum
 vicissim, quod ex mandato Regis, ditionem illā
 bello turbasset, exosum habebat, vt vix alium
 magis. Erat illi filia quam dudum cupiebat v-
 xorem dari Ioanni capto in Anglia. nam id
 suæ familiæ iudicabat futurum honorificentis-
 simum. Initis igitur rationibus, quibus eum li-
 berare posset, cœpit agere tacitè cum Hyber-
 niæ principe, Regi multum iucundo, & impri-
 mis grato homine: cui, modò perficeret, vt illi
 custodia expediretur, pactus erat dare centum
 viginti francorum millia. Conditionem iste qui-
 dem acceptare: sed quandiu Lenclastrius ade-
 rat,

rat, propterea quòd ipsius filiae facta prius esset mentio, nihil potuit effectum dare. Postquam verò discessit ille, Hybernus, auri cupidus, Regem, quo non alius utebatur familiarius, obsecrare, ut habita ratione laborum, quos in regno sustinuiſſet, donaret sibi captivum, pro cuius libertate posſit ingentem auri vim obtinere. Rex, qui totus ab hoc vno pēdebat, ita quidem, ut patruos & negligeret & odisset, assensit facile. Donatum sibi captivum ille Bononiam deduxit, acceptis ibi sexaginta millibus, reliquum accepturus Lutetiae: ubi Connestablius aduentum iuuenis expectans, ut accessit, & amanter illum excepit, & statim filiam uxorem dedit. Eo facto, quantum fuerit perturbatus Brito, non obscure colligat, qui modò circumstantias norit omnes, & eorum, quæ suprà de bello Britonico narrata sunt, historiam teneat. videbat nimirum, per hoc connubium, in periculum & calamitatem adduci fortunas omnes suas. Ultionem igitur parabat, non alia de re cogitans frequentius. Et cum in ipsius ditione collectum haberet ille exercitum, quem in Angliam traiceret, ut diximus, nobilitatem omnem Brito conscripsit, ut certo die apud Venetos rerum agendarum caussa, adessent: Connestablium quoque per literas, ut praesentia sua

HISTORIAE III. LIB.

cœtum hunc ornaret, obsecrans: Hic, etsi mutuū
 sciebat intercedere odium, tamen, vt verisimi-
 le est, frētus eo, quod & summum à Rege locū
 in amplissimō regno teneret, iāmque in procin-
 ctu tantū non esse, bellum ingens in hostem
 illaturus, venit, quō vocatus erat. Vt agitatū
 est de rebus, quarum gratia conuenerant, prin-
 ceps in arcem quandam vicinam, nuper ædifi-
 cari cœptam, velut animi recreandi caussa no-
 biles aliquot præstantiores, & inter hos, Con-
 nestablium, inuitat. Quō simulātque vêtum est,
 ille nauiter omnia dissimulans, & Connesta-
 blium, tanquam officij & honoris caussa, huc
 illuc ipse ad eō deducens: ad turrim deinde quā-
 dam, præ cæteris egregiè structam & elabora-
 tam accessit. Orat illum vt diligenter omnem
 inspiciat, & si quid erroris deprehendisset, li-
 berè admoneat. Vt in proximum quoddam cu-
 biculum ingressus est perlustrandi gratia, re-
 pentè prosiliunt ex insidiis armati aliquot, à
 quibus in vincula coniicitur. Aderat carnifex,
 qui vitam auferret, iubente illo, sed nobilis cu-
 iusdam viri, qui simul ingressus erat, lacrymis,
 & miserabili deprecatione, vix emollitus, dif-
 ferri supplicium, & arētē illum in vinculis con-
 tineri præcipit: sed ab aliquot horis, animo
 prorsus æstuante ira, & præterquam vindictæ,
 nullius

nullius tum rei cupido, quin etiam ipsa cogitatione, quæ solet alioqui moderatiora suadere, vehementius exulcerato, denuo iubet illum capite plecti. Quātos hinc iterū labores, & quātā suscepit curā, ille, cuius intercessione seruatus hucusque fuit: adhæc, quā varia, quā lugubria, quā commiserationis plena dixerit, priusquā obstinatissimam mētem ad aliquem misericordiae sensum permouerit, nimirum intelliget is, qui cognoscet, apud ipsum iam olim nihil fuisse deliberatius, quā ut hunc, quouis etiam modo tolleretur è medio: intelliget, qui cognoscet eum à multis annis, incredibili studio, venatum occasionem istam: intelliget, qui perpendet, vehemētissimam fuisse illam & immanem quandam iram, quæ cogitatione interiecta, non extincta, sed inflammata magis atque magis, præter sanguinem & cadem hominis, per fraudem, & amicitiae vmbra, in periculum adducti nihil expeteret. Quod itaque seruatus sit, & funestæ illius cupiditati subtractus, post Deum immortalem, huic vni perpetuas debere gratias, qui statim intercessit, qui non conquieuit, donec salutem & vitam amici velut extorsisset. Liber autem factus est, ea lege, ut centum millia, priusquam discederet, numeraret, ac simul tres quasdam arces in Britonis potestatem daret.

Qui postquam in istarum possessionem missus
 est, captum dimisit: & hic quidem intra biduū
 inde venit Lutetiam, periculum, vim, & iniu-
 riam sibi factam grauitè apud Regem deplo-
 rans: à quo confirmatus, cum in eandem sentē-
 tiam apud patruos Regis loqueretur, non modò
 non effecit eos, verumetiā offendit, iratos: quòd
 cum ad expeditionem haberet omnia instructis-
 sima, temporis opportunitate neglecta, diuerte-
 rit ad ludicra, temerè habita fide illi, quem &
 odisset, & à quo vitam suam peti iamolim sci-
 ret. Ammiralius, & reliqui proceres, qui clas-
 sem habebant in Normannia, rebus intellectis,
 exercitum dimisere. Sic adedò factum est, vt bel-
 lum istud, communi omnium voluntate & cō-
 sensu deliberatissimum, non perficeretur. *Quia*
 1390. & sub hoc tempus, à iuniori Geldria principe
 denunciatum est bellum in Gallias: nam vt id
 faceret, Anglus illi pensionem dare, puta qua-
 tuor francorum millia. Britoniæ Ducem, ad fa-
 cinus iam enumeratum instigabat, primū,
 Connestabliū odium, deinde, vt hac via reconci-
 liaretur Anglo, quem mirabiliter offendit ini-
 to cum Gallis fœdere. Cæterū nobiles penè o-
 mnes instigare animum Regis, vt ne factū istud
 Britonis, inultum sineret. Missi ad eum legati,
 qui dicerent, & Regem, & huius patruos, &
 simul

simul omnem nobilium cœtum, vehementer indignari, quòd rationes bellicas impediuiſſet, capto Conneſtablio, quem adeò non humanè tractaſſet. Itaque Regis & cæterorum hanc eſſe mentem atq; voluntatem, vt pecuniã extortam & arces reſtitueret integrè. Quantum ad hoc quòd turbauerit expeditionẽ, vt Lutetiam ipſe veniret, facti ſui rationem redditurus. Ille, poſt acceptam legatorum orationem, & interpoſitã deliberationem modicam, non modò non pœnitere ſe, quòd durius illum tractarit: hoc ſolùm diſplicere, & grauiter quidem, non ſine trifti recordatione, quòd incolumem dimiſerit. Arces verò non ſe redditurum, quando ſemel poſſeſſionem illarum habeat: neque ceſſurum, niſi per Regem eiiciatur. Pecuniam illam omnem iam diſtributam in eos, quorum opera ſit uſus in tuenda ditione ſua contra Conneſtablium quo non alium habeat hoſtem acerbioſem. Vt bellũ interturbaret, nullam ſe talem cogitationem cõcepiffe: priuatam eſſe cauſſam, & quicquid huius factum ſit, ex odio proſectum eſſe, quo illum perſequatur.

Quo tempore in Anglia timebatur bellum, vt diximus, milite ibi in præſidia diſpoſito, imperata fuit maxima auri vis. Cũque mutatis conſiliis, Galli nulla re perfectã reuertiffent,

erant passim, qui dicerent iniquè seruari pecu-
 niã illam à Regiis, depulso periculo citra sum-
 ptum vllum aut impensas grauiore. Hoc mur-
 mur aliquandiu sopitum, post aliquod tempus,
 iis, qui ad locorum præsidia fuerant, salaria pe-
 tentibus, cum noui tributi fieret mentio, resusci-
 tatum est. Indignari populus, & incusare quos-
 dam grauiter, quorum improbitate atque per-
 fidia, Regni facultates omnes dissiparentur, &
 ciuium fortunæ. Pendebat nimirum Rex à qui-
 busdam obscuræ conditionis hominibus. Impri-
 mis verò possidebat illum Hybernæ princeps,
 qui mentem omnem adolescenti Regi videba-
 tur excantasse. Nam hoc auctore gerebantur o-
 mnia, nec erat quicquam adeò vel iniquum vel
 absurdum, quod isto suasore non esset creditu-
 rus. In odium, atque suspicionem apud eum ad-
 duxit patruos, ita quidem, ut ij locum suum æ-
 grè tueri possent. His adeò displicere non potuit
 vulgi & ciuitatum querimonia. Videbāt enim
 hac occasione futurum, ut pleraque mutaren-
 tur. Itaque se dare populo, laudare institutum,
 & vltro hortari, ut in eo, quod cœpissent, per-
 gerent. Sic euenit, ut certo die, cum Rex nobili-
 tatem omnem ex more conscripsisset, Londinẽ-
 ses grauiter ibi conquererentur de nouis subin-
 de tributis & exactionibus: quòdque omnium
 esset

esset acerbissimum, non videre se, in quos usus honestos atque necessarios ea pecunia conuertatur. Existimare se, Regem non esse conscium rerum omnium, ideoque postulare, ut ad certum tempus conscriptis officiariis, atque quaestoribus, accepti et impensi rationes ab illis exigat, quod videri posset, qui probe munus gesserint, qui improbe: ut illis quidem officia continuentur, his autem adimantur. Ut autem in hanc sententiam loquerentur, praescripsit eis atque consuluit Dux à Clocestre, vnus è patruis. Ceterum Rex, ut orationem accepit, tergiuersari primum et rejicere in aliud tempus: Contra populus instare, et eo quidem ardentius, quod multis circa nobilibus, ipsorum causa palam ibi probaretur. Itaque placuit, ut à paucissimis diebus audirentur rationes omnium: et huic quidem cognitioni patrui Regis et alij quidam à populo rogati, praefuerunt. In plerisque summa deprehensa rapacitas atque perfidia, quos omnes capite plectendos, iudicia statuebant. Ab auditis rationibus, continuo Rex, vna cum eo, quem tantopere colebat, Hybernica Duce, abiit in diuersam Anglia partem. Vbi, cum accepisset, familiae suae quosdam, Londini, sublato è medio, vehementer et in populum et in patruos fuit concitatus. Hanc enim opinionem illi velut impressit

HISTORIAE III. LIB.

Hybernus, ab illis affectari imperium: adeoque non conuincit, donec Regem, alioqui satis incensum, ad bellum inferendum inflammasset. Ipse totius negotij à Rege constitutus Imperator, contraxit ad quindécim millia. Sed priusquam educeret copias, quendam è suis, genere nobilem, habitu mercatoris indutum, ut de singulis diligenter cognosceret, Londinum, ubi patrum Regis concionem erant habituri, præmisit. Hic autem, quod minimè ratus erat, malo suo fato agnitus, ut in cœtu nobilium, de Rege quædam patefecit, pœna capitis affectus est. Et hoc ipsum Regis animum, ut quivis facile coniicit, vehementer auxit. Hybernus autem, ut contra se vidit eductas acies, qui fuit antè ferox, et verbis magnificus, nihil tum minus præstitit, quàm quòd virum fortem deceat. Habebat enim hoc sibi persuasum, si caperetur in prælio, futurum, ut capitis periculum non euaderet. Sic enim erat ipsius meritum. Instruxit tamen militem, et post principia sibi cavit ipse, loci præsidium captas, ut ad fugam esset paratior. Milites illato subito rumore, fugisse Ducem, non collatis signis fugerunt et ipsi, paucis quibusdā in fuga oppressis, et captis aliquot nobilioribus, in quos deinde Londini animaduersum est. Hybernus, vno et item altero comitatus, profugit.

fugit in Hollandiam, quò omnem suum thesaurum curauerat multò antè perferri. Nam etsi Regem habebat sibi penitus addictum, tamen & metuere & suspectos habere patruos, à quibus ita meritus fuit, ut, nisi hostilia omnia, nihil ab eis expectare posset. Ad hunc modum sedatis turbis, cum de Rege nullus adferretur nuncius, placuit ad eum mitti Archiepiscopum Cantorbiæ, qui diceret, omnem populum, & patruos vnà cum his vehementer expetere ipsius præsentiam: accederet Londinum, futurum, ut honorificè recipiatur & amicè: Non posse fieri, ut regnum habeat tràquillum, nisi ametur. Grauib. de causis, publicè animaduersum in quosdam, & eiectos alios, quorum omnium nequitia ferè labefactum esset regnum. Bono id communi factum, & præsentem necessitatem ita postulasse, non esse, quod ei displiceat. Rex, quanquam immoderatissimè ferebat res anteaetas, tamen his rationibus inductus, Londinum venit: ubi cum per dies aliquot substitisset, nobiles, quam fuerant antè fidem polliciti patruis, eam tum ipsi Regi, vicesimumprimum annum ingressò, (quæ quidem ætas capeßendæ administrationi iudicatur non inidonea) præstabant.

Lenclastrius interim in Hispaniis expugna-

HISTORIAE III. LIB.

*re oppida plurima, nec Lusitanus etiam in ocio
 versari, sed in alia regni parte multa redigere in
 generi sui potestatem. Et cum hoc militiae genus
 exercuissent aliquandiu, tandem, ut cum hoste
 confligerent, copias contraxerunt. Interea Hi-
 spanus mirari tarditatem atque moram Bor-
 bonij, quem vnum adeo, multis iam diebus ex-
 pectabat. Porro, consulti denuo Galli, quorum
 apud Regem non levis erat auctoritas, quod
 nuper senserant, in eo perstabant etiamnum,
 existimantes, minime pugnandum in Anglos,
 etiamsi quaedam occupent; posse illa facili ma-
 nu recipi: futurum, ut quotidianis militandi
 laboribus, defatigati, interim diffuentes calo-
 re nimio, interim hausto & admissa aere solu-
 ti, in aegritudines incidant. Nimirum, hoc adeo
 sic euenit. Nam e calore, & huic contrario fri-
 gore ab ipsis captato, febres & pestilentiae co-
 ortae. Ad hoc, equi propter pabuli penuriam,
 maximo numero, inedia peribant. Hinc queri-
 moniae, & lacrymae miserorum, infelicitatem
 suam deplorantium. Lusitanus in his malis a
 Lenclastro consultus, putabat propter aeris in-
 temperiem diuertendum in oppida iam occu-
 pata bello, & soluendum exercitum: ille con-
 tra vereri, ne dimisso milite, Borbonius, quem
 aduentare sciebat, imparatos opprimeret. Cum
 igitur*

igitur moveri castra non placeret, perduratum est sub dio: sed miserum erat spectare Anglos, qui cum neque feruentissimis illis aestibus, neque firmissimo vino potando assueuissent, morbis correpti, vix animam ægri trahcbant. Ibi tum magister equitum, qui miseriam omnem aliquantò propius & audire poterat & contemplari, propterea, quod ad eum pleraque omnia deferrentur, re omni apud Lenclastrium exposita, præsentī dixit opus esse & breui consilio. placuit igitur militem omnē exauclorari. Quo nuncio accepto, magna fuit in exercitu & castris letitia Sed non videbant, qua via redirēt in Angliam. Longiùs aberant à mari: & plerique sic erant affecti morbis, ut fluctuum insaniam ferre non possent. Terra non patebat exitus, quod iter faciendum esset per Hispaniam, Nauarriam & Arragoniam, regna confœderata. Quid agant? Missus est ad hostem fœcialis, qui nobilibus aliquot Anglicis, veniendi, redeundi, & colloquendi facultatem impetraret. Hispanus, quid hoc nouæ rei esset admiratus, petitionem admisit. Ea fuit eiusmodi, ut quādoquidem grauissimis morbis affligeretur omnis exercitus, memor humanæ miseriæ, quæ sit omnibus communis, permetteret, ægros diuertere in sui regni oppida, & ibi commorari, donec

melius haberent. Ceteros verò, qui vellent ad
 suos reuerti, sineret tutò per Hispanias abire,
 & simul apud Arragoniæ, Nauarriæq; Reges,
 pro ipsis, quo tutum haberent iter, intercederet.
 Hispanus, facta deliberatione, se quidem hæc
 omnia, quæ petiuiſſent, facturum, sed iis condi-
 tionibus, vt, qui vel rectà in patriam se confer-
 rent, vel qui postea valetudine recuperata essent
 abituri, sanctè promitterent, se neque redituros
 ad Lenclastrium, neque gerendi belli caussa, in-
 tra sexennium in Hispaniam venturos. Hæc
 etsi grauias illis erant: tamen ad suos redeundi
 desiderio, videbantur etiam grauiora suscepturi
 fuisse. Lenclastrius, qui obliquè per alios nego-
 tium hoc egit, ne quid ab hoste videretur ro-
 gasse, Compostellam rursus petebat, infirmiori-
 bus in vicos & oppida vicina delatis. Ex iis
 verò, qui repetebant Angliam, præter popu-
 larem multitudinem, interierunt etiam plurimi
 genere nobiles in via, cum aduersus morbos eri-
 gere se, & sustinere non possent. Interim Bor-
 bonius, qui longum tempus hæsit in itinere (nā
 Auenione Clementem salutauerat) in Hispanias
 accessit: & quanquam de soluto exercitu
 accepit, tamen, cum consueque promouisset, nisi
 compellato prius Rege, minimè iis locis abire
 voluit. Hispanus vereri, ne Gallicus miles, diu-

tius ibi commoratus, aut saltem admissus, flagitare stipendia: quæ si denegarentur, agrum depopularetur. itaque Borbonio, quem aliqui omni humanitatis, & benivolentiæ genere prosequeretur, ab aliquot post diebus, quàm eo venisset, ex consilio suorum, ostendit, hoc tempore, cum hostis ultro discederet, externo sibi milite nihil esse opus. Ille dimissionem hanc non modò non iniquè tulit, sed gratum etiam habuit occasionem sibi datam inde commigrandi. Lenclastrius, ægritudine gravi afflictus aliquândiu Compostellæ, recuperatis tandem viribus, ut de Borbonij abitione cognovit, reditum ad suos & ipse cogitabat: cum propter eas, de quibus diximus, calamitates, ad id, quò volebat, peruenire non posset. Acceptis igitur à Lusitano sociis & classe, vela ventis committens, intra paucissimas horas, Baionam appulit. Hic liceat videre, quàm sint mirabiles, quàm deplorandi humanæ vitæ casus, quàm incerti cogitationum, actionumque nostrarum omnium euentus. Nimirum iste, qui plurimis annis hanc profectiōem ardentè à se expetitam, impeditus nunc bellorū tempestatibus, nunc seditionibus in Angliā coortis, quo voluit tempore, perficere non potuit. Iam postquam à Lusitano crebris legationibus vocatus, in regnum hæreditarium

suæ coniugis venit, non perfecta re vlla memorabili, & amisso milite, supplex tacitè factus hosti, ommittere consilia & rationes omnes, adq; suos redire coactus tandem fuit.

Suprà meminimus Ducis Geldriæ, qui bellum in Gallias denunciauit, idque superbè & tantum non contumeliosè, præter communem & vsitatum indicendi belli morem. Porro, vt clariùs accipiantur omnia, res ita habet: Geldriæ Comes, Regnoldus, prodigalitate & luxu, multùm labefecit diuionem suam. Cùmque locum, & dignitatis gradum in his angustiis ægrè tueri posset, adito Coloniensi præfule, cognato, rebus suis consilium optabat. Ille, post liberiores obiurgationem, satis, inquit, vides ipse, & intelligis, non esse principem vllum, aut alioqui virum nobilem, quantumuis tenuem, qui filiam suam vxorem tibi dare velit, non solum exhausto & inopi, sed vehementer etiam obarato. Caterùm is, quem Bertoldum à Mechlinia vocant, mercator prædiues, filiam habet vnicam, à magnis etiam principibus expetitam, propter amplissimam dotem. Non alia via melius tibi consuli possit, quàm si prædam istam inuoles. Mittendus est ad illum igitur legatus, in hanc sententiam, si pecunia sua redimere velit arces & oppida creditoribus oppignorata,

&

Et simul debitum, quo tu illi obligatus es, remittere, ducturum te filiam ipsius vxorē. Placuit consilium, Et missus, qui rem exponeret. Ille, postquam orationem accepit, bene secum agi respondit, Et cum familia sua omni, si quidem filia sua reputetur tali marito nō indigna: videre se rationes, cur Geldrus id faciat, nimirum vt à creditoribus expeditus, liberè sua possideat. Se quidem à propositis conditionibus nihil abhorrire, quin potius connubium hoc ratū habere, sed ita, vt, si quidem ille præmoriatur non relictā sobole, possessio rerum omnium ad filiam transferatur, Et penes eam sit, quoad viuat. Si verò contingat ipsam præmori, susceptis è coniuge liberis, vt tum isti in paternam hereditatem omnem admittantur, nec illorum fortunæ obsit, etiamsi aliam post ille ducat illustriori genere natam, Et prolem excitet. Ista cum non displicerēt, Bertholdi filia Maria nupsit: Et quartò post nuptias anno, cum maritū Isabela filia auxisset, è viuis migravit, Geldrus, ab huius interitu, alteram duxit, Eduardi Regis Angliæ, multò omnium prudentissimi, sororem, Isabelam, è qua sustulit Regnoldum sibi cognominem, Et Eduardum, item filiam vnā, Ioannam. Euenit, vt Regnoldus tam filius, quā pater vita decederent. Eduardus matrimonio

HISTORIAE III. LIB.

sibi iunxit Alberti Bauariae Ducis filiam. hic in praelio aduersus Vuenceslaum Brabantiae tunc principem, grauiter vulneratus, vitam finiit, non relicta sobole. Successionem igitur ad se pertinere post fratrum suorum mortem, Ioanna putabat. Isabela autem, ut quae priori matrimonio esset nata, sibi iure deberi omnia contendit. hanc Ioannes à Bloys uxorem habuit, cui super haereditate, magna fuit cum aduersariis decertatio, futura proculdubio multum acerba, & in bellum exitura, nisi è viuorum illa sodalitio migrasset. Itaque morte ipsius extincta simultate, Ioanna, quae Gulielmo, Iuliacorum principi nupserat, unica patris haeres absque controuersia omni, filium è coniuge sustulit, eiusdem, quo pater nominis. Hic Alberti Bauari filiam (quae nupta quidem fuit Eduardo, sed propter tenebritudinem aetatis, puella permanserat) in uxorem accepit, factus hac ratione Geldriae Dux. Nam Regnoldus, qui Eduardi Regis sororem sibi per connubium adiunxit, ob amicitiam & inita foedera cum Anglo, multum erat gratus hoc nomine Ludonico Bauaro, tum Imperatori, adeò quidem, ut is & Geldrum, qui Comes, & Iuliacensem, qui Marchio dictus antè fuit, in sublimiorem gradum eueheret, ac Duces vocari, vellet. Caterum hic Gulielmus iunior,

Geldriae

Geldria princeps, bellum denunciavit Gallo, mirè propensus in Anglum, & iniquè ferens, Brabantia Ducem Vuenceslaum, quem oderat impensè, Gallis confederatum esse. Cur illum odisset, hæc erat causa: Regnoldus, qui Mariam à Mechlinia, & post Eduardi sororem duxit, quod supra modum esset prodigus, Comiti cuidam Morsensi, tres arces, accepta pro his magna pecuniæ vi, oppignoravit. Ille, post multum tempus, cum videret eò redactum debitorem, ut sua redimere non posset, pignori datas arces vendebat Vuenceslao. A morte Regnoldi, Eduardus filius, datis ad Vuenceslaum literis, repetere illas, paratus resolvere pecuniam omnem, quam dependisset. Quod cum iste recusaret constanter, conscriptus est miles, & spectabant omnia ad bellum certissimum. Sed Iulia Ducis, & Alberti Bauari intercessione, composita tum fuit simulas. Hoc anno, Caesar fratrem suum Vuenceslaum instituit velut publicum viarum custodem, ut in prædones atque grassatores, pro meritis animadverteret. Evenit autem, ut mercatores aliquot Flandri & Brabanti, negotiorum causa in Germaniam proficiscentes, in agro Iuliacensi, quâ faciebant iter rebus suis & auro omni spoliarentur. Scelerum auctores ferebantur adiuvari & bene

haberi à Iulia domino, cui doleret, vt multis aliis, tantum honorem fuisse delatum illi. Quibus illatum erat damnum, grauiter apud eum querebantur, cui eiusmodi facinorum punitio commissa fuit. Is ad Iuliacū missis literis, amicè perscriptis, adeò nihilegit, vt satis videre posset, cum vltro bellum affectare. Vuenceslaus igitur vt ne flagitiorum impunitas contemptū sui pareret, militem contrahere. Faciebat idem Iuliacus, adiutus ab Eduardo Geldriae principe. Pugnatum est acerbè in Iulia, sed cassis atque fugatis Brabantis, in captiuorum turba fuit & ipsorum Dux. Eduardus autem, accepto ibi graui vulnere, succubuit. Vt de mariti captiuitate nuncium accepit Brabantiae Domina, Galliae Regis consilium secuta, Casarem Confluentiae compellabat: qui fratris infortunio motus, magnis viribus ibat contra Iuliacum, facturus ibi tristem & insignem agrorum vastitatem, ni principum aliquot Electorum intercessione, qui mali putabant exempli, socium Imperij sic oppressum iri, mitigatus fuisset. Coram igitur adductus princeps, cum Vuenceslaū vltro ibi sisteret liberum, post acrem obiurgationem, Casari reconciliatus est. Ab aliquot inde annis vita functus est Vuēceslaus. ibi tum Gulielmus Iuliaci filius, materna successione, principatum

principatum Geldriae nactus, à vidua Brabantiae Domina repetere arces illas, ab auunculo suo Eduardo, cum viueret, antè repetitas. Quorum restitutione denegata, gliscebant paulatim magis atque magis odium. Et quoniam Brabantia tum erat ratione foederis coniuncta Galliae, deinde, quod Burgundus, Galli frater, viduae successurus erat: Geldrus, qui familiae huic omni studebat agrè facere, quò suum in Angliam amorem declararet, eò profectus, bellum post denunciavit Gallo, plurimum etià infestus Brabantis: adiò, ut Burgundus à vidua certior factus de quotidianis impressiõibus, equitum turmam ad finium tuitionem eò mittere cogeretur.

Lenclistrii suprà facta est mentio, qui febrium & pestilentiae crudelitate compulsus, milite dimisso, ad Lusitanum se contulit. Porro, Hispani & his coniuncti Galli, ut hostem viderunt huc illuc dissipatum, facile receperunt omnia, reliquis Anglis ad locorum praesidia dispositis, aut vi armorum, aut deditiõne captis. Regem suum, quod benignitatem fortunae esset expertus, Italorum more, summo colebant honore. Lusitanus apud se commorantem socerum hortari, ut ex Anglia novas copias peteret: sed ille, quod longius abesset, quodque turbatam

sciret, & grauibus negotiis impeditam, collectis rebus. Baionam, vt diximus, nauigauit, crebris inde literis ad Regem missis atque fratres, vt suppetias ferrent. Sed alienatis à Lusitania Anglorum animis, propter calamitatem ibi acceptam, vix inuentus est, qui nomen militiae daret. Adhoc seditiones, turbæ, & supplicia, quorum adhuc recens erat memoria, non patiebantur alienis vacare negotiis. Gallus de statu rerum Anglicarum vt accepit, quò calamitatem hostis in suum vsum traduceret, Hyberniæ principem, nuper eiectum Anglia, magnis pollicitationibus, ex inferiori Germania, in Galliam pertraxit.

Carolus Rex Nauarrae, sub hoc tempus imperata pecunia populo, ad ducenta francorum millia, ciuitatum primores certo conscriptos loco, cùm tergiversari videret, in aream quãdam, vnde non patebat exitus, inclusit, adiectis interminationibus, vt intra breuissimum tempus deliberarent, alioqui se tractaturum ipsos pro merito. Sed interuenit mirabile quiddam. Postquã iratus ad hunc modum eos reliquit, somno se dedit. Et, quoniam erat etate grandi, solebant famuli sussitum aliquem illi facere, prouocandi sudoris caussa. Porro, qua nescio famuli incuria factum est eo die, vt ignis aliqua particula in lectum

ectum delapsa, paulatim auctis viribus, inflā-
marit omnia circum: atque solus ille cubans,
cū & per ætatem ipse iuuare se, & linteis,
quibus erat inuolutus, expediri facile non pos-
set, antequam seruuli accurrerent, miser iam
erat flammis magna ex parte consumptus. Fi-
lium reliquit hæredem eiusdem nominis.

Galliæ plerique nobiles, quibus vnice displicebat, Regi suo bellum indictum à Geldriæ Du-
ce, literis parum modestis, præter communem
omnium morem, existimabant, si quidem hoc
illi esset impune, futurum, ut aliquando crimini
& opprobrio verteretur iis, quorum tunc con-
silio Rex usus fuisset. Erat ipse quidem Rex in
bellum satis propensus: verum, quod Britoniæ
Dux videretur res novas moliri, ad commune
bellum Anglos sollicitās, nō licebat, quod mul-
ti summè cupiebant, perficere. Dux Berriæ, suo
nomine priuatim misit quendam, qui cum Bri-
tone comiter ageret per occasionem: sed id fru-
stra fuit, eoque magis erant in dubio Gallorum
animi. Videbant enim, quanto Galliæ periculo
fieret, si quidem Rex, quod & ipse optabat, &
plerique tum suadebant, in Germaniam accin-
geretur, quando Britoniæ princeps, non modò
affectare pacem, sed vltro bellum expetere vi-
debatur. Cūque diu sententiæ variassent,

HISTORIAE III. LIB.

hinc existimantibus quibusdam, in tali regulo non ferendam eiusmodi contumeliam, & Regem assuescendum armis. Illinc opponentibus se aliis, & propter praesentem rerum statum, & belli molem, & Germanorum ferociam, tandem ita placuit, ut Geldrus, quem adolescentiae feruor magis, quam iudicium aliquod in hoc impulisset, negligeretur. Et si bellum praeterea inferret, tunc demum honorificentius futurum, si quidem Rex arma aduersa ferat. Cum Britonne, quouis etiam modo prius transigendum. Is enim, ut diximus, non obscure de suis rebus cum Anglo videbatur pacisci: & iam Anglica aliquot naues tenebant mare inter Normanniam, atque Britoniam. Et quanquam nihil inferre damni in Galliam: tamen quia iis locis considebant, Galli pessima quaeque suspicari. Hinc adeo fuere plurimi, qui suaderent arma in illis expedienda propter fastum. Sed patrum Regis, & alij, quorum in animis erat maior prudentiae vis, euentum belli plurimum metuebant. Nec enim difficulter conicere licuit, futurum, ut per hanc occasionem, Angli renouarent bellum, in quod mirè semper fuit propensus Brito. Missi igitur ad eum legati, qui transigerent amice. De quo certior factus ille, priusquam aduenissent, consilium à suis petebat. Hi grauissi-
mis

mis argumentis eum hortari: ut mutata sententia, & perdomitis affectibus, daret se Galliae Regi, cuius ea esset potentia, ut principes magnos, imò Reges, honori & loco restitueret: alios verò, quibus malè cuperet, ditionibus atque finibus exturbaret. Itaque, redderet Connestablio sua sponte, quas nuper ademisset, arces. Id fore aliquantò honestius, quàm ad restitutionem cogi. Secutus ille consilium, restituit omnia, simul & officarios, à se prius eiektos, locumque suum, in quo fuisset antè, tueri voluit. Huius rei fama in Galliam illico delata, manavit & ad ipsos legatos, iam Britoniæ vicinos. Qui simul atque venissent ad principem, quoniam is iam ultro, quòd alioqui petituri erant ipsi, perfecit: exposuerunt alteram legationis partem, rogare patruos Regis, ut certo die veniret Blesium, ad Ligeris ripam situm oppidum, habere illos, quod serio cum ipso agant. Postquam eò ventum est, illi monere, & obsecrare, ut concordiae firmandæ gratia, Regem ipse compellaret, ac simul iureiurando fidem illi suam daret ex more, quod reliqui adeò omnes, præter ipsum vnum, fecissent. Brito, ut qui non ignoraret, quàm graues haberet apud Regem aduersarios, puta Connestablium, & Iohannem huius generum, nuper è custodia An-

HISTORIAE III. LIB.

glica liberatum, excusare se diligenter. Sed accepta fide à patruis, omnia fore salua, Lutetiam venit.

Lenclastrius, cùm è Baiona crebris in Angliam missis literis, auxilium frustra peteret, omniumque animos, ab Hispanis videret alienatos, vehemēter indoluit, cogitatione repetens, quàm firmum, quàm non malè instructum exercitum in hostem eduxisset, captis ibi nō paucis & oppidis & munitionibus: deinde, quā duriter in se fortuna sæuisset, atq; suos, turbatis consiliis omnibus, adeò quidē, vt acquirendæ hereditatis & Regni Hispanici vix vllam rationē superesse videret. Cōferebat interim hoc suum malum atque pestem cum ea, quam Andegauiae princeps in Calabria passus erat, calamitate, qui magna expectatione, & ampliissima spe concepta, vt in Italiam accessit, non modò non peruenit ad eum, quē sperauerat finem, sed vitam etiam impedit. Vna solùm re consolari & sustinere animum, puta quòd filiā haberet è coniuge sua Constantia. Cogitabat futurum, vt aliquis non vulgaris Galliae princeps hanc expeteret, tum propter generis nobilitatem, tum etiam hereditatem luculentissimam. Porro, Dux Berria tum erat viduus, itaq; familiares ipsius interim ducendæ vxoris facta mēione, inter cæ-

teras etiam nominare Lenclastrij filiã. Ille statim adiecit animum, ac simul de voluntate sua Lenclastrij admonuit: quem ut minime alienũ à sua sententia accepit, denuò misit legatos, qui porrò tractarent negotium. Interim Anglus, ut erat non imprudens, in omnem tã vicinam quã longinquam regionem, huius rei famam extendit, missis ad amicos in hoc subornatos, literis tam suis, quã Berriæ Ducis ad se: futurũ enim sciebat, ut Hispanus eo nuncio mirabiliter turbaretur. Et hic quidem, ut rem accepit, illico secum reputare, quantum ad se mali redundare posset ex eo connubio, nimirum ita futurum, ut inter utranque gentem confirmata pace, bellum inferatur Hispaniã, & coniunctis illorum armis, regni possessio transferatur ad Lenclastrij uxorem. Quamobrẽ, accepto à suis consilio, tacitè agebat, ut filio suo Henrico, quẽ è filia Regis Arragoniã sustulit, Lenclastrij filia nuberet. Pauci quidam paruo comitatu mittebantur, ne Galli, quorum beneficio regnũ tenebat, resciscerent. Anglus attentè illos audire. Gallicã verò legationi spem bonam iniiciebat, hoc tamen semper addens, præter assensum atque voluntatem Regis Angli, sui nepotis, ad quem omnia referret, in his rebus nihil se perfecturum. Et ita quidem illos dimisit. Sed fa-

miliarius multò sese dare Hispanis, instigante uxore, quæ filiam suam, ista ratione videbat, citra molestiam atque difficultatem omnem, in amplissimo regno, cuius adipiscendi gratia tantos adiit labores, ordine successuram.

Inter Brabantos & Geldros indies magis atque magis inflammari odium. Et illi quidem collectis penè quadraginta millibus, obsidebant Grauiam, Mosæ flumini vicinum oppidum. Geldriæ princeps, tunc Nouiomagi subsistens, quòd magnam in oppidanis, atque præsidii ibi relictis fiduciam haberet, non admodum obsidione ista moueri. Petebat nihilominus ab Anglis auxilia: sic enim inter eos, quo tempore bellum denunciavit Galliæ, transactum fuerat. verum, qui tunc erat ibi rerum status, ob domesticas turbas, & Scotici belli metum, nullæ venerunt suppetiæ. Caterùm Brabanti, cùm frustra laborem omnem sumerent, circiter decem millia emiserunt ad deprædandum agrum hostilem. Geldrus ea de re, factus certior, contractis plus minus trecentis equis, tametsi dissuaderent plerique omnes, hostem magnis animis petebat, præstabilius esse iudicans, fortiter pugnando in hostium turba mortem oppetere: quã obsidionem perferre. Productos igitur in aciem suos, hortari ad virtutem militarem, & egregia

gia facta: post, magno impetu concitatis equis, vno agmine confertim in hostem inuolans, imperatum, & opinione citius oppressum, facili manu fudit, cum respirandi vix haberet ocium. Desiderati sunt plurimi, cassis aliis in conflictu, aliis fuga se precipitantibus in Mosam. Elapsi, magna celeritate nuncium intulerunt in castra eorum, qui Grauiam etiamnum obsidebant. Ibi tantus illico fuit exortus terror, ut rebus & impedimentis omnibus relictis profugerent.

Galliae Rex, quem mirus incescit ardor gerendi belli aduersus Geldrum, ob literas illas, petulantiae, contumeliaeque plenas, ingentem contraxit exercitum. Inter ceteros, & patruum ab instituto dehortari, sed quoniam cum Britone fuit transactum, ad id quidem, ut is extortam quoque pecuniam Cōnestablio restitueret, noluit ille rei gerendi occasionem praetermittere. Legatos vero ad Caesarem praemisit, qui belli futuri causas exponerent: id enim ex officio & pacto faciundum ei fuit. Per Brabantiam ire placuit: & ipsa quidem Domina, facile assensit, verum cetera turba omnis opponere se, parati ditionem suam tueri, nec tantam admittere multitudinem, quae semel recepta, non minorem esset inductura calamitatem, quam si agrum fuisset depopulatus hostis. Quinetiam

ipsi Dominae interminari, si Gallis in ea re gratificaretur, aduersus Geldrum arma se non sumpturos unquam. Illa se diligenter excusare ad Regem, culpam in suos transferens, ac simul offensionem deprecans. Itaque per Campaniam suscepto itinere, ad syluam Arduennam praemissi tria millia, qui viam alioqui inaccessam aptarent. Porro, ad Caesarem missum erat exemplar literarum, quas Geldrus voluit in Galliam adferri, bellum indicturus. Harum immodestiam, ut Caesar intellexit, ad eum modum respondit legatis, ut satis appareret, nihil se repugnare, quò minus bellum hoc perficeretur. Per Arduennam igitur facta via, Lutsemburgicam ditionem ingressi, cum essent vicini iam agro Leodiensi, qui tunc erat loci Episcopus, Arnoldus è familia Comitum ab Horn, incitatus à Præsule Coloniensi, apud Regem intercessit pro Iuliae principe, cuius quidem ager, belli furorem primus excepisset. Gallus intercessionem non excludere, modò ille coràm, suas ipse rationes quibus excusari vellet, iustas quidem illas et graues, explicaret. Adductus ad Regem, se neque filio suo auctorem, denunciandi belli, nec huius rei còscium prius fuisse, quàm essent missae literae. Et quo plus haberetur fidei: se filium inhortaturum, ut coràm diligenter se purget,

ac simul veniam admissi oret. Quod ipsum se
obtinere non possit, omnia sua oppida patefa-
cturum se Regi, ut bellum eò commodius per-
ficiat. Placuit conditio, Burgundione potissimū
adhortāte. Profectus igitur a filium pater una
cum Archiepiscopo Colonienſi, incredibile est, 1388.
quantum laboris & molestiæ sumpserit in fle-
tendo illius animo. Spirabat meram ferociam
& Regis contemptum, cuius impetum & vi-
res, Anglorum ope sustinere se posse credebat.
Vix tādē, multis & obiurgationibus & mi-
nis, & quæ solent his intermisceri, precibus ve-
lut expugnatus, patri se dabat. Is præscribere
formulas excusandi, nimirum, quicquid huius
factum esset, id auctore & instigante Anglo
factum. Regis animus conspecto Duce, & ac-
cepta illius oratione, quæ nescio propensione sin-
gulari, visus est commoueri. Nam & condo-
navit factum magna facilitate, & impensius
illum amare cœpit, quàm si non irritasset.

Scoti, ut acceperunt in Anglia subnasci dis-
cordiam, & tempore collectis viribus augeri,
quò veteres iniurias vlciscerentur: clam Rege
suo, quem à re militari iudicabant alienum, ad
quadraginta millia contraxerunt. Quin &
hostem id celare putabant calliditate quadam,
sed frustra fuit: factus enim ille certior, defen-

tionem parare. Collata signa: nullo vnquam tempore maioribus inter ipsos pugnatum est viribus. Exercitum Scoti in duas alas partiti, non a quo robore in praelium venerunt, quod essent longius inuicem dissipati. Victores nihilominus extiterunt.

Post Gallorum abitionem, Geldrus, ocij & quictis impatiens, milite conscripto, in Prusiam ibat. Euenit, vt per Germaniam iter faciens, caperetur. Prusiae verò magnates, armorum vi rursus illum eximere, profugiente eo, qui ceperat, ne in hostium aduentantium potestatem redigeretur. Ille verò, quanquam amicorum praesidio factus erat liber, & belli iure deperditum statum, eadem ratione recuperasset: tamen hosti datam fidem seruare volens, vt ad praescriptum certo tempore locum venit, de libertate cum illo pactus est.

Lenclastrius in officio & expectatione retinebat Berriae Ducem, magis interim affectus in Hispanum, vt diximus. Nam inter cetera metuebat & hoc, ne si Berrius vitam finiret, filius sua tenuis videri posset praeter ceteris illius liberis, e priori coniuge natis, omnia dubioprocul occupaturis. Atqui Galliae Rex, vt accepit ab Hispano futurum obstaculum, mirabiliter fuit offensus, & cum eo procerum turba, quibus pulcre

pulchrè constabat , quantorum beneficiorum nomine Galliarum Reges, multis retrò seculis deuinctam sibi haberent Hispaniam . Ope enim Caroli quinti , Henricus parens huius in regni possessionem missus, illam ad filium Ioannem à morte sua transmisit, verùm ita , vt aduersus Anglos & his coniunctos Lusitanos, agrè illà tueri iste , nisi Gallorum auxilio subnixus , potuisset . Hæc igitur ingratitude cùm vehementer angeret plurimorum animos: ad Hispanum missus legatus est cum eiusmodi mandatis : etiã atque etiam videret , quid ageret , quorum sibi adiungeret amicitiam : vix vnquam de coniugiis pactum fieri, quin & confœderationes intercedant. Extare formulas coniunctionis atque fœderis inter Henricum patrem , illiusque posteros, & Gallie Reges . Ne quid in eas committeret, alioquì Regem non iniuria discessurū ab amicitia, quam omnibus modis retinere studeat & colere, quantum fieri possit. Hispanus, nomine suo de quibusdam rebus , cum Lenclastro respondit actitatum esse , verùm id nullo futurum Gallie detrimento. Se, vt in amicitie rationes atque fœdera peccasse videri possit, nunquam admissurum . Vt in hanc sententiam locutus, à se legatum dimisit, illico post de conubio transegit, adeoque Constantia filiam suã

HISTORIAE III. LIB.

Catharinam , perficiendi negotij caussa, in Hispanias abduxit, & Regis filio Henrico eam despondit. Quo facto, cum diligenter inquisisset de paternis ossibus : commostrato demum loco, effosa illa transtulit Hispalim, ac denuo sepeliri mandauit.

Studio & industria bonorum virorum, agitatum est de induciis , inter Galliae Regem, Anglum, & vtriusque socios, puta, Hispaniam, Lusitaniam & Scotiam . Porro, quod feliciter in Anglum non ita pridem pugnassent Scoti, difficiles admodum huc descenderunt, sed inclinante ad tranquillitatem ipsorum Rege, mutarunt sententiam & ipsi. Transactum est igitur de induciis ad annos tres, ita quidem, ut qui contra quouis etiam modo faceret, perfidus atque sceleratus haberetur.

Supra meminimus Hyberniae Ducis, qui pulsus Anglia, magnis promissis, e Germania, vocatus atque perductus nuper in Galliam fuit, ubi cum esset aliquandiu versatus, perpetuam inuenire sedem & obtinere non potuit. Nam princeps a Coucy, vir summæ apud Gallum auctoritatis, grauißimis de causis hunc oderat. Hybernus enim istius filiam uxorem ductam, alterius deinde cuiusdam puellæ captus amore, deseruit, & hanc sibi iunxit, Urbano coniungium

gium habente ratum, ut qui gratificaretur modis omnibus Anglo. Concitatus hoc flagitio, repudiata filia pater, is quem diximus, non concitavit, donec è Galliis hominem non vno scelere impurum, deturbasset. Hic mihi vide humanæ vitæ euripos, vide principum affectus, vide flagitiosorum hominum fortunas.

Non deerant, qui Gallum inhortarentur, ut regni provincias longinquiores inuideret. Gratum id fore populo, quem non alia ratione melius sibi conciliare posset. Ille per Campaniam, Burgundiam, aliasque ditiones iter ingressus, Auenionem peruenit, & inde, compellato prius Pontifice, Monspessulum. Quæ ciuitas, etsi propter negotiationes opulentissima sit, tamen crebris vexata tributis & exactionibus, agere potuit respirare. Etenim quandiu Carolus Quintus erat in viuis, Andeganiæ princeps, ea loca omnia regebat, non citra magnam locupletationem suarum fortunarum. Et cum ampliora secutus, Neapolim proficisceretur, voluntate procerum administrationi successit Berriæ princeps. Ut autem annum vicesimum primum Rex attigit, adempta patris omni functione, rerum summam ad se transtulit. In Prouinciam igitur & finitima loca postquam venit, grauissimas audire querelas de patre suo, qui supra mo-

dum expilatis miserorum bonis, ad summam prope desperationem cos adegit. Erat videre quotidie supplices libellos plurimorum, de fraude, iniuria, vi, proscriptionibus atque rapinis cōquerentium. Regi vehementer doluit populi miseria, & ideo exempli statuendi caussa, quēdam Berriæ principis, patruī sui, quæstorem, iis locis primum, grauit̃ ab omnibus accusatum propter expilationes, viuum exuri præcepit, quantumuis intercedente per literas, & deprecante Berrio. Cæterum, Rex istam profectiōnem instituēs, noluit adesse in comitatu suo patruos, hoc nomine plurimum offensos, maxime verò, quòd in precio viderēt apud Regem quosdam tenuis conditionis homines.

Sub hoc tempus è vita discessit *Urbanus*. qua de re *Clemens*. Aueniōne, decimo die certior factus, Galliaēque Regi causam suam diligenter commendans, orabat, vt apud Cæsare, item *Hungariæ* Regem, & reliquos principes, pro se auctoritatem suam interponeret, quò tandem omni discordia sublata, ecclesiæ tranquillitas confirmari posset. Sperabat ille quidem, aduersario vita defuncto, rei summam ad se deuolutam. Sed opinione falsus est, Cardinalibus *Bonifacium Neapolitanum* creantibus.

Africani & *Barbari*, subinde in *Genuenses* &

ses & horum subiectas imperio ciuitates alias, faciebant excursiones. Quod eò poterant facilius, quoniam ad fines, quâ venit Genua in ipsorum agros, urbem tenebant lögè munitissimam, vocant Africam. Ex ea facillimum habent cursum atque nauigationem in hostem, & si res vrgeat, in eandem, velut in portum tutissimum, se recipiunt. Precibus igitur sociorum & lacrymis impulsî Genuenses, cogitare defensionem. Et quoniam inter Reges aliquot nuper transactum erat de induciis, ad Gallia Regem qui militem & suppetias orarent, legati sunt missi. Hic verò tam inclinare totus in hoc bellè, vt etiam finitimos ad auxilium sollicitaret. Collectum igitur è Gallia, Britonia, Artesia, Flandria, & Anglia non modicum exercitum in Liguriam misit duce Ludouico Borbonio, & quem huic adiunxit, principe à Coucy, rei militaris, & scientiæ omnis bellicæ peritissimo. Genuæ conscensis nauibus, tandem, aduersis fluctibus & tempestate superata, in hostium fines appulerunt. Et his quidem, propterea quòd acceßione Gallorum & exterarum nationum firmatis Genuensium viribus, urbem suam peti viderent, & obsidione cinctam iri, deliberantibus, quidam ætate grandi, vir nobili genere natus, in hunc modum consuluit, non esse con-

serendas cum hoste manus ob ingentem illorū
turbam. Sed permittendum, ut positis ibi castris
considerent. Urbem satis munitam esse, qua-
vim & diuturnam patiatur obsidionem. Ho-
stem feruore solis & aestu torrerī, dum ipsi te-
ētis & umbris ab aëris intemperie defensi, be-
ne intus habeant: futurum, ut annona omni cō-
sumpta paulatim, vexati caloribus & mille a-
liis incommodis pertasi, rebus infectis inde cō-
migrent. Placuit senis consilium, obseſāque vr-
be, tam mari, quā terra, complures erat vide-
re quotidie velitationes, leuiorēque conflictus.
Ceterū, legato misso, volentibus cognosce-
re Barbaris, qua de causa bello peterēt, Gal-
li responderunt, ideo potissimum, quod maiores
ipsorum, indigna morte Sernatorem orbis ne-
cassent: deinde, quod baptismum excluderent,
quod in Deum essent impij, quod de virgine
matre irreuerenter sentirent: his aded de causis
inferri bellum in ipsos, velut communes Chri-
stiani nominis hostes. Illis responsum hoc ridi-
culum videri, tantum aberat, ut de religione
querendū putarent. Sicilienses, aliaque vicinae
regiones, frumentum, vinum, aliāque multa co-
piose in obsidentium castra aduehere. Sed pro-
pter insitum vini calorem iis locis, tum ob caeli
feruentissimum aestum, fieri non potuit, quin plu-
rimi

rimo in periculosissimas aegritudines inciderent. Inter hæc mala, Dux Borbonius, importunè admodum, de gravitate sua nihil remittere, sublimis, acer, fastuosus, & velut inaccessus: adeò quidem, ut ipsius culpa, cum intractabilem se praberet, omissa fuerint pleraque egregia facinora. Post obsidionem bimestrem, cum frustra laborem omnem suscepissent, propter impendētem hyemem, & victus attenuationem, & metum futurae penuriae, & excubiarum molestias (Barbari enim illos noctu subinde adoriri imparatos) & pestilentiae velut imminentis suspicionem, plerique volebant exercitum solui. Quin & illud vercbantur, ne Genuenses cum hoste transigerent, iamque per omnia castra spangebantur eiusmodi voces. Itaque soluta obsidione, quod Genuensibus plurimum displicebat, Galli inde abitionem parabant. Quare ferociore facti Barbari concipere spes amplas, & magna sibi deinceps polliceri: quodque maioribus aliquando viribus hostem reiicerent, fœdera cum vicinis regibus firmarunt.

Hispaniarum Rex Ioannes, biennio, postquam ipsius filius Lenclastrum filiam duxit, è vita migravit. Huic successit Henricus filius. Porro cum de matrimonio transigeretur, & hoc intervenit pactum, ut Hispanus in singulos an-

HISTORIAE III. LIB.

nos dependeret Lenclastrio, illiusque uxori cētum aureorum millia, datis hypothecæ loco, ne frans intercederet, quatuor illius regni Comitatus.

1391. Galeacius, Mediolanensium Dux, patruū suum Barnabam, ex insidiis captum, ē medio sustulit. huius Barnabæ filius, Comitis Armignaci sororem duxit coniugem. Galeaciū filiam Valentinam, Ludonicus Caroli sexti frater, dux Aurelianēsis uxorem habebat. Cæterum, Comes Armignaci subinde & continenter à sorore sua rogatus, exercitu in Galliis contracto ex prædonibus, ac in Italiam adducto, cinxit Alexandriam, ditionis Mediolanensis oppidum. Galeacius, qui tum Papiæ commorabatur, circiter quingentos equites in præsidium illuc misit. Nec enim ea tum fuit hostium multitudo, ut omnem urbem obsiderent. Eorum, qui mittebantur, equitum præfectus, disciplinæ militaris peritissimus, cū aliquandiu substitisset Alexandriæ, certo quodam die, comitatus trecentis equis, ut hostem ex insidiis caperet, progressus est. Futurum enim sciebat, ut illi velitatione aliqua in oppidanos inuehantur. Itaque discedens, mandauit, ut inter pugnandum, cederent vrgenti hosti, donec ad insidiarum locū deduxissent. Non aberrauit opinione. Etenim
dum

dum ex more confligerent, & oppidani retrocedere: & simulatque ventum est ad insidias, illi præter expectationem illico circumdati, fortiter quidem pugnare, sed defatigati labore, & solis æstu languidi, recentis hostis impetum atque robur ferre non poterant. Et ipse adeo Comes, ut respiraret, è pralio discedens, cum ex amni, quem inuenit non procul inde, cupide portasset, & abundè, morbo repente collecto, & loquendi facultatem amisit, & ab aliquot horis, morte vitam commutauit. Milites, hac ratione deiectioni, fugam ex Italia spectabant, sed interceptis ibi plurimis, & oppressis, reliqui cum ad Galliae fines venissent, accessu prohibiti sunt, ex mandato Regis.

Britoniae Dux, qui Galliae Regem nuper Lutetiae compellauerat, & fidem ex more promisit, mutare ingenii sui naturam impotens, cum non semel esset Gallo reconciliatus, non poterat tamen non odisse illum, & amare Anglum. Quo tempore Lutetiae transigebatur cum eo, polliceri, Clementinum se fore deinceps. Verum ut in ditionem suam rediit, nihil minus præstare. Quinetiam Regis officarios ad se missos, non admittere ad colloquium: & ita omnino se comparabat, non obscure, ut bellum videretur expectere. Plerique Regem ad arma hortari, propter

intolerabilem hominis fastum . Sed patruī, im-
 primis verò Burgundus (v̄t cuius vxor Britonis
 esset cognata) id operam dabant, v̄t collocutio-
 ni certus dies assignaretur. Turoni simul ventū
 est: ibi recitata quādam, in quibus ille videretur
 dignitatem regiam contemnere . Brito singulis
 respondere diligenter, & satis acriter, haud
 obliquē perstringens in Regis familia quosdā
 obscuræ conditionis homines, à quorum au-
 thoritate & consilio Rex pendebat . Alterca-
 tionibus multū agitata res, videbatur, nisi ar-
 mis, finire non posse . Verū inuenta est ratio,
 qua fœdus, & amicitia firmarentur . Gallie
 Rex filiam suam, Britonis filio vxorem dabat:
 præterea, Ioannis à Bloys, qui Connestablū ge-
 ner erat, filius, Britonis filiam vxorem duxit.
 Nimirum, in eiusmodi comicos exitus, principū
 similitudines ferē desinunt.

Gyus, Comes à Bloys, amplissimam quidē
 hereditatem obtinebat in Gallis aliisque locis,
 verū à morte sui filij Ludonici, qui puerilibus
 annis obiit, non vnum aliquem certum habe-
 bat heredem, sed varios diuersis locis, propter
 bona, locorum spatiis interiectis, hic illic dissi-
 pata. Porro, Dux Turonensis, Galli frater, ma-
 ximam vim auri collectam habebat, vxore du-
 cta Galeacij, Mediolanensium Ducis filia. Et vt
 hanc

hanc utiliter impenderet, non conquieuit, donec Comitum animum ad venditionem omnis agri Blésensis impulisset. Difficilem ille quidem se præbere, nec iniuria, sed ab uxore Berriæ Ducis filia, velut expugnatus, (hanc enim Galliæ Rex subornauit) cum liberorum spem nullam haberet, Comitatum illum ducentis francorum millibus vendidit.

Gascon Comes à Foix, cuius & prudentiâ singularem, & liberalitatem auctor subinde prædicat, certo die, cum è venatu rediisset, lotis manibus, ut pranderet subito mortuus concidit. Filius illius vnicus, quo perierit fato, supra diximus. Ex nothis porro filiis alterum sic amabat, ut apud Galliæ Regem super illius legitimatione & succedendi iure diligenter ageret. Et, nisi mors repentina præoccupasset, forsan, quod volebat, perfecisset. Ad hæreditatem illius proximè veniebat Vicecomes à Castillone, sed hunc semper quoad vixit oderat, utque negotium illi faceret, præter id quod filium nothum ad successionem venire studebat, mutuatus etiam est à Galliæ Rege, cum nihil opus haberet, quinquaginta francorum millia, quod hæredem futurum grauaret. Ab illius morte non decrant, qui Regem inhortarentur, ut quandoquidem ille non relictis liberis decessisset, & tantam

præterea pecuniam ex mutuo deberet, ditionē illam omnem ad se transferret. Variè agitata re, tandem, intercessione Ducis Berriæ, Comitatum Rex Vicecomiti cessit, his legibus, ut sexaginta millia, sibi, deinde viginti millia fræcorum dependeret iis, quorum in hac causa studium & labor enituisse: postremò, ut ex artitrio bonorum virorum, amicè pacisceretur & æquabiliter cum duobus, qui supererant, filiis illegitimis.

Postquam ex Barbaria rediissent Galli rebus infectis, commemoratione plurimorum, quæ vidissent, facta, Regem incesit in ea loca penetrandi, Barbarosque subigendi mira cupiditas: quam & alij crebris instigationibus augebant, ut quæ tanto principe digna esset. Verùm ecclesiæ trāquillitatem stabiliendam prius, quàm expeditionem hanc susciperet, putabant. Id autem, nisi oppresso, quem Romæ nuper elegerāt, Pontifice, fieri non posse. Quod consilium ut nō displicuit, illico post in omni Gallia denunciatum est, Regem sub proximum ver, ad militiā accingi. Porro, cū nihil esset deliberatius hoc ipso, & certum magis, en tibi legatos Angliæ, significantes Regem suum ad pacem inclinare, & illam summè cupere. Nuncius hic Regem Gallie mirabiliter recreauit, adeoque statutū est,

est, ut *Ambiani* conueniretur. *Anglus* eò misit duos è patruis, & eum, qui pacem habebat exosam, apud se manere voluit in oppido quodam maritimo, *Douram* appellant. *Gallus* ipse rebus agendis intererat. *Angli* repetere *Aqui-* 1391.
taniam omnem, à *Ioanne Rege*, belli iure cessam. Ad hoc, quater & decies centena francorum millia, quæ restabant etiamnum pendenda pro libertate eiusdem Regis. Offerebant illis aliquam *Aquitaniae* partem *Galli*, puta illam ipsam, qua potirentur, & *Episcopatus* nouem. Ad pecuniam resoluendam, trium annorum spatium sibi dari petebant, & *Caletum* aquari solo. Repudiata sunt utrinque conditiones. Nam *Angli*, quanquam ad pacem mirè inclinabant, tamen absque voluntate Regis nihil transigebant, id quod abeuntibus iniunctum erat. Præterquam *Caleti* demolitionem, reliqua non admodum improbauit. *Anglus*, referentibus legatis. Verùm *Dux* à *Clocestre*, nimirum is, qui pacem perpetuam turbabat, durus & asper, opponere se vehementer, affirmans, non posse ullas, quæ quidem *Angliæ* sint utiles & honestæ futuræ, cum *Gallis* iniri amicitiae rationes. Et quoniam super his rebus, aded non lenibus, ab vno Rege, ut maximè omnia probasset, & rata habuisset, statui non poterat, nisi

trium, quos vocant, Ordinum interueniēte auctoritate, triennialibus illis induciis, quarum supra facta mentio, alter adiectus est annus, ut & cogitandi & agendi spatium suppeteret. Atqui discedenti Lenclastrio, Rex Gallus animum patefaciens, ostendit, quanto paci desiderio teneretur, ut hac via, potentiam & robur suum omne posset in Barbaros expedire, qui nuper & Armenia Regem eiecissent, & in Hungariam magna crudelitate penetrassent. Lenclastrius, cum sua sponte satis incitatus, tum verò humanissima Regis oratione, & sermone honesto commotus, ad hæc, operam, fidem, & industriam illi suam pollicitus, non se conquireturum prius affirmavit, quàm ad eum quem & Rex imprimis, & boni omnes expeterent finem, negotio perducto.

Gallus, permutatione facta cum fratre Ludouico, Turonensem ab eo ditionem accepit, & vicissim Aurelianensem illi cessit, ampliorem multò: sed ea lege, ut omnis ipsius posteritas, inaugurationem, à Gallorum Regibus peterent.

E familia Regis, quidam genere nobilis, Petrus à Craone, gratia plurimum valebat apud Aurelianensem: qui præter coniugem suam deperibat quandam eleganti forma puellam, & id quidem non ignotum erat ei, quem diximus,

mus, præ cæteris, hero multum familiari. Con-
-rigit uxorem resciscere de amoribus mariti sui.
Puellam igitur ad se vocatam, acriter obiurgat:
quæ proximo colloquio cum principe, perditam
se vocat & miseram, quod uxorem nihil fuge-
ret eorum, quæ maximè vellet operta, & ta-
cita. Ille, quibus nescio blanditiis, è coniuge re-
-sciuit, auctorem patefacti sui amoris. Nimirum
is erat Craonius, quem hac ratione apud se vo-
-catum in odium aula tandem eiiecit. Hic igitur
cùm in Gallia sedem quietam habere non pos-
-set, ad Britonem se contulit, qui irreconciliabili
-odio Connestablii flagrans, hoc egit, ut profugus
iste crederet, illius delationibus factum, quod
-Galliis exularet. Initis igitur hinc apud se, qui-
-bus iniuriam hanc vlcisceretur, rationibus, fa-
-milie suæ quosdam, diuersis temporibus Lute-
-tiam præmisit; iniungens, ut dissimulanter vr-
-bem ingressi continerent se domo, quam ibi pos-
-sidebat. Ipse non multò post insequitur. Ut cer-
-to die, per exploratores de Connestablio rescii-
-uit, noctu redeuntem illum à Rege, & paucis
quibusdam comitatū adortus, grauiusimè vul-
-nerat, & deturbatum ex equo, cùm interem-
-ptū putaret, reliquit. Nūcius ad Regē illico de-
-latus est. Ille, præter id, quod sic afflictum, nulla
interposita mora, sub intempestam noctem in-

HISTORIAE III. LIB.

uisit, mandauit etiam praefecto scelerum, ut
 quanta posset celeritate, & astu, facinoris au-
 ctorem inuestigaret. Sed id frustra fuit. Nam
 ille, post admissum facinus, ad Britonem illico
 profugit, viam, quae diui Antonij, Lutetiae vo-
 catur, ingressus, patentibus tum urbis portis. Ad
 Britonem missus est, à Rege, qui nefarium ho-
 minem & facinorosum sisti iuberet, eo, quem
 Rex vellet, loco. Ille pertinaciter negare prae-
 sentiam. Regi minimè id fieri verisimile. Et cū
 propter sceleris magnitudinem (iudicabat enim
 hoc ad se pertinere propriè) tum verò, quòd illū
 videret, multis nominibus Galliae molestum, co-
 piis contractis, in Britoniam contendit. Patruj,
 odio Connestablū, Regem ab incepto dehorta-
 ti, cū nihil efficerent, arma sumpserunt &
 ipsi. Vt propè ventum est in agrum hostilem,
 Rex, & leuioribus quibusdam aegritudinibus
 antè, & nūc etiam intolerabili calore vexatus,
 ac nescio quibus praeterea molestius ager, inter
 equitandum subitò priuatus omni facultate &
 vi intelligendi, non secus, ac si in conuertissima
 hostium turba versaretur, exempto gladio, in
 nobilium, & eorum, qui circum erant, cohortē
 sese praecipitat: fratrem germanum & multos
 alios ad magnum loci spatium ita insequitur,
 equis atque sellis deturbat. Tandem à tergo cō-
 prehensus,

prehensus, detractis armis, in vicinum oppidum adductus est, & inde post in Galliam Lutetia propinquiorem. Quo facto, cum deliberaretur, an Regis fratri, administratio rerum esset committenda, placuit eam esse penes patruos, quod ille per aetatem non satis prouideret. Rege adhuc modum decumbente, patruum facultatem & occasionem adepti, male tractandi eos, quarum consilia Regem ad quæuis impellebant, Connestablium Gallis eiciunt, alios vinculis, & carcere cohibent. Connestablius quidem, vi non fuit exturbatus, verum, quod acerbissima oratione esset exceptus à Burgundo, tempore sibi de fuga prospexit. Dolebat inimicis illum sic euasisse: qui ut viderentur agere non iniquis rationibus (nam & Borbonius & Aurelianensis bene cupiebant homini) citarunt profugum in senatum Parisiensem. Quod cum non veniret die præscripto, peculatus & prodicionis damnatus est. Etenim, quo tempore grauius ex vulnere laborabat, testamento facto, reperta sunt in ipsius bonis, quæ mobilia vocant, circiter decies & septies centena francorum millia: quam pecunie molem, plerique dicebant eum iniquissimis modis collegisse. Reliqui verò, qui vinculis coercerentur, exuti facultatibus & rebus omnibus, in magno capitis

HISTORIAE III. LIB.

periculo versari. Inter hos vnus & item alter,
quòd innocentiam suam, ad hunc modum pèri-
clitari viderent, cogitatione rerum anteaclarū,
& vitæ splendoris in quo vixissent, impulsī, la-
crymis & mœrore se penè exocularunt ipsi.

QVARTI LIBRI

EROSSARDICI HISTO-

ria omnes cognitione & lectu
non indignæ.



*I*n Angliæ, quàm Gat-
liæ Regis patrui, vt pax
tandem coiret, plurimum
sudabant. Scriptis vtrin-
que res agebatur, vt per
ocium relegi singula dili-
genter & expendi pos-
sent. Anglis, præsertim verò Duci à Clocestre,
videri, Gallos aliquot voces vsurpare callidè,
quas occasione pòst data, in quam vellent par-
tem, interpretarentur. Itaque singula maiori
studio discutere, & vbicunque dubia oriri, vel
ambigua locutio, percunctari. Plerique omnes,
quorum fortunæ, pacis tempore multum erant
accisæ,

actisæ, & tenues, affectare bellum, sed uterque Rex ad concordiam propendere mirum in modum. In primis, verò Gallus, propterea eam, quæ supra enumerata est, causam. Adhæc, Armenia Rex profugus, facta commemoratione, quæ impotenti cupiditate, quantisque viribus, Barbaræ nationes inhiarent non solum Hungariæ, sed vniuerso propemodum orbi Christiano, plurimum, ad hoc quod agebatur, momenti adferebat. Transactum est super induciis, ad 1383. annos quatuor, & terra & mari: præterea, ut ditiones aliquot certæ, restituerentur, hinc Anglis, illinc Gallis, eiectio milite omni prædone. Gallia Rex, qui medici cuiusdam opera nuper & intelligendi, & loquendi vim recepit, hoc tempore in morbum recidit.

Clementi Pontifici, qui aduersarium habuit Urbanum, & ab hoc Bonifacium, nuper electum, Auenione mortuo, Cardinales Benedictum surrogarunt; ea lege, ut si Gallia Rex creationem non probaret, alius eligeretur. Vtriusque Pontificis ad se missos legatos patienter ille quidem audire, sed Theologorum secutus consilium, nec huic, nec illi se dare: quin potius cogitabat rationem, qua posset ecclesiæ consuli, dissensionis materia omni sublata. Missis igitur ad Casarem, cuius in ea re prima debet

esse auctoritas, fides, atque studium, legatis, itē ad Bohemum, Hungarum & Anglum, obtestari illos, vt ne publicæ tranquillitati & bono deessent.

Anglus, hoc tempore, Lenclastrio, & illius hæredibus, ordinum assensu & voluntate, Aquitaniam omnem prorsus & liberè donauit. Instructus igitur & collectis rebus, vt Burdegalam venit, donationem sibi factam ostendit. Illi, non se quidem ipsius præsentiam & aduentum iniquè ferre, sed, vt imperium accipiant, & dominum agnoscant, id se non posse statuere. Pacisceretur & ageret cum reliquis ciuitatibus: quæ si ratum habeant Angliæ Regis factum, nec se defuturos officio. Responsum est à Baionensibus ad eundem planè modum. Porro, dum singulorum animi perquirerentur, nobilium & optimatum, qui certo conuenerāt loco, hæc erat sententia, vt dicerent, donationē istam, propterea quòd Aquitani sic essent adiuncti, & velut insiti Anglis, vt nullo pacto separari possent, aut in alterius dominium transferri, vanam & inutilem esse. Tandem placuit mitti legatos qui corā ipso Rege causam agerent. Postquā eò ventum est, illi constanter tueri ius suum, putā, ditionem illam, neque donationis, neque connubij, neque transactionis,
neque

neque omnino cuiusvis rei causa posse alienari. Angliæ Reges, hoc ipsum, ex more, dum Imperio consecrantur, multis retrò seculis, fide & iureiurando præstito, solitos polliceri, & ipsum adco Regem præsentem idem fecisse (ac simul eius rei literas proferebant). Omnium maximè interesse regni, ut ne violetur ista, prudentum auctoritate recepta, & temporis longinquitate firmata consuetudo. Lenclastrium hoc quidē tempore, cum Anglis firmam & certam amicitiam colere, sed fieri posse tamen, ut non semper eadem sit ratio: futurum, ut cum Gallis, cū Britone, cum Burgundo, cum aliis, ut ut tempora ferent, & rationes ipsius, fœdera suscipiat, & de matrimoniis transigat: futurum ut Aquitania, quæ suo quodam peculiari iure sit assignata scepro Angliæ, traducatur in dominatum alterius, neque cum veteri & socio regno, quicquam deinceps habeat coniunctionis. Ad eum modum locuti, bonam partem, ut idē sentirent, permouerunt. Sed opponere se vehementi spiritu & animi contentione Dux à Cloestre, non tam amore fratris, quàm quòd optaret illum hac ratione longius ab Angliis semotum, ut, quod vellet, commodius ipse perficeret. A multa disceptatione, placuit legatorum oratio: & simul Lenclastrio, ne ceptum

vrgeret, aut donationi insisteret, denunciatum est. Dum hic in Aquitaniam abiret, Anglus exercitu conscripto, ad triginta millia sagittariorum, & quatuor equitum millia penetrauit in Hyberniam, pro cuius recuperatione, maiores ipsius, magna saepe bella gesserunt. Nono, postquam eò venit, mense, in deditionem illos accepit, captis quatuor illorum regulis, in quorum ingeniis erudiendis excolendisque, nullam prætermittebat operam: sed ægrè poterat animus Barbarus, & fera natura, ciuiliori vitæ assuescere.

1394.

Postquam Anna Caroli Caesaris filia, vitam finiit, Anglus, quòd liberos nullos haberet, de repetendo coniugio meditari. Gallia verò, præ cæteris omnibus nationibus, optabat firmissima pace adiungi. Cæpit ambire filiam Regis Isabelam, quæ Britonis filio nuper apud Turonum desponsa fuerat. Displicebat ea res mirum in modum Clocestrio Duci, præter bellum nihil expetenti. E Gallis plerique existimabant, nisi firmata pace, nihil in hoc esse statuendum.

Henricus Hungariæ Rex, frater Germanus Caroli Caesaris, denunciato sibi bello, à potentissimo Turcarum principe, Basam, auxiliū & copias è Gallia petebat. Missi circiter duo nobilium iuuenum millia. Ioannes; Philippi Burgundio-

Burgundionum Ducis filius annorum vigintiduorū, & huic veluti moderator adiūctus, princeps à Coucy, vir bello strenuus, exercitui omni præerat. Postquàm è Galliis in Austriam, & inde Budam Hungariæ ventum est, de hoste, quāquā denunciauerat certo se die conflicturū, nihil quicquam audiri. Visum est igitur non inconsultum, si Danubio traicecto, illum in suis finibus ultro lacerarent. Vt in agrum Turcicū deuentum est, (ad centum millia virorum surgebant copię, magna ex parte equestres) expugnatis aliquot oppidis, Nicopolim, iis locis potentissimam urbem obsidione cingunt. Quæ cū esset diuturnior, & ocij plus, quàm militari virtuti conueniat, haberet, princeps à Coucy gloriæ cupidus, & illustrandi nominis magis atque magis, in comitatum suum ascitis mille circiter equitibus hastatis, & sagittariis, in vicinos agros aliquantò longius procurrit, vt si quam hostium cohortem obuiam haberet, fortunam periclitaretur. Id quod sectabatur, euenit. Hostis enim de excursionibus certior factus, ad viginti millia contractis copiis, rectà illum petebat. quem vt animaduenterunt Galli, consilio pro tempore non malo, syluam vicinam ingressi, centum plus minus equites, qui hostem in præsidio loci commorantem lacerarent, &

prouocarent, emittunt. Illi, cū ante oculos omnem exercitum hostilem esse putarent, irruūt: Galli in fugam, ex composito, abeunt, donec ad syluam, è qua repenti se proferebant insidiæ, ventum esset. Ad hunc modum, Turcæ tam ab his, qui insequiebantur, quàm ab aliis, qui fugam simulauerant, intercepti, ad quindecim millia cæsi sunt. Reliqui fuga salutem quærebant. Basam Rex, quanquam videri tardior, explorata habebat tamen omnia, certior factus per Galeacium Mediolani principem, quicum magnam habebat cōiunctionem non vitæ quidem, sed amicitie. Conscripsit igitur ingentem numerum, missis à Soldano Babylonie, à Medis, & Rege Persarum, auxiliis.

Quantum ad Mediolani Ducem attinet, res ita habet: Tres fuerunt aliquando fratres, Maufretus, Galeacius, & Barnabas. Horum patruus, Archiepiscopatū Mediolanensem tenebat. Ludouicus Bauarus, Cæsar electus, cū approbationem Pontificis obtinere non posset, Romam contendit: ubi creato sua auctoritate alio Pontifice, & Cardinalibus aliquot, Imperio consecratus, militi, ut Urbem depraedaretur, permisit. Aduersus Ludouicum, Cæsar creatus erat Carolus Bohemie Rex, Henrici à Lutzeburgo filius: quem quidem Carolum in Italiam

Aquisgrani

Aquisgrani primùm accepta consecratione, venientem, hic de quo diximus, Archiepiscopus Mediolani benignissimè excepit, & officiorum omni genere prosecutus est, mutuo etiam data pecunia, puta, centum aureorum millibus. Cæsar, vt vicissim animi gratitudinem declararet, cōstituit eum Vicecomitem Mediolani & post eum, nepotes, ita quidem, vt ditionem illam omnem tenerent, donec Cæsar eam, resoluta, quā mutuo cepisset pecunia, reuocaret ad se. Post Episcopi mortem, natu grandior nepos, Maufretus, voluntate Cæsaris, muneri successit. Hūc ex inuidia fratres aliquantò tenuiores, è medio tulerunt, cogitatione suscepta occupandæ ditionis, ac deinde suas vires per connubia firmandi, Postquàm ille sublatus, æquabili inter se partitione facta, potenter regnabant. Galeacio, quod ætate præcederet, decem, alteri verò nouem obuenerunt oppida. Mediolanum, alternis annis, interim huic, interim illi cedebat. Pecuniam & vectigalia subinde suis imperabant iniquissimis rationibus. Quæ quisque loca tenebat, ea diligenter munire, omnium, præterquam Italorum, quibus diffidebant, nationum præsidiiis. Populū vi & asperitate retinebant in timore maximo, de his, qui se opponerent, atrociam statuentes, & indigna exempla. Principum amicitias magna

HISTORIAE IIII. LIB.

vi pecuniæ redimebant. Galeacius, Comiti Sabaudia, cuius sororem duxit, aureorum centum millia dependit. Filium habebat eiusdem nominis, qui Regis Ioannis filiam, uxorem habuit, depensis francorum sexcentis millibus, pro liberatione soceri sui, Anglis obligati. Iunioris Galeacij filia Valentina, Caroli sexti fratri germano, Ludouico, Duci Aurelianensi nupsit, verū non prius, quàm ille futuro genero, decies centena francorum millia numerasset, ingentem sanè vim auri: cuius aliqua parte, Comitatus Blefensis deinde emptus est, vt antè diximus. Inter fratres ipsos non malè, quandiu pariter vixerunt, conueniebat. Sed à morte patris, Galeacius, patrum suum Barnabam, ex insidiis captum, necauit. Altera huius Barnabæ filia nupsit Stephano Bauariæ Duci, filiàmque sustulit Isabelam, Caroli Galliarum Regis uxore, vt suprà meminimus. Ille verò non contentus, indigna morte peremisse patrum, nepotes etiam & cognatos omnes persequi, ditiones & quicquid erat bonorum ad se transferens. Populum crebris, & subinde nouis affligebat exactionibus. Adhæc, impiè & irreuerenter sentiebat de potentia Dei. Quocunque modo ditesceret, potentiàmque suam augeret, nihi pēsi habebat. Locupletiores ordinis ecclesiastici
spoliare

spoliare suis proventibus, vix modica parte, quæ tuendæ vitæ satis esset, relicta. Sic erat institutus, & hanc opinionem, inter cætera morum, & disciplinæ præcepta, veluti per manus, à suis accepit maioribus, qui & Pontificis auctoritatem planè despectam habebant, & cùm dissensionem ecclesiæ viderent, mirabiliter hoc ipso recreari. Porro, Ducis Aurelianensis vxor, multum ambitiosa mulier, nihil æquè optabat, atque maritum ad regij sceptri fastigium, quolibet etiam arte, peruenire. Plerique adeò de illa suspicari, quòd ipsius veneficiis mens esset excantata Regi. Suspicionis origo fuit eiusmodi: Filium sustulit è coniuge formosum, & æqualem regio. Dum uterque puer in cubiculo ex more colluderent, abiectum est pomum veneno tinctum in eam partem ubi Regius erat: sed puer, quod mirum videri possit, abstinuit: & alter postea, cùm non obseruaretur, arreptum illud ubi degustasset, paulò post expirauit. Huius rei fama statim peruasit omnem regiam, & loca vicina. Suspicionē augebat & illud, quòd Rex in ægritudine decumbens, præter ipsam, vix vllum admitteret. His rebus inflammatis hominum animis, ob periculi præsentiam, in quod incidisset, in arcem quandam Lutetiæ vicinam, è qua non erat integrum illi discedere,

abducta est. Quin & interitu filij, maritum
 grauitè offendit. Galeacius pater, vt de filia
 comperit, vehemèter concitatus, ad Gallum
 misit legatos: qui cùm minus patienter essent
 auditi, ille sub idem tempus, quo in Hungariã
 expeditio fieri cœpit, bellum denunciavit in
 in Galliam. Et vt hosti faceret agrè: cum Rege
 Basam fœdere inito, de suis rationibus, & Gal-
 lia statu illum edocebat.

Albertus Hannoniæ princeps, Gulielmũ
 filium, ad expeditionem Turcicam volentem
 proficisci, non desinebat hortari, vt Phrisonibus
 bellum inferret potius, qui præter omne ius,
 perpetuam rebellionem pararent. Ille patris
 auctoritatem secutus, è Gallia, vicinisque locis,
 item ex Anglia petiit militem, apud Hol-
 landos consensu mari, in Phrisiam adduxit.
 Egressos è nauibus, & ab aliquot diebus, ag-
 geres atque fossas, quibus ea regio munitur, su-
 perare conantes, indomita gens, de hostis ad-
 uentu certior antè facta, nauiter repulit: sed à
 multo cōflictu, equitum & sagittariorum vir-
 tute, qui se per viam occultiore propius in-
 sinuauerant, velut ex inopinato sunt oppressi,
 cæsis plurimis. Ob impendentem hyemem ni-
 hil tunc actum est præterea. Sed biennio dein-
 de post, rursus ibi moto bello, sublimes illi &
 feroces

feroces spiritus, agnoscere dominum, & submittere se illius, quem semper aspernati fuerāt, imperio coacti sunt.

Anglo mirè solitante nuptias, & plarimis utrobique missis legatis, placuit, ut intra Gallia fines, & Caletum, medio quodam oppido, conuenirent uterque Rex. Id adeò ratum fuit, & Gallus ipse filiam illi suam, præsens præsenti per manum tradidit. Sed priusquam res eò deduceretur: Anglo necesse fuit, patruū suum Clocestrium, & muneribus, & magnificis placare promissis. Nam is pacem oderat, ut si quis alius, ingenio tam prauo & superbo, ut Rex magnopere timeret, per hunc aduersus se concitatum iri populum: itaque deliniendus erat. Ab his nuptiis, Gallia Rex illico cepit cogitare de bello in agrum Mediolanensem inferendo: iamque pactus erat Anglus, in eam rem suppeditaturū se, ad sex millia sagittariorum, sed interuenit aliud, quod nouam deliberationem, & grauem quidē illam, requirebat.

Hungari, & his adiuncti Galli, magnis viribus obsidebant Nicopolim, bona spe concepta, breui se dominos urbis futuros. Interim Rex Basam, ex omni sua, & vicinorum principum ditione coëgit circiter ducenta millia. Velitum præmisit octo ferè millia, reliquo exercitu in

duas partes diuiso. Nostri, vt procurentes illos
 animaduenterunt, statim ad arma, festinatione
 summa. Porro, qui explorandi causa missi fue-
 rant, cum dicerent, modicam esse hostilem tur-
 bam, (nec enim præter velites, quenquam vede-
 runt) Galli repente magnis animis ad pugnam
 properare. Sic instructis, Hungaria Rex denū-
 ciavit, ne quid præcipitanter agerent, vereri se,
 vt exploratores omnem exercitum probè con-
 templati sint. Alios iam quosdam à se missos,
 locorum & regionis maximè gnaros, qui intra
 paucissimas horas, dubio procul certiora sint al-
 laturi. Consilium hoc multis visum vtile, & se-
 quendum per omnia. Sed Connestablius, quòd
 prior ipse sententiam rogatus non esset, bene sa-
 pienterque à Rege dictum, interpretari super-
 bè & malignè, puta, Hungarum in animo sta-
 tutum habere, vt Gallis in acie dispositis, ipse
 victoriæ laudem ferat. In hanc sententiam in-
 eptè quidem ille plurima, non, quòd ita senti-
 ret, aut Hungari consilium iudicio reprehen-
 deret, sed quòd inuideret principi à Coucy, nu-
 per parua manu fuis hostilibus copiis atq; pro-
 fligatis, auctiori facto. Se verò, quo non alius in
 Gallia, post Regem, amplior sit, atque subli-
 mior, ulli postpositum iri, nimirum id iniquis-
 simè ferre: & suam potius auctoritatem in re-
 bus

bus gerendis primam esse debere, & præ cæteris valere plurimum, existimabat. Itaque reiecta, quam cæteri probabant, Hungari sententia, minimè cunctandum ratus, & non expectato sociorum auxilio, in hostem progressus est. quo facto reliquos etiam quantumvis inuitos adiegit, nisi desertores haberi vellent, iungere copias. Vide, quorsum inducant inuidia, & animi superbia. Iam hostes imminebant, & Galli sic erant vndeque intercepti, circumfusa illorum turba, ut quâ dilaberentur, non viderent. Et quanquam erant paucissimi ad illum numerum, tamen in his angustiis positi, strenuè supra modum sese dare, sed oppressi multitudine, calamitosum exitum, ut euitarent, fieri non potuit. Procere ferè omnes, ob armorum ornatû atque splendorem capti sunt, Barbaris magnum ab eis emolumentum expectantibus. A victoria, Rex Basam, cum, ex ipsius mandato, caesorum numero perlustrato, è suis multò plures interemptos audisset, ira vehementiori percitus, crudelissimæ morti subiecit circiter trecentos nobiles, tam Gallos, quàm Hungaros, atque Germanos. Hungariæ Rex, ut vidit Gallos, non expectata occasione, temerè pugnare, multum indoluit: cumque passim cerneret omnes in fugam præcipites, impulsus consilio suorum fugit.

Et ipse, transmissso Danubio. Nimirū fastus et
 emulatio nostrorum hominum, eo die victoriā
 hosti peperit. Et hic quidem ut de statu captivo-
 rum intellexit, eorum puta, quos prae ceteris
 eminere iudicabat, in vitam et capita illorum
 nihil statuit, misso in Galliam legato, qui cla-
 dem acceptam denunciaret. Burgundiae Dux
 Philippus, cui filij calamitas intimē dolebat, egit
 apud Gallum, ut tyranno Barbaro, quaedam
 eximia dona, quod clementiūs haberet captivā
 turbam, mitterentur. Omnium impatientissimē
 tulit hoc infortunium, princeps à Concy, qui
 cum in rationibus bellicis mirē semper fortuna-
 tus fuisset, dolore concepto, quod à potentissimo
 Rege, summa rerum sibi commissā, propter in-
 iudiciam aduersarij, locum suum et munus tueri
 non potuisset, inque capitis periculum aliena te-
 meritate adductus esset apud nationem Barba-
 ram, cæsis magno numero sociis, vitam ibi fi-
 nit. Idem fuit exitus illius, qui stultitia sua, tot
 hominum millia, tot insignes viros, in perniciē
 et extremam miseriam pertraxit. Burgundus,
 397. quod filium, et captos cum eo socios, Barbaro-
 rum manibus eriperet, egit per Venetos merca-
 tores, qui negotiorum causa nullam non orbis
 partem accedunt, ut aliis quibusdam, à Galliae
 Rege missis legatis adiuncti, cum hoste transi-
 gerent.

gerent. Pactio fuit eiusmodi, ut circiter viginti-
quinque nobiles captiui, pro libertate sua depen-
derent ducenta aureorum millia. Fidem suam
interponebant mercatores. Ab eo tempore Rex
Basam familiarius habere Gallos, & conuer-
sus ad Burgundi filium, Satis, inquit, animad-
uerto, magnis & illustribus te procreatum esse
parentibus, & in summa nominis expectatione
vivere: cumque sis in hoc ætatis flore, non parum
dolere tibi possit, quod in istud malum incide-
ris, ad cuius infamiam, & tristem recordatio-
nem abolendam, fieri potest, ut aliquando rur-
sus in me arma capias. Et quanquam belli iure
mihi sit integrum, obstringere te, sociosque tuos,
ut hoc vobis non liceat, nunquam tamen id fe-
cero, quin potius permitto, non tibi solum, sed
quibusvis aliis, ut domum reuersi, quolibet tem-
pore, collectis viribus, denuo mihi bellum infe-
ratis. Eo nanque sum animo, & mentis robo-
re, ut ea fortuna, ut aduersa arma non exhorre-
scam: hoc adeo licebit, tuis meo nomine liberè
dicas. Galli postea cum Venetis appulerunt
Rhodum, & inde magnis itineribus, non sine
molestia, & difficultate, Venetiã. Hic illis com-
morantibus, Hungaria Rex, misso legato nun-
ciauit, gaudere se plurimum, quod hostium
potestatem euassissent. Non dubium esse, quin

pro liberatione sui, maximam vim auri dependerint. Se modis omnibus optare, eam esse fortunam suam, & ita secum agi, ut nummorum praesidio, liberaliter eos iuuare possit. Nunc autem ex aduerso praelio, nuper commissso, magnam se fecisse iacturam, annuis prouentibus non mediocriter attenuatis. Caterum à Republica Veneta deberi sibi quotannis, aureorum septem millia. Negotium se dedisse iam suis, ut ex eiusmodi censibus diuenditis collecta pecunia, in ipsorum adeo necessitatem & usus impendatur. Galli beneficiū hoc minimè recusare, sed Veneti dissimulanter ad omnia, & callidè respondere: nec deerant, qui suspicarentur, inter ipsos & Hungari legatos, rem ex composito geri. Burgundus amicè imperata suis pecunia, non citra munificentiam Regis, fidem suam apud mercatores liberauit. Filius ipsius in Galliam reuersus, de statu rerum omnium, quas comperisset toto expeditionis tempore, multa cum Rege colloqui. Tandem & illud adiecit, non ignotum esse Barbaris, quemadmodum intestina Pontificum dissensione, tranquillitas non solum ecclesiae, verum & orbis Christiani perturbaretur: nihilque adeo mirum illis videri, quam principes & reges hanc tantam vnius & alterius effrenam ambitionem atque licentiam perferre.

perferre. Nemo credat, quantum hæ voces, animum Regis accenderint. Nam si quando aliàs, ab hoc tempore nimirum de firmanda cōcordia, magis atque magis cogitare cœpit.

Dux à Clocestre, quòd ingenio planè intractabili & seditioso esset, indignari secum, & fremere, plurimorū annorum inducias esse constitutas inter vtrumque Regem, ita per cōnubium inuicem coniunctas, vt de concilianda pace vix vllus dubitaret. Spargebat hinc inde voces multū virulentas & seditionis plenas, ipsique Regi periculosas, quem deturbare loco, & imperio exuere iam cogitabat. Apud Lōdinenſes plurimū valebat auctoritate & gratia. his auctor fuit, ne superioribus aliquot annis propter belli molem imperata tributa, nunc, omni tempestate sublata, & cum hoste inito fœdere, dependerent. Iniquissimam esse omnem hanc exigendi rationem. Populus in concione rem proposuit: ac deinde post aliquot tempus, in cœtu omnium ordinum, Lenclastrius illis voluntatem Regis declarauit, ad eum modum, vt sine turba tum discederent. Aliquantò pōst, Sancti Pauli Comes, à Galliæ Rege missus, nuper nuptæ Reginae visendæ caussa, in Angliam accessit. qui postquam de flagitiosis Clocestrj Ducis rationibus audisset, Regem inhor-

tari, vt tempore medicinam adhiberet. Ab huius abitione, passim natus est rumor, velle Regem Gallis restituere Calctum, & super ea re transsegisse cum eo, quem Gallus misisset, legato. Non aliud vehementius potuisset omnem Angliam aduersus Regem concitasse. Et suadebat seditiosus ille populo, vt eo nomine cum Rege expostularent, audituri, quid sentiret. Rex ita respondit, vt qui sano essent iudicio, nec cupidè huc illuc impellerentur, facilè colligerent, ex odio & animi malitia rumorem hunc emanasse. In his quotidianis delationibus, Rex vt accepit patrum affectare sceptrum, & porro cogitare, quomodo ad fastigium illud euaderet, non sine deploratione præsantis Reipublicæ status, consuluit Lenclastrum & alios, quorum ingeniis non diffidebat, quid factoputarèt opus. Illi quantū licebat, consolari & erigere animū Regis, fidem & studium quisque suum polliciti. Sed ed turbarum ventum est, vt qui Regi essent familiares, cum fastum & impotentiam hominis factiosi minimè tolerarent (oderat enim Regios omnes) absque dissimulatione dicerent, se in eo rerum statu, quandoquidem aduersa omnia metuere cogerentur, diutius ibi subsistere non posse. Videre tum erat plerosque viros non ignobiles, qui relictā aula, se confere-

bant

bant in sua pradia. Nec enim obscure colligere licebat, quorsum essent exitura omnia. Breuiter, his vocibus, & indiciis adco clavis incitatus Rex, post multam cogitationē, calliditate quadam adhibita, produxit patrum, ut oblectandi animi causa simul ad venationem iret. Ut in planiciem & campos deuentum est, ibi magister equitum, ex insidiis repente prosiliens, captum illum in arcem Caleti, quam potuit tacite perduxit. Vbi cum aliquādiu seruatus esset, dubius atque suspensus, quid de se statueretur, certo die, cum in aulam sumendi prandij causa ingrederetur, iussu Regis, à quatuor robusto corpore viris, linteo, quod diuersi trahebant, ut vehementius arctarent, strangulatus est: ac deinde vestibus detractis, impositus lecto, quasi repentino morbo perculsus, loquendi, simul & sentiendi vim omnem amisisset. Biduo post, ut constaret sibi commentum, de morte ipsius editum est, quam nec in Galliis, nec in Anglia quisquam magnopere lugebat. Sic enim erat illius meritum, ut propter animum turbis concitandis natum, pessimè iamolim audiret. Sed Londinenses tamē immoderate ferre illius ruinam, & patrum, maximè verò Lenclastrius, qui sortem hanc germani sui fratris cupidè quidē vlturus erat, sed quòd Regis potentiam, nouo

connubio videret auctam, nihil audebat. Ab illius nece, de magnis quibusdam viris, ex mandato Regis, quod in eodem fuissent crimine, & conspiratione, Londini sumptum est supplicium. Beruici Comitem, iis locis præpotentem, idem manebat exitus, verum intercedentibus amicis, flexo, & mitigato Regis animo, deportatus est in insulam. Clocestre filium reliquit minorem, ideoque Rex omnem hæreditatem ad se recepit, & matrem huius, nouæ Regine adiunxit. Angliæ hic mos est, vt Reges nobilium pupillorum bona tueantur, donec vicesimumprimum annū attigerint. Rex, vt qui compertum haberet, quā grauius offendisset patruos, interempto fratre, cum suspecta iam haberet omnia, voluit duo sagittariorum millia, qui sui corporis rationem & curam haberēt, perpetuū secum esse.

Lenclastrij filius, multum popularis, vulgo dictus, Comes Derbiks, in familiari & privato colloquio cum magistro equitum, in Regem fortè quædam liberiùs effudit. Hic, vt gratum Regi faceret in cætu procerum patefecit omnē illam colloctionem, proditiōis crimen alteri intentans, & simul monomachiam deferens. Ille vicissim proditiōis notam regerere, & acceptare prouocationem pugnae. Rex, cuius in aspectu dicebantur hæc omnia, mirabiliter incensus

census derelicto concessu, recipere se intus. Bona pars incusare illum & reprehendere, quod rem ad manus venire permetteret (nam illi magnū sumptum ad se comparandum faciebant) existimantes, ipsius esse proprium munus, in eiusmodi simultatibus, quæ maximas deinde turbas queant excitare, suam auctoritatem interponere. Quas voces ut Rex cognouit, iniecta quoque mentione, quàm indignè hoc ferrent omnes ob eximium amorem in eum, qui prouocatus esset: ut populum placaret atque nobiles, qui magistrum equitum habebant exosum, ita constituit, ut Lenclastrij filius ad annos decem, alter verò exul esset perpetuò. Comiti discessuro, quatuor annos Rex ipse remisit sua sponte. Et hic quidem patris consilium secutus, ad Gallie Regem se contulit, à quo perquam humaniter acceptus est. Londinenses magno luctu & lacrymis abitionem illius prosequi: & iam inde ab eo tempore, spectabant ibi omnia ad cruentum & calamitosum exitum.

Postquàm à Turcarum potestate redempti Gallie nobiles in patriam reuertissent, oratione Burgundionum Ducis filij, inflāmatu Rex, ut ecclesie concordia stabiliri posset, illico scripsit ad Cæsarem, vehementer orans, ut hic suū munus faceret. Vtriusque voluntate dictus est

dies, quo conuenirentur apud Remos. Excogitatae sunt aliae causae, propter quas eò venisse dicerentur, vt ne vera comitiorum ratio, quam tacitam esse volebant aliquandiu, proderetur. Ibi post multam deliberationem placuit, Episcopum Cameracensem, ad Bonifacium Romanæ corimorantem proficisci, quem hortaretur, vt confirmandæ in ecclesia tranquillitatis gratia, munus & honorem Pontificium abdicaret, non quidem perpetuò, sed tantisper, donec Regum, & doctorum hominum sententia, quid sequendum esset, statueretur. Placidè respondit ille, se Cardinalium in ea re consilium adhibiturum. Interim populus Romanus, qui legationis causam accepit, vidēs id luculento suo damno futurum, hortari illum, vt ne in vllius regis aut principis gratiam eò se dimitteret, sed ius suum potius defenderet. Proxima igitur cum legato colloctione, se quidem (inquit) non grauatè, quod vterque Rex peteret facturum, modò idem faceret aduersarius. Regum hic erat animus, vt deposita, vel in hunc vel in illum inclinatione & studio, rem componerent. Legatus, Confluentiae Casarem offendit: vbi cum exposuisset mandata, in Gallias rediit. Theologi consulti, iudicabant idem esse denunciandum Benedicto, quod Bonifacio. Missus igitur A-

uenionem

uenionem à Rege, idem Episcopus, quæ principum mens atque voluntas esset, Pontifici ostendit. Ille nihil horum se facturum respondit. Cõsultis tamen Cardinalibus, variabant sententiæ, ita vt quisque cupiditatem & affectum attulisset. Cùmque certi nihil propter studiorum diuersitatem statuerent, discessum est. Legatus ad Pontificem conuersus, vrgeret, quod referret, certum aliquid. Ibi tum ille satis proteruè, se legitimè ad culmen illud sacrum, & ritè promotũ esse, quod minimè sit, quoad viuat, deserturus, nec vllum esse mortalem adeò sibi carum, in cuius gratiam, iure suo velit cedere, tantum abesse, vt potentiam & vim vllius hìc reformidet. Cùm aliud obtineri non posset, legatus inde profectus, in itinere diuertit ad magistrum equitum, vnà missum à Rege cum copiis: qui simulâtque Pontificis obstinatham mētem audiuit, Auenionem properans, omnem vicinum agrum depopulari, & militem huc illuc parti-ri, ne quis omnino commeatus adferretur. Urbem obsidione cinxit, crudelia minitans oppidanis, ni deditionem facerent. Qui cùm & in Pontifice nihil præsidij positum viderent, & Regis potentiam non ignorarent, inito cū quibusdam Gallis Cardinalibus consilio, patefecerunt urbem. Benedictus obsideri se passus est in

HISTORIAE IIII. LIB.

curia, suppetias ab Arragoniæ Rege cognato suo sperans: verum is prudentior erat, quam qui tantum Regem offendere vellet in gratiam illius, à quo, rebus afflictis, parum esset habiturus praesidi. E Cardinalibus plurimi hortari, ut se gereret summissius: at ille tumoris atq; superbiae plenus, in sententia perstabat immotus, ac velut securus, aut minimè sollicitus, quid tandè de se statueretur. Præterquam lignis, abudabat rebus omnibus. hæc eum necessitas, cum à Cardinalibus, diu multumque rogatus esset, ut deditiōem loci faceret, impulit. Magister equitū, accepta fide, ne prius è curia discederet, quam in quietem atque concordiam esset reducta ecclesia, illum obstrinxit: ac simul custodes adhibuit, & fideiussores, ne fucum faceret, exegit. Gallus ad Cæsare re omni perscripta, sollicitabat Anglum, ut ad tempus, donec apponeretur remedium, factionem à se reiiceret. Facile quidem ille, ut socero gratificaretur, impelli potuisset. Verum, ut ad ordines relatum est, non solum nihil impetrauit, sed grauius etiam omnes in se concitauit, indignissimè ferentes, illum sic addictum esse Gallis, ut in ipsorum gratiam quiduis etiam facturus videretur. Se nimirum etiamsi maximè voluissent deponere studium huius aut illius, tamen, quòd videant Gallum

id

id tantoperè affectare, minimè facturos, quod peteret: neque velle admittere, vt ille religionis atque fidei formulas in Anglia præscribat.

Mortem Ducis à Lenclastre, qui sub hoc tempus è viuorum contubernio migravit, viri prudentissimi, Rex Anglus in Galliam satis hilariter, velut rem exoptatam, nunciabat. Filium autem illius, qui tunc apud Gallum subsistebat, vt antè diximus, non modò non reuocare ad successionem, sed hæreditatem etiam omnè ad se transferre, iudicans eam ad se pertinere, totum illud tempus, quo filio ex necessitate foris erat commorandum. Nec isto contentus, è bonis Lenclastrij, quædã distribuere in homines, præterquam sibi, nulli caros. Comitem Derbium, Gallus, ob generosam indolem, & animum honestum, amore non vulgari complectebatur. Et quoniam prædiues etiam erat, agitatum est de connubio inter ipsum, & Berriæ Ducis filiam, viduam. Quod vbi resciiuit Anglus, misso repente legato, qui rem cæptam impediret, nunciavit socero suo, & patruis, hunc, qui cum de nuptiis agerent, proditorem esse nefandum, & id genus plurima. Derbius, rerū omnium ignarus, vt quid egisset legatus, cognosceret (nam suspicari malè, quòd se insalutato abiisset) repetere colloquium & mentionem matrimonij. Per

hanc occasionem, cum amici non putarent animum & cogitationem illius in dubio retinendam, quid de se narratum esset, intellexit. Ea res quantum illi attulerit molestiae, & acris sollicitudinis, è suo quivis ingenio facile reputaverit. Hanc ipsius indignissimam sortem, & accusationem, omnis penè Anglica nobilitas, & præter hanc, populus Londinensis, implacatissime ferebant, quòd ex militia profectam, & odio, compertum haberent. Anglus tum rursus arma parabat in Hyberniam, adiunctis, præter equites, decem sagittariorum millibus. Quo tempore, duos magni nominis principes viros, qui militiam detrectabant, exulare iussit. nam isti quòd parum amicè & reuerenter essent quædam de Rege locuti, cum id illi non ignotum esse per amicos accepissent, vim, & occasionem periculi declinabant. Et ut paucis dicā, plurimæ simul causse in vnum tempus concurrere, quæ populi odium in Regem, mirificè exagitabant. Et hac ratione freti quidam impuri, cum viderent illum & militiæ occupatum, & irreconciliabili plurimorum odio pressum, deprædari colonos, exuere fortunis huc illuc commeantes mercatores, ac per omnem agrum finitimum grassari, ita quidem, ut non pauci, quò rapacitatem sceleratorum effugerent, Londinum, &

in loca

in loca munitiora se conferrent.

In extremum odium adducto Rege, Cantorbiensis Archiepiscopus ordinum voluntate missus est ad Comitem Derbium, ut inietta spe certissima capeffendi regni, in Angliam illum reuocaret. Legationem autem hanc adeo suscepit tacite, & simul obibat, ut & abitione illius nemo rescisceret, præter eos, quorum intererat, & cum in Galliam venisset, nemo causam aduentus diuinare posset. Derbius, rem omnem prudenter dissimulans, à Gallia Rege petita discedendi copia, quasi in Britoniam esset oblectandi sui gratia profecturus, post aliquot dierum itinera, in Angliam peruenit. Ob Archiepiscopi præsentiam patebant omnes viæ. Cum essent Londino iam viciniores, in urbem misso nuncio, qui salua omnia diceret, oppidani summa repente lætitia perfusi, & magno numero portis egressi, venientem Comitem exceperunt, iam inde paciscentes cum eo de regni administratione. Post hæc placuit, ut instructi ad certum aliquem numerum, Regem comprehensum in custodiam abducerent. Id adeo factum est. Regi nonnulli, de Londinensium aduentu certiores facti, dominum illico mutarunt. Anglus principio quidem vim atque defensionem parabat, sed ex consilio suorum, in arcem

HISTORIAE IIII. LIB.

quandam profugit. Ad quam ubi Derbius per-
 uenit, comitatus circiter ducentis, reliquo sub-
 sequente exercitu, cum priuatim sibi loquendū
 ad Regem diceret, intromissus est, & cum eo
 non plures duodecim. Ut Regem vidit, citra
 ullam honoris delationem, Opus, inquit est, ut
 hodie Londinum venias, flagitante id populo.
 Quid agat miser? Destitutus praesidio suorum,
 & hostiles copias ante oculos conspiciens, ut
 populi furorcm effugeret, dedere se in fidē Co-
 mitis. Dum abduceretur Londinum, hoc vnum
 impensē deprecari, ne per urbem iter esset. Im-
 petrauit, multū indignante populo. Cum eō
 ventum, in carcerem deductus est. Reginae dati
 sunt noui quæstores, officarij & pedissequæ,
 Gallis omnibus loco summotis, & in patriam
 redire iussis. Ad hunc modum peractis rebus,
 non multò post, Derbius ab exilio reuocauit
 Comitem à Beruico, & præter hūc alios quos-
 dam relegatos. Deinde, ex captiui Regis fami-
 lia, quatuor potiores, quorum consiliis inductum
 se ille fateri quiduis perpetrassē, capite puniuit
 ad arcem, ut Anglus omnino videret. Reliqua
 nobilium turba, qui cum illo, carcere continebā-
 tur, deplorare infortunia sua. quin & ipse
 Rex, cogitatione rerum omnium, copiosam la-
 crymarum vim profundens, & alta suspiria
 penitus

penitus educens, horam natalem execrari. Socij
malorum suadebant, vt ad mitigandum ad-
uersarij animum, quo suam, ipsorumque vitam
seruaret, regni moderationem, & potestatem
omnē abdicaret. Pctiit igitur Comitem ad col-
loquium, cui, vt sententiam suam aperuit, ille,
propter admissa scelera, duriter incusare homi-
nem, & simul generis turpitudinem obiicere.
Nam bona pars illum ē sacrificio natum affir-
mabant. Post aliquot inde dies, in conspectu o-
mnis populi, ritibus ex more seruatis, & adhi-
bitis, regni gubernaculum ad Comitem trans-
tulit, in ordinem se redigens ipse, & vitæ du-
bius, cum annos viginti duos regnasset. Hic rerū
Anglicarum status, aded commouit Gallum,
vt in morbum relaberetur. Ad Reginam illius
filiam mittebatur, qui de ipsius fortuna cogno-
sceret. In agrum Burdegalsensem quoque missi
legati, quam ditionem omnem, Galli, postquam
Richardus, quem iis locis mirē colebant, in hanc
calamitatem incidisset, conabantur ad se redu-
cere. Sed ciuitatum primores, vt ad populum
retulerunt, nihil obtinere poterant. Extimesce-
bant enim iamolim crebrae illius exactiones.
Angliæ nobiles aliquot minimē obscuri, ad-
uersus nouum Regem Henricum tacitē conspi-
rauerant. Inter hos erat quidam ē familia

HISTO. IIIL. LIB. FROS.

Spensiorum. Detecta fraude, animaduersum est in omnes.

Gallia Rex conscripto exercitu statuit impugnare Anglos. Euenit autem sub hoc tempus, ut Richardus Londini vitam finiret. Scribit auctor, de mortis genere sibi non constare, nisi quod Henricus nuper factus Rex, non semel à populo fuerit interpellatus, ut illum è medio tolleret, alioqui non defuturam discordiarum materiam, atque bellorum. Sed addit, Regem, quod fidem illi dedisset futurae incolunitatis, non potuisse ad hoc impelli. Cum igitur ad tristem exitum res inter Gallos & Anglos viderentur spectare, bonorum hominum intercessionem, transactum est de induciis. Ut autem huc inclinarent Galli, in causa fuit Regis aduersa valetudo. Benedictus Pötifex, quod principum voluntati morem non geßisset, toties rogatus, honore & dignitate motus est.

FINIS EORVM, QVÆ

sunt apud Frossardum, in toto opere memorabilia, & cognitione digna.

INDEX

INDEX EO-

RVM, QVAE SVNT IN

Historia Froissardi memorabilia.

A.

A Ngli maximo numero in Britoniam ap- pellunt	Fol. 8
Angli plurima recuperant in Aquitania	9
Angli Normanniam bello vexant	11
Angli, post repudiatas à Gallis cōditiones pa- cis, ingentem exercitum in Gallias addu- cunt	21
Angli casi à Scotis	42
Angli Britoniæ ducē iuvant contra Gallos.	56
Angli à Britoniæ Duce illusi	58
Angli in Lusitaniam appellunt	54
Angli à Rege Lusitano falsi	65
Angli obsessi à Gallis in quodam Flandriæ op- pido	74
Angli Lusitano opem ferunt contra Hispa- num	83
Angli Compostellam tenent	87
Angli mortis in Hispania vexati, coguntur in patriam redire	98
Aquitaniæ nobiles Anglo minus parent	32
Aquitania recuperatur à Gallis	42
Aquitani recusant ab Anglia separari	117

tari, vt tempore medicinam adhiberet. Ab huius abitione, passim natus est rumor, velle Regem Gallis restituere Caletum, & super ea re transsegisse cum eo, quem Gallus misisset, legato. Non aliud vehementius potuisset omnem Angliam aduersus Regem concitasse. Et suadebat seditiosus ille populo, vt eo nomine cum Rege expostularent, audituri, quid sentiret. Rex ita respondit, vt qui sano essent iudicio; nec cupidè huc illuc impellerentur, facilè colligerent, ex odio & animi malitia rumorem hunc emanasse. In his quotidianis delationibus, Rex vt accepit patrum affectare sceptrum, & porro cogitare, quomodo ad fastigium illud euaderet, non sine deploratione praesentis Reipublicae status, consuluit Lenclastrum & alios, quorum ingeniis non diffidebat, quid factoputarèt opus. Illi quantū licebat, consolari & erigere animū Regis, fidem & studium quisque suum polliciti. Sed ed turbatum ventum est, vt qui Regi essent familiares, cum fastum & impotentiam hominis factiosi minimè tolerarent (oderat enim Regios omnes) absque dissimulatione dicerent, se in eo rerum statu, quandoquidem aduersa omnia metuere cogerentur, diutius ibi subsistere non posse. Videre tum erat plerosque viros non ignobiles, qui relicta aula, se conferebant

bant in sua prædia. Nec enim obscure colligere licebat, quorsum essent exitura omnia. Breuiter, his vocibus, & indiciis adco clavis incitatus Rex, post multam cogitationē, calliditate quadam adhibita, produxit patrum, ut oblectandi animi causa simul ad venationem iret. Ut in planiciem & campos deuentum est, ibi magister equitum, ex insidiis repente prosiliens, captum illum in arcem Caleti, quam potuit tacite perduxit. Vbi cum aliquādiu seruatus esset, dubius atque suspensus, quid de se statueretur, certo die, cum in aulam sumendi prandij causa ingrederetur, iussu Regis, à quatuor robusto corpore viris, linteo, quod diuersi trahebant, ut vehementius arctarent, strangulatus est: ac deinde vestibus detractis, impositus lecto, quasi repentino morbo percussus, loquendi, simul & sentiendi vim omnem amisisset. Biduo post, ut constaret sibi commentum, de morte ipsius editum est, quam nec in Galliis, nec in Anglia quisquam magnopere lugebat. Sic enim erat illius meritum, ut propter animum turbis concitandis natum, pessimè iamolim audiret. Sed Londinenses tamē immoderate ferre illius ruinam, & patrum, maximè verò Lenclastrius, qui sortem hanc germani sui fratris cupide quidē vlturus erat, sed quòd Regis potentiam, nouo

HISTORIAE IIII. LIB.

connubio videret auctam, nihil audebat. Ab illius nece, de magnis quibusdam viris, ex mandato Regis, quod in eodem fuissent crimine, & conspiratione, Londini sumptum est supplicium. Beruici Comitem, iis locis præpotentem, idem manebat exitus, verum intercedentibus amicis, flexo, & mitigato Regis animo, deportatus est in insulam. Cloestre filium reliquit minorem, ideoque Rex omnem hæreditatem ad se recepit, & matrem huius, nouæ Reginæ adiunxit. Angliæ hic mos est, vt Reges nobilium pupillorum bona tueantur, donec vicesimumprimum annũ attigerint. Rex, vt qui compertum haberet, quàm grauius offendisset patruos, interempto fratre, cum suspecta iam haberet omnia, voluit duo sagittariorum millia, qui sui corporis rationem & curam haberet, perpetuò secum esse.

Lenclastrý filius, multum popularis, vulgo dictus, Comes Derbits, in familiari & priuato colloquio cum magistro equitum, in Regem fortè quædam liberius effudit. Hic, vt gratum Regi faceret in cœtu procerum patefecit omnẽ illam colloctionem, proditiõis crimen alteri intentans, & simul monomachiam deferens. Ille vicissim proditiõis notam regerere, & acceptare prouocationem pugnae. Rex, cuius in aspectu dicebantur hæc omnia, mirabiliter incensus

census derelicto concessu, recipere se intus. Bona pars incusare illum & reprehendere, quod rem ad manus venire permetteret (nam illi magnū sumptum ad se comparandum faciebant) existimantes, ipsius esse proprium munus, in eiusmodi simultatibus, quæ maximas deinde turbas queant excitare, suam auctoritatem interponere: Quas voces ut Rex cognouit, iniecta quoque mentione, quàm indignè hoc ferrent omnes ob eximium amorem in eum, qui prouocatus esset: ut populum placaret atque nobiles, qui magistrum equitum habebant exosum, ita constituit, ut Lenclastrū filius ad annos decem, alter verò exul esset perpetuò. Comiti discessuro, quatuor annos Rex ipse remisit sua sponte. Et hic quidem patris consilium secutus, ad Gallie Regem se contulit, à quo perquam humaniter acceptus est. Londinenses magno luctu & lacrymis abitionem illius prosequi: & iam inde ab eo tempore, spectabant ibi omnia ad cruentum & calamitosum exitum.

Postquam à Turcarum potestate redempti Gallie nobiles in patriam reuertissent, oratione Burgundionum Ducis filij, inflāmatu Rex, ut ecclesie concordia stabiliri posset, illico scripsit ad Cæsarem, vehementer orans, ut hic suū munus faceret. Vtriusque voluntate dictus est

HISTORIAE IIII. LIB.

dies, quo conuenirentur apud Remos. Excogitatae sunt aliae causae, propter quas eò venisse dicerentur, vt ne vera comitiorum ratio, quam tacitam esse volebant aliquandiu, proderetur. Ibi post multam deliberationem placuit, Episcopum Cameracensem, ad Bonifacium Romae comorantem proficisci, quem hortaretur, vt confirmandae in ecclesia tranquillitatis gratia, munus & honorem Pontificium abdicaret, non quidem perpetuò, sed tantisper, donec Regum, & doctorum hominum sententia, quid sequendum esset, statueretur. Placide respondit ille, se Cardinalium in ea re consilium adhibiturum. Interim populus Romanus, qui legationis causam accepit, vidēs id luculento suo damno futurum, hortari illum, vt ne in vllius regis aut principis gratiam eò se dimitteret, sed ius suum potius defenderet. Proxima igitur cum legato colloctione, se quidem (inquit) non grauare, quod vterque Rex peteret facturum, modò idem faceret aduersarius. Regum hic erat animus, vt deposita, vel in hunc vel in illum inclinatione & studio, rem componerent. Legatus, Confluentiae Casarem offendit: vbi cum exposuisset mandata, in Gallias rediit. Theologi consulti, iudicabant idem esse denunciandum Benedicto, quod Bonifacio. Missus igitur A-

uenionem

uenionem à Rege, idem Episcopus, quæ principum mens atque voluntas esset, Pontifici ostendit. Ille nihil horum se facturum respondit. Consultis tamen Cardinalibus, variabant sententiæ, ita ut quisque cupiditatem & affectum attulisset. Cùmque certi nihil propter studiorum diuersitatem statuerent, discessum est. Legatus ad Pontificem conuersus, urgere, quod referret, certum aliquid. Ibi tum ille satis proteruè, se legitime ad culmen illud sacrum, & ritè promotum esse, quod minimè sit, quoad viuat, deserturus, nec ullum esse mortalem ad eò sibi carum, in cuius gratiam, iure suo velit cedere, tantum abesse, ut potentiam & vim ullius hinc reformidet. Cùm aliud obtineri non posset, legatus inde profectus, in itinere diuertit ad magistrum equitum, unà missum à Rege cum copiis: qui simulatque Pontificis obstinatam mentem audiuit, Auenionem properans, omnem vicinum agrum depopulari, & militem huc illuc parti-ri, ne quis omnino commeatus adferretur. Urbem obsidione cinxit, crudelia minitans oppidanis, ni deditionem facerent. Qui cùm & in Pontifice nihil præsidij positum viderent, & Regis potentiam non ignorarent, inito cū quibusdam Gallis Cardinalibus consilio, patefecerunt urbem. Benedictus obsideri se passus est in

HISTORIAE IIII. LIB.

curia, suppetias ab Arragoniæ Rege cognato suo sperans: verum is prudentior erat, quam qui tantum Regem offendere vellet in gratiam illius, à quo, rebus afflictis, parum esset habiturus praesidij. E Cardinalibus plurimi hortari, ut se gereret summissius: at ille tumoris atq; superbiae plenus, in sententia perstabat immotus, ac velut securus, aut minimè sollicitus, quid tandè de se statueretur. Præterquam lignis, abundabat rebus omnibus. hæc cum necessitas, cum à Cardinalibus, diu multumque rogatus esset, ut deditionem loci faceret, impulit. Magister equitum, accepta fide, ne prius è curia discederet, quam in quietem atque concordiam esset reducta ecclesia, illum obstrinxit: ac simul custodes adhibuit, & fideiussores, ne fucum faceret, exegit. Gallus ad Caesarè re omni perscripta, sollicitabat Anglum, ut ad tempus, donec apponeretur remedium, factionem à se reiiceret. Facile quidem ille, ut socero gratificaretur, impelli potuisset. Verum, ut ad ordines relatum est, non solum nihil impetrauit, sed grauius etiam omnes in se concitauit, indignissimè ferentes, illum sic addictum esse Gallis, ut in ipsorum gratiam quiduis etiam facturum videretur. Se nimirum etiamsi maximè voluissent deponere studium huius aut illius, tamen, quòd videant Gallum

id tantoperè affectare, minimè facturos, quod peteret: neque velle admittere, vt ille religionis atque fidei formulas in Anglia præscribat.

Mortem Ducis à Lenclastre, qui sub hoc tempus è viuorum contubernio migravit, viri prudentissimi, Rex Anglus in Galliam satis hilariter, velut rem exoptatam, nunciabat. Filium autem illius, qui tunc apud Gallum subsistebat, vt antè diximus, non modò non reuocare ad successionem, sed hæreditatem etiam omnè ad se transferre, iudicans eam ad se pertinere, totum illud tempus, quo filio ex necessitate foris erat commorandum. Nec isto contentus, è bonis Lenclastrij, quædã distribuere in homines, præterquam sibi, nulli caros. Comitem Derbium, Gallus, ob generosam indolem, & animum honestum, amore non vulgari complectebatur. Et quoniam prædiues etiam erat, agitatum est de connubio inter ipsum, & Berriæ Ducis filiam, viduam. Quod vbi resciuit Anglus, misso repente legato, qui rem cœptam impediret, nunciavit soccro suo, & patruis, hunc, qui cum de nuptiis agerent, proditorem esse nefandum, & id genus plurima. Derbius, rerū omnium ignarus, vt quid egisset legatus, cognosceret (nam suspicari malè, quòd se insalutato abiisset) repetere colloquium & mentionem matrimonij. Per

HISTORIAE IIII. LIB.

hanc occasionem, cum amici non putarent animum & cogitationem illius in dubio retinendam, quid de se narratum esset, intellexit. Eares quantum illi attulerit molestiae, & acris sollicitudinis, è suo quivis ingenio facile reputaverit. Hanc ipsius indignissimam sortem, & accusationem, omnis penè Anglica nobilitas, & præter hanc, populus Londinensis, implacatissime ferebant, quòd ex militia profectam, & odio, compertum haberent. Anglus tum rursus arma parabat in Hyberniam, adiunctis, præter equites, decem sagittariorum millibus. Quo tempore, duos magni nominis principes viros, qui militiam detrectabant, exulare iussit. nam isti quòd parum amicè & reuerenter essent quædam de Rege locuti, cum id illi non ignotum esse per amicos accepissent, vim, & occasionem periculi declinabant. Et ut paucis dicā, plurimæ simul causæ in vnum tempus concurrere, quæ populi odium in Regem, mirificè exagitabant. Et hac ratione freti quidam impuri, cum viderent illum & militiæ occupatum, & irreconciliabili plurimorum odio pressum, deprædari colonos, exuere fortunis huc illuc commeantes mercatores, ac per omnem agrum finitimum grassari, ita quidem, ut non pauci, quòd rapacitatem sceleratorum effugerent, Londinum, & in loca

in loca munitiora se conferrent.

In extremum odium adducto Rege, Cantorbiensis Archiepiscopus ordinum voluntate missus est ad Comitem Derbium, ut iniecta spe certissima capessendi regni, in Angliam illum reuocaret. Legationem autem hanc adeo suscepit tacite, & simul obibat, ut & abitione illius nemo rescisceret, præter eos, quorum intererat, & cum in Galliam venisset, nemo causam aduentus diuinare posset. Derbius, rem omnem prudenter dissimulans, à Gallie Rege petita discedendi copia, quasi in Britoniam esset oblectandi sui gratia profecturus, post aliquot dierum itinera, in Angliam peruenit. Ob Archiepiscopi præsentiam patebant omnes viæ. Cùm essent Londino iam viciniore, in urbem misso nuncio, qui salua omnia diceret, oppidani summa repente lætitia perfusi, & magno numero portis egressi, venientem Comitem exceperunt, iam inde paciscentes cum eo de regni administratione. Post hæc placuit, ut instructi ad certum aliquem numerum, Regem comprehensum in custodiam abducerent. Id adeo factum est. Regij nonnulli, de Londinensium aduentu certiores facti, dominum illico mutarunt. Anglus principio quidem vim atque defensionem parabat, sed ex consilio suorum, in arcem

HISTORIAE IIII. LIB.

quandam profugit. Ad quam ubi Derbius per-
uenit, comitatus circiter ducentis, reliquo sub-
sequente exercitu, cum priuatim sibi loquendū
ad Regem diceret, intromissus est, & cum eo
non plures duodecim. Ut Regem vidit, citra
vllam honoris delationem, Opus, inquit est, vt
hodie Londinum venias, flagitante id populo.
Quid agat miser? Destitutus praesidio suorum,
& hostiles copias ante oculos conspiciens, vt
populi furorcm effugeret, dedere se in fidē Co-
mitis. Dum abduceretur Londinum, hoc vnum
impensē deprecari, ne per urbem iter esset. Im-
petrauit, multū indignante populo. Cum eō
ventum, in carcerem deductus est. Reginae dati
sunt noui quæstores, officij & pedissequæ,
Gallis omnibus loco summotis, & in patriam
redire iussis. Ad hunc modū peractis rebus,
non multò post, Derbius ab exilio reuocauit
Comitem à Beruico, & præter hūc alios quos-
dam relegatos. Deinde, ex captiui Regis fami-
lia, quatuor potiores, quorum consiliis inductum
se ille fateri quiduis perpetrasse, capite puniuit
ad arcem, vt Anglus omnino videret. Reliqua
nobilium turba, qui cum illo, carcere continebā-
tur, deplorare infortunia sua. quin & ipse
Rex, cogitatione rerum omnium, copiosam la-
crymarum vim profundens, & alta suspiria
penitus

penitus educens, horam natalem execrari. Socij
malorum suadebant, vt ad mitigandum ad-
uersarij animum, quo suam, ipsorumque vitam
seruaret, regni moderationem, & potestatem
omnē abdicaret. Petiit igitur Comitem ad col-
loquium. cui, vt sententiam suam aperuit, ille,
propter admissa scelera, duriter incusare homi-
nem, & simul generis turpitudinem obiiicere.
Nam bona pars illum è sacrificio natum affir-
mabant. Post aliquot inde dies, in conspectu o-
mnis populi, ritibus ex more seruatis, & adhi-
bitis, regni gubernaculum ad Comitem trans-
tulit, in ordinem se redigens ipse, & vitæ du-
bius, cum annos vigintiduos regnasset. Hic rerū
Anglicarum status, adeò commouit Gallum,
vt in morbum relaberetur. Ad Reginam illius
filiam mittebatur, qui de ipsius fortuna cogno-
sceret. In agrum Burdegalensem quoque missi
legati, quam ditionem omnem, Galli, postquam
Richardus, quem iis locis mirè colebant, in hanc
calamitatem incidisset, conabantur ad se redu-
cere. Sed ciuitatum primores, vt ad populum
retulerunt, nihil obtinere poterant. Extimefce-
bant enim iamolim crebrae illius exactiones.
Angliæ nobiles aliquot minimè obscuri, ad-
uersus nouum Regem Henricum tacitè conspi-
rauerant. Inter hos erat quidam è familia

HISTO. IIII. LIB. FROS.

Spensiorum. Detecta fraude, animaduersum est in omnes.

Galliæ Rex conscripto exercitu statuit impugnare Anglos. Euenit autem sub hoc tempus, vt Richardus Londini vitam finiret. Scribit auctor, de mortis genere sibi non constare, nisi quòd Henricus nuper factus Rex, non semel à populo fuerit interpellatus, vt illum è medio tolleret, alioqui non defuturam discordiarum materiam, atque bellorum. Sed addit, Regem, quòd fidem illi dedisset futuræ incolumitatis, non potuisse ad hoc impelli. Cùm igitur ad tristem exitum res inter Gallos & Anglos viderentur spectare, bonorum hominum intercessione, transactum est de induciis. Vt autem huc inclinarent Galli, in causa fuit Regis aduersa valetudo. Benedictus Pötifex, quòd principum voluntati morem non gessisset, toties rogatus, honore & dignitate motus est.

*FINIS EORVM, QUAE
sunt apud Frossardum, in toto opere
memorabilia, & cognitione digna.*

INDEX



INDEX EO-

RVM, QVAE SVNT IN

Historia Frossardi memorabilia.

A.

A Ngli maximo numero in Britoniam ap- pellunt	Fol. 8
Angli plurima recuperant in Aquitania	2
Angli Normanniam bello vexant	11
Angli, post repudiatas à Gallis cōditiones pa- cis, ingentem exercitum in Gallias addu- cunt	21
Angli casī à Scotis	42
Angli Britoniæ ducē iuvant contra Gallos.	56
Angli à Britoniæ Duce illusi	58
Angli in Lusitaniā appellunt	54
Angli à Rege Lusitano falsi	65
Angli obsecsi à Gallis in quodam Flandriæ op- pido	74
Angli Lusitano opem ferunt contra Hispa- num	83
Angli Compostellam tenent	87
Angli mortis in Hispania vexati, coguntur in patriam redire	98
Aquitaniæ nobiles Anglo minus parent	32
Aquitania recuperatur à Gallis	42
Aquitani recusant ab Anglia separari	117

INDEX.

Armignaci Comes bellum mouet Mediolanum 111

B.

Bellum Britonicū, Caroli Blesensis morte finitum 26

Bellum inter principes, propter Pontifices 74

Bellum Hispanicum & Lusitanicum 82

Bellum Pontificium 85

Bellum inter Brabantos & Iuliacos 101

Bella ferè desinunt in nuptias 112

Benedictus Pontifex creatus 117

Benedictus arroganter respondet principum legato 128

Benedictus obsidetur Auenione, & deditiōē facit 128

Benedictus à munere Pontificio depellitur 132

Blesensis ditio vendita duci Aurelianensi 113

Bonifacius, Pontifex creatus 110

Britoniæ Ducatus, & in eo succedendi ius bellum mouet 6

Britoniæ domina, virilem animum præstat 7

Britonia, feudi ratione Gallia subiecta 26

Britoniæ dux in Angliam profugit 40

Brito reuocatus à suis 51

Brito reconciliatus Gallie Regi 58. 103

Britoniæ dux, Gallie Regem iuuat contra Anglos 74

C.

INDEX.

C.

Cæsar & Gallia Rex conueniunt Remis	127
Caletum deditioe captum ab Anglis	15
Cameracum ab Anglis obfessum	2
Cæritas omnium rerum in Gallia	20
Carolus Quintus, Philippum fratrem constituit Burgundia Ducem	25
Caroli Blesensis interitus	25
Carolus Quintus moritur ex veneficio	55
Caroli Quinti laus	54
Carolus Sextus, Bauaria Ducis filiam vxorem ducit	77
Carolus Cæsar, Iulia Ducem bello petit	101
Carolus Rex Nauarra, flammis absumptus	102
Carolus Sextus, intelligendi vim perdit	115
Carolus Bohemia Rex, Cæsar factus aduersus Ludouicum Bauarum	120
Clemens, Pontifex creatus aduersus Urbanum Sextum	47

D.

David Scotia Rex, Lutetiam venit	2
Disceptatio & bellum propter Neapolim	65
Diuerfa Regum studia propter Pontifices	46
Donatio ficta à Regina Neapolitana	49
Don Pietro Hispania tyrannus, è Regno fugatus	27
Don Pietro confossus à fratre illegitimo	32

INDEX.

Durenū Angliæ oppidū à Scotis direptū	71
Dux Andegauorum in Italiam profectus moritur	76

E.

Eduardus Geldriæ principis casus	101
Eduardus secundus Angliæ Rex, inutilis regno	1
Eduardus Tertius, coronatus Rex	1
Eduardus Tertius insignia Gallia & titulum sibi sumit	3
Eduardus Tertius moritur	41
Expeditio Gallica in Angliam suscepta differtur	88
& rursus à Britoniæ Duce impeditur	92
Expeditio Gallorum aduersus Turcam	119

F.

Flandri sui principis arcē quādā exurunt	50
Flandri nobilium ædes demoliuntur	52
Flandri cæsi à suo principe	55
Flandri feliciter pugnant in Comitē suum	68
Flandriæ princeps à Gallia Rege opem implorat	69
Flandri cæsi à Gallis	71
Flādræ Comititis exercitus cæsus ab Anglis.	74
Flandriæ Comes Ludouicus vitam finit	75
Fides militaris, auctore Pontifice violata	28
Fædus inter Anglum & Flandros	3

Fædus

INDEX.

<i>Fœdus Brabantorū & Flandrorū inter se</i>	<u>4</u>
<i>Fœdus inter Gallum & Hispanum</i>	<u>38</u>
<i>Franciscanus perturbationem ecclesiæ prædicit</i>	<u>21. 58</u>
<i>Frossardus Regū et Principū aulas secutus.</i>	<u>72</u>
<i>G.</i>	
<i>Galli, Carolo Blesensi, in recuperanda Brito-</i> <i>nia opem ferunt</i>	<u>7</u>
<i>Galli ex inopinato cæsi ab Anglis</i>	<u>10</u>
<i>Galliæ Rex Henrico Hispania Regi opem fert</i> <i>aduersus Anglos</i>	<u>29</u>
<i>Galli multa recuperant in Aquitania</i>	<u>33</u>
<i>Galli in Scotiam profecti, bellum mouent An-</i> <i>glis</i>	<u>77. 79</u>
<i>Galli Hispano subueniunt aduersus Lusitanū</i>	
<i>83. & 91</i>	
<i>Galli in Lusitania cæsi ab Anglis</i>	<u>84</u>
<i>Galli captiui, miserè occiduntur</i>	<u>84</u>
<i>Galliæ Rex in Geldriā expeditionē facit.</i>	<u>106</u>
<i>Galliæ remotioris expilationes</i>	<u>109</u>
<i>Galli coniuncti Genuensibus in Barbaria bel-</i> <i>lum gerunt</i>	<u>110</u>
<i>Galliæ rex laborat p̄ trāquillitate ecclesiæ.</i>	<u>117</u>
<i>Galli feliciter pugnant in Turcas</i>	<u>119</u>
<i>Galli circumuenti à Turcis & cæsi</i>	<u>123</u>
<i>Gandauum obsessum à Flandro</i>	<u>36. 63</u>
<i>Geldriæ Ducum genealogia</i>	<u>92</u>

INDEX.

<i>Geldria Dux bellum indicit Gallo</i>	94.99.
<i>Geldria dux parua manu fudit Brabatos.</i>	106.
<i>Geldria Dux, Gallia Regi reconciliatus</i>	106
<i>Gregorius vndecimus, Pontifex</i>	37.
<i>H.</i>	
<i>Hannonia Comes bellum mouet Gallo</i>	4.
<i>Hannonia princeps, occumbit in Phrisia</i>	11
<i>Hannonia Comitum genealogia</i>	76.
<i>Henricus Hispania Rex moritur</i>	45
<i>Henricus, Hungariae Rex factus per vim</i>	78.
<i>Henricus Hispani filius, Lenclastrij Angli filiam uxorem ducit</i>	108
<i>Henricus Hispania Rex factus</i>	111
<i>Hispani praelio victi ab Anglis</i>	30
<i>Hispanus à Lusitano deuictus praelio</i>	84.
<i>Hybernorum feritas</i>	118
<i>I.</i>	
<i>Iacobus Arteuillanus, homo obscurus, in summo precio habitus</i>	3
<i>Iacobus Arteuillanus Gandani oppressus</i>	10
<i>Iacobus Borboni, à milite praedone occisus</i>	23.
<i>Illegitimus à Pontifice legitimatus & Hispaniarum Rex factus</i>	27
<i>Illegitimus quidam Lusitaniae Rex factus</i>	67
<i>Inducia inter Anglos & Scotos</i>	8
<i>Inducia inter Anglum & Gallum, ex occasione calumniae, non seruatae</i>	9.
	<i>Inducia</i>

INDEX.

<i>Induciæ inter Gallũ, Hispanũ, & Anglũ.</i>	75
<i>Induciæ inter aliquot Reges, & ipsorum confæderatos</i>	108
<i>Innocentius Sextus, Pontifex</i>	17
<i>Ioannes Gallia Rex captus</i>	18
<i>Ioannes Rex in Anglia moritur</i>	24
<i>Ioannes Hispania Rex creatus</i>	45
<i>Ioannes Hispania Rex Lusitani filiam uxorem ducit</i>	67

L.

<i>Lemouicum solo æquatum</i>	36
<i>Lenclastrius in Lusitaniam nauigat</i>	86
<i>Lenclastrius Angli filius, tyranni Hispani filiam uxorem ducit</i>	38
<i>Leo Rex Armenia profugus in Galliã venit.</i>	89
<i>Legatorum Gallia & Anglia cõuentus</i>	113
<i>Liberatio Regis Ioannis</i>	22
<i>Lisbona obsidetur ab Hispano</i>	83
<i>Lisbonensium auctoritas in creando Rege</i>	83
<i>Ludouicus Bauarus, Anglum Imperij vicariũ constituit</i>	2
<i>Ludouicus Flandria Comes illudit Anglo in tractatione connubij</i>	14
<i>Lutetia muris cinctã</i>	20
<i>Ludouicus Bauarus Cæsar, Romam deprædatur</i>	119

M.

I N D E X.

<i>Maiorica Rex ab Arragonie Rege pulsus</i>	28
<i>Maiorica Rex moritur in Hispaniis</i>	37
<i>Matrimonia inter Flandros & Hannonie principes</i>	76
<i>Matrimonium per vim</i>	78
<i>Mediolani Ducum aliquot improbitas</i>	120
<i>Milites exaucterati Gallū & Pontificem turbant</i>	23
<i>Milites prædones in Hispaniā traducti</i>	26
<i>Monomachia propter stuprum</i>	89
<i>Mors repentina</i>	119

N.

<i>Nauarra Rex à Ioāne Gallie Rege captus</i>	17
<i>Nauarrū milites subducunt se hosti callidè</i>	20
<i>Naurrius toxicū adornat Carolo Quinto</i>	41
<i>Nauarrius opẽ ab Anglo petit cõtra Gallū</i>	44
<i>Nauarrius bello vexatur ab Hispano</i>	44
<i>Nauarrius filio venenum dat, vt patrem interimat</i>	80

O.

<i>Obsides à Ioanne Gallie Rege dati</i>	22
<i>Obsides diuersis rationibus liberati</i>	33
<i>Occasio belli Flandrici</i>	49
<i>Occasio turbarū in Anglia, aduersus Regẽ</i>	95
<i>Occasio noui belli contra Britonem</i>	115
<i>Oratio Coroli Quinti ad fratres</i>	54
<i>Oratio nobilium quorundā Britonum ad principem</i>	

INDEX.

cipem suum

57

P.

<i>Parisienses armati Regem excipiunt</i>	72
<i>Parisienses tumultuantur</i>	<u>64</u>
<i>Patris, ad filios, honestum præceptum</i>	<u>90</u>
<i>Pax à Gandauis violata</i>	<u>52. 63</u>
<i>Pax inter Flandros, ipsorumque Comitem.</i>	<u>51</u>
<i>Pax inter Gandauos & Philippum Burgundiae Ducem</i>	<u>79</u>
<i>Pax inter Gallos & Anglos</i>	22
<i>Pax minimè seruata</i>	<u>33</u>
<i>Permutatio Ducatum in Gallia</i>	114
<i>Philippus Valesius Rex electus</i>	1
<i>Pötifices parü obsequētes Cæsari et Gallo</i>	128
<i>Prælium inter Gallos & Anglos in Picardiae finibus</i>	<u>9</u>
<i>Præliū nauale inter Anglos & Hispanos</i>	<u>38</u>
<i>Phrisones ab Hannoniæ Comite superati</i>	121

R.

<i>Rex Cypri in Galliam venit</i>	24
<i>Richardus Angliæ rex factus</i>	<u>41</u>
<i>Richardus è Germania vxorem ducit</i>	<u>65</u>
<i>Richard⁹ rex militē aduers⁹ patruos educit.</i>	<u>96</u>
<i>Richardus Hyberniam subigit</i>	118
<i>Richard⁹ Galliæ Regis filiā vxorē ducit</i>	122
<i>Richardus in odiū vocatus apud vulgus</i>	<u>125</u>
<i>Richardus in carcerem abductus</i>	<u>130</u>

INDEX.

Richardus, abdicato regno, vitam finit	131
Robertus Siciliae Rex, Gallum dehortatur a bello	4
Romani tumultuantur ob electionem Pontificis	43
Rusticorum tumultus in Anglia	61
Rusticorum tumultus in Gallia	19
S.	
Scotiae Rex in praelio captus ab Anglis	13
Scotus, ab Anglis, pacatione facta dimissus.	18
Scotorum in Gallos inhumanitas	78
T.	
Tornacum obsessum ab Eduardo Tertio	5
Tristis & miserabilis euentus inter patrem, & filium	80
V.	
Valentinae Mediolanensis ambitiosus animus.	120
Vrbani sextus, Pontifex electus, volente populo Romano	43
Vrbani ad emungendam pecuniam, arte utitur	72
Vuenceslaus Brabantiae Dux captus	101
Illustriores, & veluti communes aliquot loci, per totum opusculum sparsi.	
Calumnia quid possit	9
Commiseratio in hoste	25
Cupiditatem	

INDEX.


Cupiditatem nimiam esse odiosam	54
Crudelitas militaris	836
Delatoris improbitas punita	127
Fortunam dominari plurimum in bello	18
Gratitudo	74
Hostem aliquando nulla vi armorum superari.	97. 110
Hostium calamitas in usum nostrum est ver- tenda	32. 106
Hostem debilitatum atque nutantem esse per- sequendum	38
Humanitatis & clementiæ exemplum in ho- stem	98
Inclementiam erga miseros vix vnquam bene cedere	68
Incerti rerum humanarum euentus	68. 76
Imperitiæ et timidiæ superbiæ exemplū	74. 97
Innocentiam nō semper esse tutam	82
Impotentes principum affectus	85
Importuna grauitas	111
Laus ab hoste profecta	41
Militum crudelitas à Duce punita	8
Magnitudine exercitus non semper nitendū.	18
Magistratus esse necessarios	19
Miseria vitæ humanæ	131
Pacta seruanda	23
Privati cōmodi gratia violari amicitia.	87. 108

I N D E X.

<i>Proditionem interim dissimulandam</i>	15
<i>Quantum obsit è successu aliquo bono orta negligentia</i>	14
<i>Quàm sit periculosum de principibus malè loqui</i>	17
<i>Quanta sit virtus lenitas erga subiectos</i>	35
<i>Quàm non sit tutum fidere quibuscumque</i>	44
<i>Quæ soleant euenire incòmoda finito bello</i>	23
<i>Quid possit inuidia</i>	34. 85. 123
<i>Quid mali afferat temeritas</i>	56. 84
<i>Quid prosint moderata consilia</i>	45
<i>Rara fides</i>	131
<i>Rempub. administrare, sæpe periculosissimum</i>	
116	
<i>Seditiosus vnus, magnum in Rep. malū</i>	71
<i>Seditiosorum exitus</i>	11. 19. 51. 63. 71. 96. 126
<i>Scelerum ultorem esse Deum</i>	90. 109
<i>Tyrannorum exitus</i>	32. 102
<i>Victorem decet clementia</i>	14
<i>Vulgi affectus immoderatissimi</i>	59. 69
<i>Vulgo non esse fidendum</i>	79

F I N I S.





16. A. 47.

